

-রাজস্থানের চারণ-গীতি মুখরিত-

রাজপুত-বালা

‘বাদলের বারিধারা প্রায়
পড়ে অস্ত্র বালিকার গায়।’



ষষ্ঠ সংস্করণ

১৩৩৪

শ্রী প্রমথনাথ চট্টোপাধ্যায়

এক টাকা

সক...

১১ক-চিত্রাভিনয়-বঙ্ক প্রকাশকের।

— প্রকাশক —

কমলিনী-সাহিত্য-মন্দির পরিচালিত

শ্রীগোষ্ঠবিহারী দত্ত

নির্মল-সাহিত্য-পাঠ

শ্রীশরৎচন্দ্র পাল

৯, কর্ণওয়ালিস্ স্ট্রীট, (ঠান্ঠনে কালীতলা)

কলিকাতা ।

— “মাতৃকোষে রতনের রাজি ।
এ ভিখারী দশা তবে কেন হোর আজি ?”

অতল সাগরতলে গিলেছে মাণিক !!

— রেলওয়ে সিরিজ —
বঙ্গীয় ঔপন্যাসিক শিরশ্চূড়ামণি

দার্শনিক পণ্ডিত

সুরেন্দ্রমোহন ভট্টাচার্য বেদান্তশাস্ত্রীর
জনমনমোহন উপন্যাস

?

১ চৈত্রে—‘কমলিনীর’ নূতন রেলওয়ে-সিরিজ
বলিয়া যেখানি ঘোষিত হইবে, সেখানি তাহাই !!

কান্তিক প্রেস

২২, সুকিয়া স্ট্রীট, কলিকাতা

শ্রীমতীকান্ত দালাল কর্তৃক মুদ্রিত ।

ভঙ্গসাহিত্য উপন্যাস-সাহিত্যাকাশে
বিদ্যুৎ বিকাশ !

২

—নবাব আলিবর্দীর মেহ-পুত্রালি—

বাংলা-মঙ্গলদেব সৌখীন-আলাল—
বাংলা-বিহাঙ্গ-উড়িষ্যার— নবাব-দুলাল
নবাব-তক্তের বনিয়াদি নবাব

—সেই—

নবাব সিরাজ উদ্দৌল্লা !!

‘কমলিনীর’—‘রাজপুত্রের মেয়ে’ প্রণেতা

শ্রীযুক্ত প্রমথনাথ চট্টোপাধ্যায়ের সাধের রচনা

চিত্রবহুল নবাবী উপাখ্যান

—নবাব—

সিরাজ উদ্দৌল্লা

বিশ্ব-বিশ্রুত-চিত্র-শিল্পীগণের

বিশ্ববিমোহন চিত্রাবলী ভূষিত হইয়া

শীঘ্রই প্রকাশিত হইবে।



শ্রীতি-সংগ্রহ

শ্রীতি-সংগ্রহ

শ্রীতি-সংগ্রহ

শ্রীতি-সংগ্রহ

শ্রীতি-সংগ্রহ

শ্রীতি-সংগ্রহ

শ্রী



প্রেম-রঙ্গ-তরঙ্গায়িত উপন্যাস-প্লাবিত বঙ্গে—

ধর্মসঙ্গত—পরিপূর্ণ সংসাহিত্য আ

উপন্যাসের পৃষ্ঠায় পৃষ্ঠায় সু-প্রচারিত!

পারব্রাজক—শ্রীশিক্ষু অকিঞ্চনের

প্রাণপাত পরিশ্রমে প্রস্তুত সংসাহিত্য-রসকরা—

বাগ্বিনী বাণাপাণীর প্রসাদি সাহিত্য-পায়দাম

—আজ—

সং-সাহিত্যামোদী ভক্তবৃন্দে পংক্তিতে পংক্তিতে

অপরিষ্যাপ্ত পরিবেশিত!

সে আবার কি?

স্বামী-তীর্থ

যত ইচ্ছা এ সাহিত্য-মহাস্রুত

পান করিয়া যুগে যুগে অমর হইয়া থাকুন, কিন্তু সাবধান,

এ অমৃত যেন ক্ষান্তিতে না পড়ে।

—কারণ—

সাহিত্য-সম্রাট বঙ্কিমচন্দ্র ও দার্শনিক পণ্ডিত সুরেন্দ্রমোহন

ভট্টাচার্যের পর—উপন্যাস-সাহিত্য-ক্ষেত্রে “স্বামীতর্কের” উপমা—

‘গঙ্গাজলে’ গঙ্গাপূজার মত কেবল “স্বামীতীর্থ” উপন্যাস পাঠেই হইবে,

নচেৎ, কথার শক্তি নাই, বুঝাতে ইহায়।

হিন্দু মাত্রেই “স্বামীতীর্থ” পাঠের একান্ত প্রয়োজন হইলেও পয়সা

রিচ করিতে নারাজ—অথচ পাঠেচ্ছা-প্রবল সাহিত্যামোদীগণ, স্থানীয়

পাইত্রেরী হইতে চাহিয়া লইয়াও একবার পড়িবেন, ইহাই প্রকাশকের

বনিত অনুরোধ। ভারতের সমস্ত পুস্তকালয়ে প্রাপ্য।

রোমাঞ্চকর ত্রিটেকটিভ উপন্যাস—‘মিলন-রাত্রি !’

মহিলা-মনোহারিণী সুলেখিকা

শ্রীমতী কমলাবালা দেবী বিরচিত

মিলন-রাত্রি

মহিলা-মনোমন্দিরে—মন্দিরা-মন্ড্রে—মোহন-সুন্দরে

সুন্দরী মোহিনী মিলনের এক রাত্রি,—

মিলন-রাত্রি

এ ফুল-নিশাথে—ধরি হাতে হাতে—জীবনের পথে

মিলিয়া মিশিয়া সুখী হও : জাননা :—এ যে মিলন-পূর্ণিমা !

‘বৃষ্ণ এমনি নিশাথে সহ’রে,
প্রথম প্রণয়ী ধরে প্রিয়া কর,
প্রথম পিকের জাগে কুহ স্বর
প্রথম বাঁশীর রাধা রাধা স্বর
কুঙ্ক-কুটারে ফুকারে !’

কে কোথায় আছে, মিলন-রাত্রির আনন্দ-যাত্রী, এ শুভ যাত্রায়
সাথী হও ! আমরা শুভ-মিলনের চাক-ফুলতরী খুলিয়া দিয়াছি,—

আর বিলম্বে কাজ কি ?

দীর্ঘ বিরহের পর মিলনানন্দের আরামপ্রদস্থানে শরীর রোমাঞ্চ
হইবার সঙ্গে সঙ্গে মুহূর্তে পরিবর্তনশীল উপন্যাসের পৃষ্ঠা,—সৌখীন
গোয়েন্দার বিলীষিকাময়ী বন্দী-বন্ধনে—পাঠকের মগজের রক্ত
চল্কাইয়া দিবে—এমনি লেখিকার লিপি-চাতুর্য্য !!

রাজপুত-বালা

ঐতিহাসিক কাহিনী

প্রথম পরিচ্ছেদ

১০১— “স্মরণ রেখো—আমি রাজপুত-বালা।”

১০২— “আর তুমিও স্মরণ রেখো রাজপুত-বালা, আমি বাংলার
নবাব।”

১০৩— “হলেও তুমি বিদেশী—বিজাতি—বিধর্মী। ইচ্ছা করলে
হিন্দু তোমায় পিষে মারতে পারে।”

১০৪— “সে সম্ভবন্ধ হলে। বন্য পশু, কেশরী-ছকারে আর্ভ
খাসে পালায়; কিন্তু সম্ভবন্ধ হলে অবহেলে অনায়াসে
সংহার করতে পারে।”

১০৫— “কিন্তু অরণ্যে যখন অগ্নি জলে ওঠে, তখন আর কেউ
কেশরী-শকা করে না! তেমনি, তুমি যদি আজ হিন্দু-

বালিকার ওপর অথবা অত্যাচার করে সমগ্র হিন্দু-জাতির হৃদয়ে আগুন জালিয়ে দাও—তা’হলে আর কেউ তোমায় শঙ্কা করবে না, নবাব।”

“কিন্তু বালিকা, হিন্দুর হৃদয় যে হিম-শীতলতায় জমাট বেঁধে গেছে—আর উত্তাপিত হবে না। যদি হিন্দুর হৃদয়ে দাহিকা-শক্তি থাকতো—তাহলে যখন প্রথম সূর্য্যাকিরণের মধ্যে, লক্ষশত জাগ্রত নেত্রের সম্মুখ দিয়ে তোমাকে বলপূর্ব্বক আমার প্রাণাদে আনয়ন করি, তখন হিন্দুর হৃদয়ে আগুন ধু ধু করে জলে উঠতো। তাই বলি রাজপুত-বালা, হিন্দু আজ নিশ্চিন্ত—নিজ্জীব।

আত্মরক্ষায় একটা পক্ষীও চকুতে আঘাত করতে ধাবিত হয়! কিন্তু, হিন্দু তোমায় রক্ষার্থে—জাতির মর্যাদা রক্ষার্থে একটা অঙ্গুলীও উত্তোলন করলে না; এত হেয়—এত হীন এই কাফের। একজন—একজনও যদি আমার এই অত্যাচার বিরুদ্ধে ক্ষীণ বক্ষে—দীপ্ত ভালে—দৃপ্ত শির-শীর্ষে দণ্ডায়মান হতো—তাহলে বুঝতুম, হিন্দুর মধ্যে এখনও মানুষ আছে—মনুষ্য আছে—প্রাণ আছে।”

“মানুষ দেখতে নবাব, যদি আমার স্বামী, আমার জগৎপূজ্য বিশ্ব-বিশ্রুত স্বশুর জগৎশেঠ এখানে উপস্থিত থাকতেন।” *

* আমাদের নায়িকা রাজপুত-বালা “জগৎশেঠ” উপাধিধারী কতেচাদের পুত্রবধু কিম্বা পৌত্রবধু সে বিষয়ে মতবিরোধ থাকায় আমি পুত্রবধু রূপে পরিচিতা করলাম।

“তাঁর সঙ্গে সমগ্র মুর্শিদাবাদের অধিবাসীরা তো দিল্লী যায় নাই !”

“তারা কাণ্ডারী-হীন—তাই মনের আগুন অতি কষ্টে নিরুদ্ধ রেখেছে। আমার শত্রুরের আগমনমাত্র সে হৃদয়-নিরুদ্ধ অগ্নি মহা-শিখায় মহাতেজে—লক্ষ লেলিহান জিহ্বা-বিস্তারে সমগ্র বঙ্গাকাশ রঞ্জিত করে—বাতাস প্রতপ্ত করে ন্যোম্পর্শে জ্বলে উঠবে। সে প্রবল অনলে তোমার সিংহাসন, তোমার জীবন, তোমার ধন জন এক লহমায় পুড়ে ভস্ম হবে—এ স্থির জেন, নবাব সরফরাজ।” *

“জ্বলে আগুন,—জলুক। শক্তি থাকে নির্বাপিত করবো। কবে, --কে।থার,--কোন অদূর বা সুদূর ভবিষ্যতে অগ্নি জ্বলিত হবার আশঙ্কায় বঙ্গ-বিহার-উড়িষ্যার নবাব তাঁর সঙ্কল্প বিচ্যুত হয়ে শঙ্কিতচিত্তে—সভয়ে তোমার স্নায় ত্রিলোক-আলোকময়ী বেহেশ্তের রাণীকে ত্যাগ করবে না, বান্ধিকা।”

“শতজীবন আর্তি হাঙ্গাকারে ব্যর্থতায় চলে পড়বে নবাব--তবুও তোমার আশা পূর্ণ হবে না !”

“বাধা দেয় কে ?”

“এই ছুরিকা।”

“তোমার ঐ পুষ্প-পেলবময় কনক-কর-ধৃত ছুরিকা, শত

* নবাব মুর্শিদ কুলা খাঁর জামাতা নবাব সুলতানউদ্দীনের পুত্র এই সরফরাজ।

যুদ্ধজয়ী, শত ভীম করবাল-আঘাত-ধারী আমার হৃদয় তো বিদ্ধ করতে পারবে না, রাজপুত-বালা !”

নিজের হৃদয় তো বিদ্ধ করতে পারবো ?”

“মরবে ! কেন, কি দুঃখে বালিকা ? বাংলার শ্রেষ্ঠ ধনী জগৎ-শেঠের বধু তুমি—বাংলার শ্রেষ্ঠ সুন্দরী তুমি । হাস্যোজ্জ্বলা, মধুরোজ্জ্বলা, রূপোজ্জ্বলা স্নিগ্ধ-তরুণ-অরুণ-কনক-কর-কিরণ-নিকর-নিষিক্তা উষার স্তায়—সচ্ছ-স্ফুটনোন্মুখী কোমল কমলের স্তায় যৌবনোন্মুখী তুমি । শত আশায়—আনন্দে, শত মোহন মধুর মদিরহৃৎপে পরিপূর্ণায়ত—তরঙ্গায়িত অন্তর তোমার । শত-শতদল-শোভা-শোভিতা শত-শরদিন্দুর সুস্নিগ্ধ স্নিগ্ধতায়—শত স্বর্গের সৌন্দর্য্যে রূপরাশি গঠিত তোমার । এই রূপ—এই যৌবন—এই মাধুর্যা—এই সৌন্দর্য্য অকালে অবহেলায় নষ্ট করলে বিধাতা বিরূপ হবেন বালিকা । তাই বলি, ও সঙ্কল্প ত্যাগে—বোস বাংলার সিংহাসনে । গৃহ কোণে তোমার ঐ অনন্ত সুষমা-নিষিক্তা—কোমলতা-বিগলিতা—অকল্পনীয়—অলোক-অতুলনীয় রূপ-সস্তার লুক্কায়িত ছিল বলেই এনেছি তোমায় এখানে—বসাইছি তোমায় বাংলার সিংহাসনে । মানব তোমার ঐ ললামভূতা—স্বর্গ-সৌন্দর্য্য ভাণ্ডার-আবরিতা মহিমাময়ী জগজ্যোতির্ময়ী রূপরাশি দর্শনে নয়ন জীবন সার্থক করুক—ধন্য করুক । আর নবাব সরফ-রাজ, তোমার রূপ-পাদ-পদে তার সর্বস্ব অর্পণে সাধনা সফল করুক—রাজপুত-বালা !”

“প্রলোভনে ভুলাতে চাও রাজপুত-বালাকে ? যে রাজপুত-বালা তার নারীত্ব রক্ষায় স্বকরে চিতা প্রজ্বলনে মানন্দে সহধে ঝাঁপ দেয় ; যে রাজপুতবালার ধ্যান—পতির মূর্তি ; জ্ঞান—পতিপদ ; শিক্ষা—পতিসেবা ; কর্তব্য—পতিপূজা ; যে রাজপুত-বালা শিশুকাল হতে শত দেব-দেবীর পদে পুষ্পাঞ্জলি দিয়ে কেবল মাত্র প্রার্থনা করে—পতিপদে মতি ; যে রাজপুত-বালার দানে, ধ্যানে, দেবার্চনায়, পুণ্যে, ধর্মে, প্রার্থনায় শুধু পতির মঙ্গল কামনা নিহিত—সেই রাজপুত-বালা তোমার তুচ্ছ সিংহাসন—তুচ্ছাদপি তুচ্ছ ঐশ্বর্য-প্রলোভনে তার বিশ্ব-আলোকময়ী ত্রিলোক-ক্রয়কারী সতীত্ব বিসর্জন দেবে ! নরদাক্ষস, গর্ভাক্র নবাব, পদাঘাত করে রাজপুত-বালা তোর প্রলোভনে—পদাঘাত করে বাংলার সিংহাসনে !”

“সুন্দর হও রাজপুত-বালা !”

বাকাসহ বঙ্গ-বিহার-উড়িষ্যার নবীন নবাব সরফরাজ একটা স্বর্ণাদি সূত্র-জড়িত—স্বর্ণসূত্র-গ্রথিত, মধ্যে মধ্যে মুক্তাদি খচিত মহামূল্য গোলাপ পুষ্পগুচ্ছ রাজপুত-বালার প্রতি ত্যাগ করিলেন । পুষ্পগুচ্ছ দ্রুত আসিয়া রাজপুতবালার যুগ্ম চরণোপরি পতিত হইল ।

রাজপুত-বালার রত্নালঙ্কার-শোভা-শোভিত, অলঙ্ক-বিলেপিত শ্বেত শতদল তুল্য নিটোল কোমল পদে সেই স্বর্ণ সূত্র গ্রথিত—মণিমুক্তাদি-জড়িত গোলাপ পুষ্প-গুচ্ছ পতিত হইয়া যেন

তার পুষ্প-জীবনের সার্থকতায় হাশ্বোজ্জ্বলা—শোভা-প্রোজ্জ্বলা
হইয়া উঠিল।

নবাব, অনিমিষে অপলকে সেই পুষ্পরাজি-রাজিত বালিকার
রাতুল চরণশোভা নিরীক্ষণ করিতে লাগিলেন।

ক্ষণকাল—ক্ষণকাল মধ্যেই নবাবের সৌন্দর্য্য-দর্শন-ভ্রষা,
পুষ্পের হাশ্ব-পিপাসা চূর্ণিত হইল। সরোযে সতেজে
সবেগে বালিকা, পুষ্প-গুচ্ছ পদদলিত করিতে করিতে স্মৃত্তিক
স্বরে বলিল,—

“নবাব, এই ভাবে একদিন তোমার ঐ কনক-কিরীট-
শোভিত শির বঙ্গ-মৃত্তিকায় লুপ্তিত—মানব-পদদলিত হবে।”

“দলিত করবে কে?”

“হিন্দু”

“কোথায়?”

“রণস্থলে।”

“তাহলে এ তোমার অভিশাপ নয়—আশীর্বাদ। বাংলার
কোন নবাবের ভাগ্যে রণ-মৃত্যু লাভ হয় নাই। সেই দুঃপ্রাপ্য
ভাগ্য যদি, সতী তুমি—তোমার অভিশাপে আমায় বরণ করে
—তাহলে বাংলার ইতিহাসে নাম আমার অক্ষয় অমর হয়ে
থাকবে। নবাব-জীবনের ধারাবাহিক নিয়মের একটা বিস্ময়কর
—গৌরবকর পরিবর্তন সংঘটিত হবে। শত সূর্যের স্রায় বীরদের
দীপ্ত দীপে সরফরাজের সৌভাগ্য শত শ্রীতে সমুদ্ভাসিত হয়ে
উঠবে।

কিন্তু, এ তুমি কি করলে—রাজপুত্র বালা ! বাংলার নবাব প্রদত্ত—যে নবাবের একটু কৃপা কটাফের জন্ত—একটু প্রসাদের জন্ত - শত শত আমীর ওমরাহ, শত শত রাজন্ত শির সদা আনত সদা ব্যগ্রতায় লালায়িত—সেই নবাব প্রদত্ত পুষ্পগুচ্ছ—যে পুষ্পগুচ্ছ বিলম্বে আনীত হওয়ার পুষ্পোচ্ছান রক্ষককে বন্দী করেছি—যে পুষ্পগুচ্ছ তোমায় উপহার দেবার জন্ত দশসহস্র মুদ্রা ব্যয়ে বিখ্যাত মাল্যকার দ্বারা রচিত করেছি, সেই মহামূল্য নবাবের পুষ্পগুচ্ছ তুমি পদতলে নিষ্পেষিত করলে ! তোমার পদ্য পদস্পর্শে পুষ্প-জীবন ধ্বংস হলেও আমি ধন্য হতে পারলুম না—রাজপুত্র বালা । পদ প্রহারে পুষ্পের মত আমাকেও ধ্বংস কর সতী ।”

“সাবধান নবাব ! দেখেছো এই ছুরিকা ?”

“ক্ষুদ্র ও ছুরিকায় বাংলার নবাব ভীত হয় না ।”

সহসা অতি কোমল অথচ অতি তীব্র কণ্ঠে ধ্বনিত হইল ;—

“তার সঙ্গে তীক্ষ্ণ তরবারীও আছে, নবাব ।”

বলিতে বলিতে তপ্ত রক্ত রবির মত—অগ্নি গোলকের মত—দেব শিশুর মত এক নবমবর্ষীয় সুন্দর বালক নবাব কক্ষে প্রবেশে, নবাব সম্মুখে তার ক্ষুদ্র করধৃত ক্ষুদ্র তরবারী উত্তোলনে দণ্ডায়মান হইল ।

মহাবিস্ময়ে নবাব জিজ্ঞাসা করিলেন ;

“কে তুমি, মরণেচ্ছুক ?”

“আমি রাজপুত্র বালক ।”

“বাঃ, চমৎকার! একদিকে এক দ্বাদশ বর্ষীয়া * তেজ-
স্বিনী রাজপুত্র-বালা শাণিত ছুরিকা উত্তোলনে দণ্ডায়মানা,
অন্যদিকে এক নবমবর্ষীয় তেজস্বী রাজপুত্র-বালক তীক্ষ্ণ
তরবারী করে দণ্ডায়মান (২) আর—তার মধ্যস্থলে কোণী
কোণী নরনারীর ভাগ্য-বিধাতা—বক্ষ বিহার উড়িষ্যার একচ্ছত্র
অধীশ্বর, নবাব সরকারাজ, মাতৃ-ক্রোড়চ্যুত স্তনপায়ী শিশুর
ন্যায় নিঃসহায়—অসহায়। বাঃ, চমৎকার! এমন দৃশ্য জগতে
বোধ হয় এই প্রথম প্রতিফলিত হয়ে উঠলো।

দাঁড়াও—দাঁড়াও বালক বালিকা—অমনি সুপ্রজ্জ্বল
দীপ্তিতে—অমনি মহিমোজ্জ্বল মূর্তিতে—অমনি অনল আভা
আলোকিত অঙ্গে—অমনি মহিমোচ্ছসিত নয়নে—গৌরবা-

* ইতিহাস-বক্ষ-বিরাজিতা—বক্ষ-ইতিহাস পরিবর্তনের নিদানভূতা জগৎ-
শেঠ-কুলবধু এই রাজপুত্র-বালার বয়স সত্যই একাদশ হইতে দ্বাদশেরই মধ্যে।
কিন্তু ইতিহাস-অবদানময়ী এই বালিকাকে ইতিহাস শুধু শেঠ-কুলবধু
বলে উল্লেখ করেছেন। সুতরাং আমিও বালিকাকে নামহীনা করে শুধু
“রাজপুত্র-বালা” বলেই অভিহিত করলুম।

২। সত্যই আমাদের নায়ক এই বালকের বয়স নবম বৎসর মাত্র। এ
আমার কথা নয়—ইতিহাসের কথা। এই বালক ইতিহাস প্রসিদ্ধ সরকারাজের
সৈন্যধ্যক্ষ বিজয়সিংহের একমাত্র পুত্র—নাম জালিম। কিন্তু আমাদের নায়িকা
নামহীনা—শুধু রাজপুত্র-বালা বলেই অভিহিতা—সুতরাং আমাদের ইতিহাস-
বক্ষ আলোকোজ্জ্বলকারী—গিরিয়ার রণাঙ্গনে অস্ত্র-বন্ধারকারী—অতুলনীয় বীর
—আদর্শস্থানীয় পিতৃভক্ত বালক নায়ককেও শুধু রাজপুত্র-বালক নামেই পরিচিত
করলুম।

দ্বিত বদনে—দাঁড়াও আমার সম্মুখে। দেখি আমি আকুল-
পুলকে। না না, এ যে একা দেখে সুখের সাধ পূর্ণ হচ্ছে
না। কে আচ্ছ কোথায়—এস ছুটে এস—শীঘ্র এস—শীঘ্র এস,
দেখে যাও—দেখে যাও স্বর্গীয়-চিত্র—দেখে যাও কবির
কল্পনার সজীব দৃশ্য।”

“এই যে এসেছি, নবাব।”

“কে ? কে, বিজয়সিংহ ! এসেছ ? এস এস, বড় সু-
সময়ে—বড় শুভ মুহূর্তে এসেছ ! বল, বল দেখি, সত্য করে
বল দেখি দেহ-রক্ষী, এমন দৃশ্য আর কোথাও কখনও
দেখেছ কি ?”

“দেখা দূরের কথা—কখনও কোনদিন কল্পনার বা ধারণায়
আনতেও পারিনি। রাজা—যিনি বিধাতার সমতুল্য—
প্রজার জনকসদৃশ—সেই রাজার এমন হীন জঘন্য প্রবৃত্তির
স্মরণ কখনও কল্পনাতেও উদিত হয়নি।

বঙ্গেশ্বর, দাসত্বের সঙ্গে মনুষ্যত্ব—বিবেক অর্পণ করিনি।

আমি মানুষ, আমি হিন্দু, আমি অস্ত্র ব্যবসায়ী, আমি
বীর। বীরের অস্ত্র-স্বজিত অস্ত্র শোভার জন্য নয়—দুর্বল
রক্ষণে।

নবাব, প্রভূহত্যার পাপে আমার লিপ্ত না করে—এই
মুহূর্তে এই রাজপুত-বালাকে পরিত্যাগ করুন।”

“তুমি আমার দেহ-রক্ষী হয়ে—আমার দেহেই অস্ত্রাঘাত
করবে ?”

“করবো। নতুবা অন্য উপায় নাই।”

“অন্য উপায় যদি থাকে?”

“অন্য উপায় আছে?”

“আছে।”

“কি?”

“তোমার প্রাণ।”

“প্রাণদানে যদি নারীর গৌরব স্ব-উজ্জ্বল থাকে, তাহলে অকাতরে বিজয়সিংহ এই মুহূর্তে জীবনাহতি প্রদানে প্রস্তুত।”

“ইত্তম, তাহলে তোমার অস্ত্র আমার দিবে মৃত্যুর জন্ম প্রস্তুত হও, বিজয়সিংহ!”

“গ্রহণ করুন নবাব—আমার একাগ্নী। আর প্রস্তুতের কথা! নবাব বিশেষাগত—রাজপুতের জীবন-ইতিহাস অনবগত—তাই এ উক্তি। রাজপুত মৃত্যুর জন্ম সদাই প্রস্তুত থাকে, বঙ্গেশ্বর!”

“কিন্তু পর-প্রাণ বিনিময়ে নিজ-প্রাণ রক্ষা করতে রাজপুত-বালা ঘৃণা করে। হে বীর, হে উদার পুরুষ, হে মহান মানব, তোমার দেবত্ব-মহত্ব-মণ্ডিত জীবন-বিনিময়ে আমার অনাবশ্যক প্রাণ চাই না। ক্ষান্ত হও মানব-প্রধান! রাজপুত-বালাও মরতে জানে—মরতে পারে! এই দেখ, রক্তভুক ছরিকা তার করে।”

“বিজয়সিংহের সজাগ সূক্ষ্ম বিবেকের পথে—সুদীপ্ত সজীব নেত্রের সম্মুখে আজ যদি এক রাজপুত-বালা, তার নারীত্ব

রক্ষায় মৃত্যুর আশ্রয় গ্রহণ করে, তাহলে ছুরপনের কলঙ্কের
ভারে বিজয়সিংহের ইহ-পরকাল নিমজ্জিত হবে। আর
আজ যদি এক রাজপুত-বালার শুভ্র-স্বচ্ছ পুত-পবিত্র
প্রাণশীল দেহ—যবন করম্পৃষ্টে কলুষিত হয়, তাহলে সমগ্র
জাতির জীবন একটা দিকারে হাহাকার করে উঠবে। তাই
বলি রাজপুতবালা, আমার কন্তব্য কর্মে—দীরের ধর্মে
হাধা দিও না। নবাব, রাজপুত-বালার জীবন আমাপেক্ষা
অধিক মূল্যবান; তাকে মুক্তি দিয়ে আমার অবিলম্বে বধ
করুন।”

“তাহলে তো একা তোমার জীবনে রাজপুত-বালার
জীবনের মূল্য হয় না। তবে?”

“তবে—আমার এই বালক-পুত্রকেও আমার সঙ্গে বধ
করুন।”

“এই বালক তোমার পুত্র?”

“আমার একমাত্র পুত্র—আমার মর্ত্যের একমাত্র শান্তির
আধার—আমার একমাত্র আদরের শিষ্য।”

“সেই স্নেহ-শান্তির আধারটাকে, সেই একমাত্র পুত্রকে
বলি দেবে! এ কি বলছো তুমি, দেহ-রক্ষী! তুমি কি উন্মাদ
হয়েছ, বিজয়সিংহ?”

“না নবাব, উন্মাদ হই নাই। বরং আজ আমার জ্ঞানচক্ষু
উন্মীলিত হয়ে রাজস্থানের শত-গৌরব-মেখলা-মণ্ডিত—কনক-
কীৰ্ত্তি-কিরীট খচিত অতীতের শত সহস্র সু-শুভ্র সু-প্রোজ্জল—

সু-মহান দৃশ্য জাগিয়ে দিচ্ছে। আর তার প্রভায় আমার নেত্র আলোকিত—চিত্ত পুলকিত হয়ে উঠছে। নবাব, নবাব, বধ করুন—পিতা-পুত্রকে একসঙ্গে বধ করুন। ঐ গৌরবের অতীতে আমরাও চলে যাই, সু-উজ্জল ললাটে—বিপুল বিমল পুলকে।”

“হুঁ, অপেক্ষা কর, অপেক্ষা কর। আমি তো আর ঘাতক নই—আর এটাও বধ্যভূমি নয়। তোমরা রাজ-বিদ্রোহী। প্রকাশ্যে রাজ-দরবারে বিচার করে তোমাদের প্রাণ দণ্ড দেব। আপাততঃ তোমরা আমার বন্দী। এই, কোন্ হায়! না না, থাক, আমার এ মন্দিরে সামান্য প্রহরী প্রবেশ করলে, তার পদ-স্পর্শে সব অপবিত্র হবে। না, থাক, আমি নিজেই বন্দী করছি। তাই তো, শৃঙ্খল-ও যে আবার নাই, কি দিয়ে বন্দী করি? না, হয়েছে, এই যে কণ্ঠে আমার রয়েছে হীরক-হার! এই হারই আপাততঃ শৃঙ্খলের কার্য্য করুক। এই হার দিয়ে তোমার হাত আবদ্ধ করলুম। বল বিজয়সিংহ, তুমি আমার বন্দী?”

“বন্দী।”

“বন্দী?”

“বন্দী।”

“বন্দী?”

“বন্দী।”

“ব্যস! একটা চিন্তা থেকে নিশ্চিন্ত হলুম। এবার বালক,

তোমায় কি দিয়ে বন্দী করি ? আচ্ছা, তোমায় এই পুষ্প
হারেই বন্দী করলুম । বন্দীত্ব স্বীকার কর, বালক !”

“স্বীকার করছি ।”

“ঠিক ?”

“ঠিক ।”

“রাজপুতের শপথ-বাণী শত শৃঙ্খল অপেক্ষা সুদৃঢ়, এ বিশ্বাস
আমার আছে, আর এ বিশ্বাস যেন থাকে বালক !”

“রাজপুত-বালা, বাংলার নবাব শত অভিবাদনে—শত সম্মান
অভিভাষণে তোমার নিরঙ্কন-বাণী উচ্চারণ করছে । যাবার
পূর্বে শুনে যাও রাজপুত-বালা, তোমার অভিষাপ নবাব
সরফরাজ অন্ধাভারাবনত অন্তরে—আভূমি-আনত শিরে
অশীষ-পুষ্পের ক্রায় গ্রহণ করছে ।* তবে তোমার পদে তার

* বাংলার প্রান্ত হতে প্রান্তান্তরে যখন জগৎশেঠের এই বালিকা
বধূর রূপ-খ্যাতি নিনাদিত, তখন তরুণ নবীন নবাবের সে রূপদর্শন-পিপাসা
প্রবল হয়ে ওঠে । জগৎশেঠের নিকট পিপাসা-নিবৃত্তির নিবেদনও করেন ।
কিন্তু জাত্যাভিমাত্রী জগৎশেঠ সগর্বে নবাবকে দূর হতে, কি মুকুর হতেও বধূকে
লেখান নাই, বিফলতায় নবাব বলপূর্বক বালিকা-বধূকে নিজালয়ে আনয়ন
করেন । কিন্তু নবীন নবাব তাঁর আত্ম-সম্মানে কোনরূপ আঘাত করেন
নাই ।

ভবিষ্যতে এই বধূহরণের ঐশ্বর্য সরফরাজের ভাগ্যে মহা ঝঞ্ঝা সমুথিত
হইলেও—তখন তাঁর কোন কু-উদ্দেশ্য থাকিলেও বাধা দানের কেহ ছিল না । আর
অত্যাচার ইচ্ছা থাকিলে মুষ্টিগতা বালিকাকে সহমানে শেঠ-ভবনে প্রেরণ

এই প্রার্থনা, যেদিন তোমার অভিশাপ-বাণী সফল হবে, যেদিন সমরাজ্যে মহান্ গৌরবময় গ্রহরণ-শয্যায় শয়ন করবো সেদিন সেদিন তুমি স্বর্গীয় দাঁপিতে আমার শিরশীর্ষে সুধা-হাস্তে আবির্ভূতা হয়ো রাজপুত্র-বাল্য! অন্তিম বাঙলার নবাবের এই প্রার্থনাটুকু পূর্ণ করো মর্তীরণী!”

দ্বিতীয় পরিচ্ছেদ

“এখানে আবার কোন্ প্রয়োজনে এসেছ, বালিকা?”

“এ কি অদ্ভুত প্রশ্ন আপনার পিতা? পুত্র-বধু আমি আপনার—শুভ্রের আলয় পুণ্য দেবালয় আমার। সেবিকার দেবালয় প্রবেশের অধিকার সত্তত।”

“দেবালয়ে প্রবেশের অধিকার তার—যে শুদ্ধ—পূত পবিত্র। তুমি অপবিত্রা—তোমার” আর দেবালয়ে প্রবেশের অধিকার নাই।”

“কিন্তু দেবতার নিকট শুদ্ধ অশুদ্ধ হয় হৃদয়ে। আমার হৃদয় পবিত্র—স্বচ্ছ—সুনির্মল।”

“সনাজ—হৃদয় দেখে না।”

কার্ত্তন না, এ কথা বহু ইতিহাসেই উল্লেখ দেখিয়াছি। আর সরফরাজ যে অতি উদার মহৎ ছিলেন—তার অন্তর যে অতি কোমল নয়ল ছিল, ইতিহাস তাহার উল্লেখ যুক্ত লেখনীতে করিয়াছেন।

“কিন্তু সমাজ তো কাউকে রক্ষা করতে পারে না।”

“লম্পট মতাপ নবাবের গৃহাগতা রমণীর জন্তু সব দ্বার চির-
কাল বন্ধ হয়ে এসেছে! আজ আমার পুত্রবধু বলে তার
ব্যতিক্রম সমাজ করবে না। নাও বালিকা, বৃথা মায়াক্ষ বর্ণণ—
সৎ করুণ বচন।”

“আমি স্বেচ্ছায় নবাব-প্রাসাদে গাউ নাউ।”

“স্বেচ্ছায় বা অনিচ্ছায় সে বিচার সমাজ করবে না।
বুদ্ধিত ব্যক্তি জটিল-জালায় কিম্বা মুমূর্ষু স্ত্রী-কন্তার জীবন-রক্ষায়
পরস্বাপহরণ করলেও রাজদণ্ড ভেতে অব্যাহতি পায় না।”

“অন্তঃপুত্রবন্ধা—অসূর্যাস্পিনা বালিকা আমি, সমাজের
কি-বিধান—শাসন-অনুশাসন জানি না—জানতেও চাই
না। রমণী-জীবনের একমাত্র দেবতা স্বামী—সেই জাগ্রত
দেবতা স্বামী আমার সম্মুখে—আবার সেই দেবতার দেবতা
আপনিও দণ্ডায়মান! আমি আপনাদের উত্তর শুন্তে চাই।
আপনাদের নির্দেশিত পথ বৃদ্ধিতে চাই—আপনাদের আদেশ
জানতে চাই। বলুন স্বামী, বলুন পিতা, মুক্ত উচ্চভাষে বলুন,
আশ্রয় পাব কি না?”

“না, পাবে না।”

“কিন্তু আমি নিরপরাধিনী।”

“তবুও আশ্রয় পাবে না।”

“নবাব আমার কেশ-মুখও স্পর্শ করে নাউ।”

“তথাপিও আশ্রয় পাবে না।”

“আমার শিবিকার বাহক হিন্দু ছিল। একটি যবনও আমায় বসনাঞ্চল স্পর্শ করে নাই।”

“তথাপিও আশ্রয় পাবে না।”

“বাঃ, উত্তম উত্তর। অবলাকে রক্ষা করবার শক্তি নাই, কিন্তু অবলার প্রতি তিরস্কারের—অত্যাচারের শক্তির তো অল্পতা কিছুমাত্র দেখছি না। পুরুষ বলে পরিচয় দেবার ক্ষমতা নাই—অথচ নারী-সম্মুখে পুরুষ-সিংহের মত হু হুকার গর্জনেরও তো বিরাম নাই! যবন-প্রাসাদে পদস্পর্শে যদি অঙ্গ আমার অশুদ্ধ অশুচি হয়ে থাকে—তাহলে তোমার প্রাসাদও অপবিত্র—তাহলে যবন-পদ-লেহনে তোমারও তো দেহ মন প্রাণ অশুচি হয়েছে। তাহলে এই প্রাসাদ অগ্নি-প্রজ্বলনে শুচি করে নাও—তাহলে ঐ হুপিও উৎপাটনে সুরধুনী-গর্ভে নিক্ষেপ কর—তাহলে অস্ত্র-পুরচারিণীদের চিতানলে সমর্পণ কর—তবে এ বাণী, এ উক্তি, এ উত্তর করো এক নিরপরাধিনী অবলা দুর্বলা বালিকার প্রতি।

“প্রগল্ভা বালিকা, এই মুহূর্তে সম্মুখ হতে দূর হও—নতুবা বন প্রয়োগে বিতাড়িত করতে বাধ্য হবো।”

“বাঃ, বাঃ, সুন্দর বীর উক্তি। নবাব তোমার প্রাসাদ হতে—তোমার শত সহস্র রক্ষীর আবেষ্টনী হতে—লক্ষ লক্ষ জাগ্রত নেত্রের সম্মুখ দিগে আমায় টেনে হিঁচড়ে নিয়ে গেল—রক্ষা করতে পারলে না; নবাবের শির—ক্রোধ-উদগীরণে ভয় করতে পারলে না—নবাবের তপ্ত-রুধির-সিক্ত হুপিও উৎপাটনে

বধূহরণের শাস্তি দিতে পারলে না, আর এক বালিকাকে
ক্রোধাগ্নিতে ভষ্ম করতে পিতা পুত্রে দাঁড়িয়েচ গর্বোন্নত মস্তকে !
বাঃ, সুন্দর তোমাদের পৌরষত্ব—সার্থক তোমাদের বীরত্ব ।

পশু পক্ষীও স্বীয় নারী-রক্ষায় দেহপণে বীরত্বের আশ্ফালন
করে, আর তোমরা—না, গুরুজন, অধিক আর কি বলবো—
আর কেই বা শুনবে ! পরপদলেহী হিন্দুর আজ আর
আমার কথা শোনবার সময় নাই—বোঝবার বিবেক নাই ।
থাকলে—যে ক্রোধ আজ আমার উপর বর্ষিত—সেই ক্রোধ
নবাবের উপর পতিত হয়ে নবাবের অস্তিত্বের বিলোপ সাধন
করতো ।

তবে চল্লুম পিতা—তবে যাবার পূর্বে আর একটা কথা
জিজ্ঞাসা করি বীরাবতার শব্দ ঠাকুর ! আজ থেকে আমি
নিজেকে বিধবা না সধবা জ্ঞান করবো ?”

“তুমি বিধবা ।”

“তোমার উত্তর—স্বামী ?”

“তুমি বিধবা ।”

“শোন, শোন সমীরণ ! নিসাড়-অঙ্গে শোন এ অশনি-
ধ্বনি—সতীর সম্মুখে পতির আদেশ—আমি বিধবা ! শোন
শোন সতীসীমন্তিনী, হর-হৃদি-বিহারিণী, শোন আমার স্বামীর
আদেশবাণী ! শোন শোন ; কে কোথায় আছ সতী নারী !
যুগে যুগে যে বাণী কখনও শোন নাই—শোন আজ সেই
সে হীনবাণী । উত্তম, এই যদি স্বামীর বিধান—মাথা পেতে

এ বিধান গ্রহণ করলুম । তব স্বামী ; তোমারই সকাশে তোমার
এ উন্মীলিত জ্যোতি-প্রাণিত নেত্রের সম্মুখে রমণীর সতীত্বের
দীপ্ত নিদর্শন সীমন্তুর এই রক্ত-সিন্দুর-রেখা স্ব-করে মুছে
ফেললুম । চূর করলুম শঙ্খের বলয় ।

উর, উর গো মা সতীরণি হৃদয়ে আমার ! তোমায় হৃদয়ে
স্থাপনা করে অভিশাপ দিচ্ছি ; শেঠজী, যে ধনগর্বে গর্ভান্ব
হয়ে—যে জাত্যাভিমানে আঃ এক অসহায় নিঃপরান্য
বালিকাকে সংসার-কণ্টক-পথে নিপাতিত করলে—এক দিন
তোমার এই গর্ব—এ হেম-ঐশ্ব্য পাঠান পদাঘাতে চূর্ণিত হবে ।
যে দেব করুণায় অরণ্য-মধ্যে অপ্রত্যাশিতভাবে এই কুবেরের
ঐশ্ব্য পেয়েছিলে,* রাজ সতীর অপমাননায়—সতী-নিগ্রহে—

* শেঠগণের আদি নিবাস যোধপুত্রের অন্তর্গত নাগও প্রদেশে । তাঁহার
পূর্বে খেতাবর জৈন সম্প্রদায়ভুক্ত ছিলেন—পরে বৈষ্ণব হয়েন । তাঁহাদের
পূর্বপুরুষ হীরানন্দ ভাগ্য প্রবেশে পাঠিনাঃ উপনীত হয়েন । কিন্তু ভাগ্য-
নিষ্পেষণে—অভাব-তাড়নে যত্নে ইচ্ছায় ঘোর গঠনে প্রবেশোচ্ছত হন । সেই
অরণ্য উপাস্ত্রে এক মরণোন্মুখ বৃদ্ধ অস্থির সময়গত হীরানন্দকে দৃষ্ট হীরা-
নন্দকে বিপুল বৈভবের সন্ধান বলেন । হীরানন্দ অতুল ঐশ্ব্য লাভে ভারতের
সপ্ত স্থানে তাঁহার সপ্ত পুত্রকে গদীয়ান করেন । তাঁর কনিষ্ঠ পুত্র মানিকচাঁদ
হইতেই জগৎশেঠদিগের উৎপত্তি । মানিকচাঁদ অপুত্র থাকায় তাঁর আশ্রয়
অথবা পোষ্যপুত্র আমাদের গ্রন্থোল্লিখিত এই ফতেচাঁদ গদীয়ান হন এবং এই
ফতেচাঁদই সর্ব-প্রথম দিল্লীদরবার হইতে “জগৎশেঠ” উপাধি লাভ করেন,
শুধু তাই নয়, সম্রাট বহু রতন ভূষণে ভূষিত এবং জগৎশেঠ নামাঙ্কিত মোহর
শিরোপা প্রদান করেন ।

দেব-ক্রোধে অচিরে সে সব বিনষ্ট হবে। যদি সতী হই আমি—
তবে আমার অভিশাপ বার্থ হবে না। যেদিন আমার
অভিশাপ মৃতি-পরিগ্রহে দেখা দেবে, সেদিন বুঝবে—সেদিন
জানবে আমি সতী ছিলাম কি না? সেদিন বুঝবে—সতীর
নয়নাশ যুগাবর্তনের স্ময় মানব-ভাগ্যের আবর্তনে সক্ষম
কি না

চল্লম, চল্লম—প্রতিশোধ দানবী মূর্তিতে ; চল্লম—প্রতিশোধ
মূলমন্ত্র জপে ; চল্লম—খিয়া—তাই নৃত্য-অধীনে। পুরুষ
তোমরা—সক্ষম সবল তোমরা—তোমরা ক্রোধানলে এক তুহিন-
কামলা বালিকার ইহজীবন পরজীবন—শত জীবনের সব
সাধ আহ্লাদ—সব সাধনা কামনা প্রার্থনা বিফল নিষ্ফল
করে হাহাকাণ্ডে তার হৃদয় পূর্ণ করে দিলে, কিন্তু নবাবের
ওপর প্রতিশোধ নিতে পারলে না—নেবার চেষ্টাও করলে
না। কিন্তু আমি প্রতিশোধ নেব। করালিনীর করাল
করকাল ধারণে উন্মাদিনী রণ-রঞ্জিনী মূর্তিতে নবাবের ভাগ্য
শতধা চূর্ণ করে দেব। অভিশাপের ক্রুদ্ধ অনল-তাপে তার
ধন, জন, দম্ভ, দর্প, রাজ্য সম্পদ সিংহাসন ভস্মস্বূপে পরিণত
করবো।

বহ, বহ শোনিত-প্রবাহ, বহ / ক্রত—বহ অনল তাপে
তাপিত হয়ে। জল, জল রে আগুন মহা শিখার—ধ্বংস আভার।
মাত, মাত শিরা উপশিরা—মাত দীপ্ত শিপ্রতায়—অনল
লীলায়।

এস, এস চামুণ্ডার সহচারিণী শোণিত-পায়িনী পিশাচিনী-
বৃন্দা ! এস, আমার আবেষ্টনে উল্লাসে কর নৃত্য—শক্তি আরোপণে
কর আমার তোমাদেরই স্তায় পিশাচিনী ।

দে মা, দে মা মহাস্থধারিণী—মহতী শক্তিশালিনী—মহাদৈত্য
নাশিনী—রুধিরবদনা—ভীষণ-দশনা করালিনী, দে তোমার
শক্তি-কণা—কাতরা কণ্ঠাকে ভিক্ষা দে জননী !

অস্থার স্তায় এ মহাব্রতে স্থির দৃঢ়তায় এ প্রতিজ্ঞা পূর্ণ
করে—তবে, তবে স্বকরে চিতা সাজিয়ে—স্বহস্তে চিতায় অগ্নি
প্রদানে—সহর্ষে সেই চিতানলে এ প্রতিহিংসানল-প্রতাপিত
দেহের অবসান করবো ।

ব্যর্থ যদি হয় সতীর এ প্রতিজ্ঞাবাণী—তাহলে বুঝবো
মা সতী-সিমন্তিনী, নহ তুমি সতী-রাণী—নহ তুমি দক্ষ-নন্দিনী—
নহ তুমি সতীশক্তি-বর্দ্ধিনী—নহ, নহ তুমি পতি অমুরাগিনী ।”

তৃতীয় পরিচ্ছেদ

“বন্দী, বিজয়সিংহ ?”

“জাঁহাঙ্গানা !”

“তুমি প্রভূত্ব্যার উদ্দেশ্যে উত্তোলিত বন্দুক ধারণে
দাঁড়িয়েছিলে—তুমি প্রভূদ্রোহী । তুমি রাজার ইচ্ছার বিরুদ্ধে

কাধ্য করেছিলে—তুমি রাজদ্রোহী ! এ বিষয়ে তোমার কোন কিছু বলবার আছে ?”

“কিছু মাত্র না । তবে প্রার্থনার আছে ।”

“বল, কি প্রার্থনা তোমার ?”

“আপনার কাছে কোন প্রার্থনা নাই, নবাব !”

“তবে কার কাছে প্রার্থনা আছে ?”

“ঈশ্বরের কাছে ।”

“কি প্রার্থনা ?”

“প্রার্থনা, যেন জন্ম জন্ম এমনি ধারা অপরাধে অভিযুক্ত হয়ে মরতে পাই ।”

“প্রভুদ্রোহীতা রাজদ্রোহীতা কি তোমার বিধানে অপরাধ নয় ?”

“এর তুল্য অল্প আর কোন গুরু অপরাধ আছে, তা’ এ প্রভু-ভক্ত ভৃত্য অনবগত, নবাব—”

“তবে স্বীকার করছো তুমি অপরাধী ?”

“না ।”

“কেন ?”

“ব্যক্তিগতভাবে আমি আপনার নিকট অপরাধী হলেও লোকের কাছে, দেবতার নিকট, ঈশ্বরের বিচারে আমি নিরপরাধী । কোটি কোটি নরনারীর ভাগ্য-দেবতা আপনি—বিচারকর্তা আপনি—রক্ষক পালক আপনি...আমি আত্মপ্রাণ, ~~প্রাণ~~ প্রাণ তচ্ছে. মানবধর্মের এক অসহায়া সতীব মর্যাদা বক্ষায়

ভৃত্য-ধর্ম্মে প্রভুর ললাট যশোজ্বল রক্ষাকরণে অস্বধারণ করেছি
মাত্র। তাই আবার বলছি—আমি নিরপরাধ।”

“বন্দী, এখনও অপরাধ তোমার স্বীকার কর—সহমানে
তোমায় মুক্ত করে দেব।”

“আমি মুক্তি চাই না।”

“তোমায় মহৈশ্বর্য্য প্রদান করবো।”

“হিন্দু, ঐশ্বর্য্যের প্রত্যাশায় মিথ্যার আশ্রয় গ্রহণ করে না।”

“তোমায় রাজ্যের প্রধানোত্তম সেনাপতির পদ প্রদান
করবো—কেবল মাত্র একবার তোমার অপরাধ স্বীকার কর—
আর কিছু নয়।”

“নবাব, বিবেক-বিরুদ্ধে অপরাধ স্বীকার করে দীনতায়,
হীনতায়, অনুকম্পার আশি কোন কিছুই প্রত্যাশা নই।”

“তোমার ন্যায় এমন দুর্দমনীয় অপরাধী আমি আর জীবনে
দেখি নাহ—কখন কোথাও শুনি নাই। তোমার অপরাধের
বিরাটত্বের তুগনায় গুরুত্বময় শাস্তি আমি কল্পনার আনুভে
পারছি না। বল দেখি উজীর, কোন্ কঠোরতম দণ্ড যোগ্য
এই মহা অপরাধীর?”

“নির্কাসনই এই অপরাধীর যোগ্য দণ্ড, জাঁহাপনা!”

“পারলে না উজীর, পারলে না। বুদ্ধ হয়েও তুমি পারলে
না। তুমি পার দেওয়ান?”

“মেহেরবান, নির্কাসনে পরোক্ষে অলক্ষ্যে এই দুর্ভাচার
অপরাধী, সাহান-সার গ্লানি ও নিন্দা প্রচার করতে—অনিষ্ট

সাধন করতে পারে। তদপেক্ষা একে আজীবন কারাগারে বদ্ধ রাখাটী যুক্তিসিদ্ধ বলে এ বান্দার অনুমতি হয় জনাব !”

“পারলে না, হিন্দু হয়ে তুমিও পারলে না দেওয়ান ! আচ্ছা, প্রধান সেনাপতি ওমর-আলি, তুমি পার ?”

“দেওয়ানজীর যুক্তি অতি সুন্দর হলেও—তাতে বিপদা-
শঙ্কাও আছে। কখন কোন সূত্রে বন্দী কারাগার হতে
পলায়নে জাঁহাপনার বিরুদ্ধে ইক্কন সংগ্রহে অনল জ্বালাবে,
তার কোন স্থিরতা নাই ! তার চেয়ে বন্দীকে কোতল করাই
সর্বতোভাবে সমীচীন।”

“হা—হা—হা, কেউ পারলে না। অজ্ঞ অপদার্থ সব।
তাহলে বাধা হয়ে আমাকেই দণ্ড-নির্বাচন করতে হলো।
গুরুতর দণ্ডে অপরাধীকে দণ্ডিত করবো। তখন যেন কেউ
হা-হতাশা করো না। আমার দণ্ড-বাণী উচ্চারণে কারও
নয়নে বদনে বিষাদ বা বিরক্তির ভাব উদ্দীপিত যেন
না হয়। তখন যার মৃগমণ্ডলে ঘৃণা বা অসন্তোষ, বিরক্তি বা
ক্রোধের কণা মাত্র সূচিত দেখবো—তাকেই দণ্ডিত করবো—
এ কথা স্মরণ রেখো দর্পিত গর্বিতগণ ; এই, কে আছিস ?
বন্দীকে মুক্ত কর।”

নবাব-আজ্জায় সন্নিকটবর্তী জনৈক রক্ষী, তার মাথাটা
ভূ-মত করতঃ, বন্দী বিজয়সিংহের প্রতি ছরিতপদে অগ্রসর
হইল। তদর্শনে সিংহাসন-সোপানে সজোর পদাঘাতে —
সরোষে নবাব বলিলেন,—

“সাবধান কন্বেক ! মৃত্যু ইচ্ছা যদি না থাকে, তাহলে ঐ বন্দীকে কুর্নিশ কর—যেমনভাবে আমার করিস। দেখতে পাচ্ছিস না, বন্দীর ঐ যুক্তকরে কি বুলছে? যে বঙ্গ-বিহার-উড়িষ্যার নবাবের ছায়ামাত্র মহাভাগ্যবানও স্পর্শ করতে পারে না—যার পরিচ্ছদের পৃষ্ঠবস্ত্রের প্রান্তভাগ স্পর্শেও মানব—জীবন সফল জ্ঞান করে, যার দর্শনে নৃপতিগণ নিজেকে ধন্য, বরণ্য জ্ঞান করে. সেই বঙ্গ-বিহার-উড়িষ্যার নবাবের মহামূল্য কর্ণহারে—বিনিময়ে যার বিশাল রাজ্য ক্রীত হতে পারে—উজ্জলতায় যার শত চন্দ্র কিরণ বিচ্ছুরিত—সেই কর্ণহার ঐ বন্দীর কর্ণে দোহুল্যমান; আর তুই ক্ষুদ্র—অতি ক্ষুদ্র গোলাম হয়ে সেই নবাব-কর্ণহার স্পর্শে একটু ইতস্তত:—একটু শঙ্কিত—একটুও চিন্তিত না হয়ে অগ্রসর হলি! বেতমিজ, গিধোড়, তোকে কোতল করবো। না, তোরই বা অপরাধ কি? আমার সব কর্মচারীই এমনি অন্ধ। নবাবের অন্তায় আদেশ সকলেই এমনি অন্ধের ঞায় পালন করে। প্রতিরোধ করবার—আদেশের গুরুত্ব চিন্তা করবার কারও সাহস শক্তি বা মনুষ্যত্ব নাই। যা উল্লুক, করে যা! আমি নিজে বন্দীকে মুক্ত করে দিচ্ছি।”

সত্যই নবাব সিংহাসন ত্যাগে বিজয়সিংহের কর হইতে কর্ণহার উন্মোচনে বলিলেন,—

“অপরাধী, এ মুক্তাহার করের জন্ত রচিত নয়—কর্ণের জন্ত নির্মিত। নিজের কর্ণে মাল্য-শোভা সন্দর্শনের অশুবিধা

হয়। এস, তোমার কণ্ঠে পরিষে দিই এই মুক্তামালা—দেখি, কোন শোভায় হেসে ওঠে এ কণ্ঠহার।

সত্যই নবাব সেই মহাঘ্য মাল্য অপরাধী বিজয়সিংহের কণ্ঠে স্ব-করে পরাভিষা দিলেন। দরবার চমকিত—বন্দী বিস্মিত!

“বাঃ, চমৎকার দেখাচ্ছে। বীরের কণ্ঠে, মানুষের মঙ্গলস্পর্শে, কণ্ঠহার শত-শোভায় আলোক-আভায় নেচে উঠেছে, হেসে উঠেছে। বাঃ, চমৎকার!

বন্দী বিজয়সিংহ, এই সিংহাসন-বেষ্টনে চতুর্দিকে শত মানব—শত বদন-ব্যাদানে তাণ্ডব নর্তনে ছুটে আসছে—আমার বক্ষ-রুধির পানে। এমন কেউ শক্তিমান—বীর্ষ্যবান্ আমার হিতাকাঙ্ক্ষী মানব নাই যে, আত্ম-প্রাণ তুচ্ছে কর্তব্যের বিজয়-দুন্দুভিনাদে রক্ষা করে এ আসন—নবাব-জীবন। তাই হতভাগ্য সরফরাজ আকুল সাধনায়—ব্যাকুল প্রার্থনায় বিনাভার নিকট মানুষ চেয়েছিল—তাই সদয় ধাতা আজ নিজ প্রতিনিধি স্বরূপ তোমায় আশীষ-পুষ্পের মত—আমার শিরোভূষণের মত অর্পণ করেছেন। হে মহৎ মহান্ মানব, আজ থেকে তুমি বাংলার সর্বপ্রধান সেনাপতি! তবে তুমি মুক্ত নন্দ - বন্দী। শৃঙ্খলাবদ্ধ না হয়েও তুমি প্রতিশ্রুত আছ আমার বন্দী থাকবে। এস, আমার এই ভ্রাতৃ-প্রেমাভিষিক্ত প্রীতি-বাহুডোরে বন্দীত্ব স্বীকার কর ভাই?”

“এ আবার কোন কুহক—কোন কৌতুক-লীলা বক্শেশ্বর?”

“কেন, নবাব বাদশার নামান্তর কি সমতান? নবাব বাদশা কি কেবল মানবজীবন নিয়ে কৌতুক করতে—পাখি নিয়ে খেলা করতেই জন্মেছে? তাদের হৃদয়ে কি মন্ত্র, মনুষ্যত্ব কিছুই থাকে না? তোমার স্ত্রীর মহিমার সাগর মহত্বের লহরীধারা যে রাজ্যে প্রবাহিত, সে রাজ্যের অধীশ্বর কি যেই হীন হতে পারে! ভেবেছো কি আমি পশু? না বন্ধু, না—এ ভ্রান্তি ভেঙ্গে ফেল। সেই বালিকার—সেই শেঠ-তুহিতার মহা-রূপ-লাবণ্যের নিত্য নব প্রশংসান্বিত হৃদয় আমার মহা কৌতুহলে তরঙ্গায়িত হয়। তাই শুধু একবার এক মুহূর্তের জন্য সে রূপ দর্শনেচ্ছা প্রবল হয়ে ওঠে। তাই নিরুপায়ে সেই মর্ত্য-বাঙ্কিতা দেবী প্রতিমাকে প্রতিমারই স্তায় আমার প্রাসাদে আনয়ন করি। দেখলুম, সত্যই সে রূপ মানবীতে সম্ভব নয়। তাই দেবীজ্ঞানে সেই বালিকাকে সিংহাসনে প্রতিষ্ঠিত করে—তার চরণতলে দাঁড়িয়ে—তার আদেশ পালনে জীবন ধন্য—সিংহাসন অক্ষুণ্ণ করবার বাসনা হয়েছিল। জননী-জ্ঞানে তাই সেই স্বর্গসমুদ্ভূতা রাজপুত-বালার অলঙ্ক-বিশোভিত পদে পুষ্প-গুচ্ছ অর্পণ করেছিলুম—সতীজ্ঞানে তার পদধূলি শিরে নিতে উদ্বৃত হয়েছিলুম। আর তুমি—তোমার মধ্যে দেবত্বের বিস্মরণ দর্শনে তোমায় আবদ্ধ করেছিলুম কর্তহারে। তোমার এই স্বর্গীয় দেব-মূর্তি মানবগোচরীভূত করতে—তোমার আত্মোৎসর্গের এই জলন্ত জীবন্ত কাহিনী শোনাতে দরবারে এনেছিলুম; নতুবা কখনও—কোনদিন কোথাও—শুনেছ কি—

নবাব কোনও বন্দীকে নিজ করে—শৃঙ্খলের পরিবর্তে কোটা স্বর্ণমুদ্রায় ক্রীত কর্ণধারে বন্দী করেছে? এইবার আমায় মানুষ ভাব—এইবার আমায় বিশ্বাস কর। সত্য বলছি, এ আমার কোতুক কথা নয়, এ আমার আজান ধ্বনি—মর্মের বাণী।”

“তবে, হে নন্দিত বন্দিত মানব—হে পূজিত ঐপিত রাজা, আজ থেকে বিজয়সিংহের বুদ্ধি বীর্য শক্তি সামর্থ্য তোমার চরণতলে বিক্রীত হলো

“তবে এস আমার বাহুপাশে।”

স্তম্ভক বিষ্ময়ে দরবার অবাক অপরকে হিন্দু-মুসলমানে—
শাজায় প্রজায় সে পূত আলিঙ্গন-দৃশ্য দর্শন করিল।

আলিঙ্গন শেষে নবাব ডাকিলেন—

“এইবার বালক-বন্দী, এইবার তোমার বিচার। রাজপুত্র দালক?”

“আদেশ করুন নবাব।”

“পুষ্প-করে পুষ্প-মালা ঝুলিয়ে ভেবেছ কি, শাস্তি হতে অব্যাহতি পাবে? না, তা পাবে না, তা মনেও করো না। তোমার পিতাকে মুক্ত করেছি বলে তোমায় করবো না। তুমি ক্ষুদ্র করে ক্ষুদ্র অস্ত্র উত্তোলনে আমার তখন বড় শাসিত করেছিলে। এখন তার শাস্তি গ্রহণ কর।”

“শাস্তি গ্রহণে আবি প্রস্তুত নবাব।”

“উত্তম, তবে এস আমায়-গঠিত বালক—এস আমার স্নেহ আকুলিত বক্ষে! তবে এস দেবশিশু—আমার ক্রোড়ে! তবে

বোস স্বর্গচ্যুত পরাগ আমার পাশে ! বোস, সারল্যের শত শোভার হিল্লোল ছুটিয়ে—করণার কল্লোল প্রবাহ বইয়ে । তোমার অ-পাপ অঙ্গস্পর্শে পৃথ হোক বঙ্গ-সিংহাসন—শুক হোক রাজার জীবন । আদর্শে তোমার শত বালক—মহভে জেগে উঠুক ।”

সত্যই বালককে ক্রোড়ে গ্রহণে নবাব সিংহাসনে উপবিষ্ট হইলেন । তদর্শনে সভাস্থ সকলের নয়নে বদনে বিরক্তি ও ক্রোধভাব ক্ষুরিত হইয়া উঠিল । সে পরিবর্তন নবাব-দৃষ্টি অতিক্রম করিল না । তথাপি নবাব আবার গুরুগম্ভীর উচ্চনাদে বলিলেন,—

“বালক, যেমন তুমি তোমার পিতার কর্মে সহকারী ছিলে, তেমনি আজও এই মহা কঠোর কর্তব্যময় তোমার সেনাপতি পিতার সহকারী হও । আমি তোমাকেই বঙ্গ-বিহার-উড়িষ্যার সহকারী সেনাপতি পদে আজ সর্গর্ভে বরণ করলুম ।”

ক্রুদ্ধভাব দমনে প্রধান সচীব বলিয়া উঠিলেন,—

“এক দুগ্ধপোষ্য শিশুকে”—

“এই পদ প্রদান করা অশ্রায়, কেমন ? তোমার ওষ্ঠ দ্বিধাবিভক্ত হবার পূর্বেই তোমার কথা বুঝেছি উজীর । কিন্তু দুঃখের বিষয় উজীর, মাংস পোষ্য যুবকের মধ্যে যে বীর্যবত্তা যে তেজস্বিতা, যে মনীষা দোঁখ নাই, কল্পনা করি নাই, সে মানব-প্রার্থিত—শত সাধনা-ঈপ্সিত দেবত্ব-মহত্ব-নরত্ব এই দুগ্ধপোষ্যের ক্ষুদ্র দেহাধারে আবদ্ধ দেখছি ।”

এই এত বড় সুবিশাল বাংলাদেশে একটাও মানুষ দেখতে না পেয়ে খোদার ওপর বড় অভিমান হয়েছিল। কেবল পশু-পালন, জন্তু-শাসনে—রাজাসনে বড় ধিকার জন্মেছিল। তাই বিধাতা নিজের রূপের আলেখ্যে—নিজের হৃদয়ের ছাঁচে পিতা পুত্রকে নিশ্চিত করে আমার আশীষ করেছেন। এ দেবতার দান—ত্যাগ করবো না সচীব। এতে যার অসন্তোষ, সেই অসুন্দার ব্যক্তি আমার দরবার ত্যাগ করতে পারেন। সে রূপ ঐশ্বর্যিত নিগুণ হিংসুক ব্যক্তিপূর্ণ দরবার অপেক্ষা আমার শূন্য দরবারই ভাল।”

চতুর্থ পরিচ্ছেদ

“অপমান! অপমান! অপমানের অনল-তীব্রতায় শোণিত আমার উত্তাপিত বিস্ক হয়ে উঠেছে। মৃত্যুসম এ অপমান বহন করে জীবন চাই না। আমি চাই—হয় নবাব-রক্তে এ অপমান-অনল নির্বাণ—না হয় জীবন বিসর্জন।”

“সত্য বটে এ অপমান অতি তীব্রতায় শেঠজীর হৃদয়ে আঘাত করেছে। কিন্তু বঙ্গ-কুবের, এ অপমানকারী অবল নয়—সবল; দুর্বল নয়—প্রবল; হেয় হীন নয়—লোকমান্ব, বঙ্গ বরণ্য। লক্ষ লক্ষ সুশানিত কৃপাণ নবাব-আজ্জায় সদা উন্মুক্ত। তাই বলি, আপনার প্রতিশোধের পথ অতি দুর্গম।”

“ছিঃ, ছিঃ রাজা উমিচাঁদ। আজ প্রবল বলে নবাবের এই যথেষ্টাচার—এই অত্যাচার—মেষশাবকের মত হিন্দু যদি নিকীকে নীরবে সহ্য করে—তবে এই আদর্শে নবাবের স্বধর্মী শত কর্মচারীর সহস্র কর—হিন্দু-নারীর প্রতি অত্যাচারে প্রসারিত হবে। হিন্দুর গর্ভ মান-অভিমান নবাব-কর্মচারীর পদচাপে ধুলির সঙ্গে মিশে যাবে। তাই বলি, এ অত্যাচার নীরবে কখনই বহন করবো না—এতে যার যাক্, এ হের প্রাণ।”

“কিন্তু উপায়?”

“উপায় ঠিক করেছি উমিচাঁদ। নবাবের সৈন্যদলকে—সৈন্যবাহিনীকে অতুল অর্থ প্রদানে বশীভূত করেছি। নবাব সরফরাজের ছিন্নশির অচিরে বঙ্গমৃতিকার সঙ্গে মিশ্রিত হবে। অচিরে জগৎ বিপুল বিস্ময়োচ্ছ্বাসে দেখবে—সরফরাজের পতন আর পাটনাপতি আলিবর্দীর উত্থান।”

“আলিবর্দীর উত্থান!”

“হাঁ, আলিবর্দীর উত্থান—উজ্জ্বল জীবন-প্রভাত। আলিবর্দীকে তাঁর সৈন্যসহ বঙ্গ আগমনের আমার নিমন্ত্রণপত্র বঙ্গ করবার জন্য কেবলমাত্র একজন বাকুপট্ট অথচ পদস্থ ব্যক্তির প্রয়োজন।”

“হীনবল আলিবর্দী এসে কি করবে?”

“অর্থে অসম্ভবও সম্ভব হয়। হীনবল, আমার অর্থ সহ্যে মহাবলশালী হবে—তার আর বিচিত্রতা কি রাজা? বাংলার সিংহাসনের লোভ ক্ষুদ্র আলিবর্দী কখনই দমন করতে পারবে

না। অর্থ-বিনিময়ে বোহিলা, নিজামী ও আরহাট্টা সৈন্য সংগ্রহে সে বিপুল-বাঁচনী গঠনে রক্ত-রণ-সজ্জায় - বীরবেশভূষায় নিশ্চয়ই আসবে। আলিবর্দীর বাহুবল আর আমার অর্থবশ - এই দুই মস্তৌ শক্তি সম্মিলনেও কি পাপিষ্ঠের পতন হবে না রাজা ?”

“পতন হবে—কিন্তু অত্যাচারের অবসান হবে কি না— সে বিষয়ে সন্দেহ।”

“এ সন্দেহের কারণ ?”

“কারণ, আলিবর্দী আসবে শিল্পে শাস্ত্র চিন্তে—আনন্দ নেড়ে—প্রণত শিরে। কিন্তু কাল যখন শিরে তার বাণীকর বশ্ব বিধ্বংসকর, শোভা-সৌন্দর্যাময়, মহার্ঘ্য-রত্নময়, মণিমাণি-প্রভা-প্রসারিত রাজ-মুকুট শোভিত হবে—যখন সে জগৎ-পৃষ্ঠা ইন্দ্রাসন-সমতুল্য বঙ্গ-সিংহাসনে উপবেশন করবে—যখন কোটি কোটি শির নত হবে পদতলে তার—তখন যে তার জাতীয় স্বভাবে অত্যাচার-মূর্তিতে প্রকটিত হবে; কঠোর প্রকৃতি পালিত আলিবর্দীর হৃদয়ে করুণা-স্নেহ-প্রেম-স্বাভাবিক সঞ্চারণ হতে পারে না কেঁঠজী।”

“কিন্তু আজ যদি হিন্দু-বলনার প্রতি অত্যাচারে, পাপাচারী নগাবের শোচনীয় পরিণাম ঘটে—আজ যদি হিন্দুর অ-কম্পান অল্পগ্রহে আলিবর্দী সিংহাসন পান—তাহলে সরকারাশ্রয় পরিণাম দর্শনে—স্মৃতি-স্মরণে—ইচ্ছাসম্বন্ধেও করছন্ন তাও হিন্দুর প্রতি অত্যাচার প্রসারিত হবে না। আলিবর্দী যদি

বোঝে—রাজার উত্থান-পতন—জীবন-মরণ—হিন্দুর কর-মধ্যে আবদ্ধ, তাহলে আর কোন নবাব হিন্দুকে পদদলনে সাহসী হবে না। আজ যদি নবাবের এই অসহনীয় অবাধ অত্যাচার পদ-দলিত কীটের ন্যায় সহ্য করি—তাহলে ভবিষ্যতে এদের 'অত্যাচার সহস্র শাখায়—করাল জিহ্বায় প্রসারিত হয়ে পড়বে। সে অত্যাচারে সমগ্র আর্য্যাবর্ত আর্ন্ত—ব্যথিত—নিষ্পেষিত—প্রপীড়িত হয়ে উঠবে। তাই বলি, এ অত্যাচারের—এ অপমানের অতি কঠোরতম প্রতিশোধ নিতেই হবে রাজা। এই আমার লক্ষ্য—এই আমার পণ—এই আমার কৰ্ম্ম—এই আমার ধর্ম্ম। কেবল আপনাদের সহায়তা সহানুভূতি পেলেই আমার উদ্দেশ্য অচিরে সফল হবে। তাই আমি যুক্তকরে আজ আপনাদের মঙ্গলা-আশায়—প্রীতি-প্রার্থনায় আহ্বান করেছি।”

“আমরা বক্ষ-শোণিত অর্পণে আপনার সাহায্যে প্রস্তুত!”

“উত্তর, তবে আর কারে ভয়? একমাত্র শঙ্কা ছিল নবাবের অমিততেজা, মহা রণ-নিপুণ বিচক্ষণ প্রধান সেনাপতি ওমরআলি খাঁকে। সে শঙ্কাও আজ দূরীভূত—পাঠান সেনাপতিও আমার সহায়তায় সম্মত।

“না শেঠজী, আজ আর আমি সেনাপতি নই—আজ আমি পথের ভিক্ষুক।”

বাক্যসহ কৰ্ম্মচ্যুত নবাব-সেনাপতি ওমরআলি, শেঠজীর নৈশ-মঙ্গলাগারে প্রবিষ্ট হইলেন। বিস্ময়-চমক-চকিত-নেত্রে—বিস্ময়-সূচক স্বরে শেঠজী বলিলেন,—

“একি অমঙ্গলময় বাণী-নির্নাদ কর্ণে তোমার বীর ! এ কি বিষাদভাব-তরঙ্গ তোমার মুখমণ্ডলে প্রবাহিত সেনাপতি ?”

“হাঁ শেঠজী, সত্যই আজ এক মহা পরিবর্তনে আমার ভাগ্য ডুবে গেছে আঁধারে । আমি কন্মচ্যুত ।”

“সে কি ! কোন অপরাধে ?”

“বিনা অপরাধে ।”

“আপনার ঞায় মহা-যোদ্ধার মহা গৌরবময় পদে আবার কোন মহাবীর সমাসীন হলেন ?”

“আমাপেক্ষা কোনো যোগ্য ব্যক্তি যদি আমার পদাসীন হতেন, তাতে আমার হৃদয় এতটা ক্ষত-বিক্ষত হতো না ।”

“কে সেই ব্যক্তি, সহসা নবাব অনুগ্রহলাভে—বঙ্গ-বিহার-উড়িষ্যার প্রণম্য পদে বরিত হলো ?”

“সে গুরুজন নবাব-দেহরক্ষী, নাম তার বিজয়সিংহ ।”

“আপনার সহসা পদচ্যুতির কারণ ?”

“কারণ—নবাবের খেয়াল ।”

“এ খেয়ালের অচিরেই অবসান হবে সেনাপতি । পদ চ্যুতির জন্য দুঃখিত হবেননা বীর । আমি শপথ করছি—আলিবর্দীকে অনুরোধ করে আপনাকে প্রধান সেনাপতি করবো । আপনি আমার প্রতিনিধিস্বরূপ আমার পত্রসহ আলিবর্দী-সকাশে যাত্রা করুন । পত্রে আমি লিখে দিচ্ছি—যেন আপনাকেই প্রধান সেনাপতি পদে বরণ করে আলিবর্দী বিপুল বিশাল বাহিনীসহ বঙ্গে আগমন করেন ।

স্থির জ্ঞান্বে বীর—মরফরাজের জীবন-যবনিকার পতন
আর আলিবর্দীর জীবনের আলোকোজ্জ্বল পটোঙ্কলন।”

পঞ্চম পরিচ্ছেদ

“আমি রাজপুত্র-বালা।”

“তা বুঝেছি। কিন্তু কোন মহা ভাগ্যবানের পুষ্পাঙ্কানে
—স্বর্গের পারিজাতের ন্যায় বিকশিত হয়েছিলে, বালিকা?”

“বলবো না।”

“পূর্ণ প্রস্ফুট-পুষ্প তুমি—একাকিনী এই সুবধুনী-তীরে
কেন, বালা? বৃষ্টি সলিল-রূপিনী জননীক কোড়ে বিরাম
গভাশায়?”

“হাঁ।”

“কোন আর্তি-ব্যথায়—কোন কাতর বেদনায়—কোন
করণ যাতনায় এই সুখের জীবনে প্রথম পদার্পণে—জীবন
বিসর্জনে ছুটে এসেছ?”

“শুনে লাভ?”

“শুনে আমার লাভ না থাকলেও তোমার লাভ থাকতে
পারে।”

“বিদ্রূপ ব্যতীত আমার আর কোন কিছু লাভ হবে না—
হতে পারে না।”

“কারও ব্যথার মানুষ কি বিদ্রূপ করতে পারে?”

“পারে।”

“তাহলে সে মানুষ পর্যায়ভুক্ত নয়।”

“না অপরিচিত, তারাই সমাজের শীষস্থান অধিকারে—
তরুণী হেলনে—রক্ত-নয়নে শাসন করছে।”

“সেই শাসনেই কি তুমি আজ গৃহ-তাগিনী—মৃত্যুপ্রার্থিনী
রাজপুত-নন্দিনী?”

“কে তুমি অন্তর্যামীর ন্যায় আমার মৃত্যুবাসনা জেনে—
আমার গৃহত্যাগের হেতু বুঝে—সান্ত্বনার শীতল বারিতে—
মধুর স্বরে প্রবেশ দিতে এলে—কে তুমি অন্তর্যামী?”

“আমি দম্ম্যদলপতি! নাম আমার মেঘেশকুমার।”

“তুমি! তুমিই সেই দুর্দম শক্তিশালী—অমিত পরাক্রম-
শালী—মহা বলবান মহা প্রতাপবান দম্ম্যপতি, মেঘেশকুমার!
একি সত্য?”

“অবিশ্বাস কেন নারী?”

“দম্ম্যর এত সুন্দর আকৃতি—এমন মধুর প্রকৃতি হতে পারে,
এ যে ধারণা ছিল না আমার।”

“যাদের পরস্বাপহরণে আত্মস্থ, যাদের শুধু হত্যায়—
লুণ্ঠনে পৌড়নে আনন্দ; তাদের আকৃতি ভীষণ—তাদের প্রকৃতি
ভয়াবহ হতে পারে। কিন্তু আমি লুণ্ঠন করি—গর্বিতে গর্ব,

আমি হরণ করি—ধনীর ধনাভিমান ; আমি পীড়ন করি—
অত্যাচারীর বাহুর শক্তি । আমার কৰ্ম—দুৰ্বল রক্ষণ, আমার
ধৰ্ম—ব্যথিতের বেদনাশ্রু বিমোচন ।”

“তবে—তবে আজ এই বালিকার নয়নাশ্রু মোচন কর ।
তার হৃদয়গ্নি শীতল কর সর্দার ; না—না, বৃথা—বৃথা এ
প্রার্থনা আমার—তুমি পারবে না ।”

“কেন পারবো না, রাজপুত-বালা ?”

“সে বড় প্রবল ।”

‘যত প্রবলই হোক, দস্যু-সর্দার তাতে শঙ্কিত, কম্পিত নয় ।’

“যদি সে অত্যাচারী স্বয়ং বঙ্গ-বিহার-উড়িয়ার অধীশ্বর
হয় ?”

“তথাপিও পশ্চাদপদ নই ।”

“শপথ কর ।”

“শপথ করছি । এই সুরধুনী সলিল স্পর্শে শপথ করছি—
যদি তুমি অনিচ্ছাকৃত পাপে পাপিনী হও—যদি তুমি প্রবলের
নিকট উৎপীড়িতা হও—তাহলে সেই অত্যাচারীর শাস্তির জন্য
আমি আমার বাহুবল—আমার বিপুল অর্থবল—আমার অসংখ্য
লোকবল—এমন কি জীবন উৎসর্গ করবো । বল বালা,
কে সে অত্যাচারী ?”

“সে অত্যাচারী স্বয়ং বাংলার নবাব ।”

“তবে—তবে কি তুমিই মর্ত্যের ধন-কুণ্ডের জগৎশেষ-পুত্র-
বধু ?”

“হাঁ, আমিই সেই পদ-দলিতা ভূজঙ্গিনী--উৎপীড়িতা সিংহিনী।”

“আর নবাব-উৎপীড়নের জন্য আজ আমরা তোমার স্তায় সতী-রাণীর দর্শন লাভ করলুম। এতদিন আমরা যুগ্ম মূর্তি পূজা করে এসেছি—আজ থেকে সজীব সচল দেবীর পূজা করবো। আজ থেকে তুই আমাদের দেবী—আমাদের শক্তি—আমাদের মা।”

সর্দারের শব্দ গুরুস্বনে শ্রবিত হইল। মুহূর্তে স্বরধুনী-তটবর্তী অরণ্য মধ্য হইতে দলে দলে রক্তবসন-পরিহিত, রক্ত চন্দন-চর্চিত, রক্ত-রঞ্জিত করাল করবালধারী শতাধিক বলিষ্ঠ সবল সুস্থ ব্যক্তি বহির্গত হইয়া নীরবে সর্দারকে অভিবাদনে—নীরবে নতশিরে দণ্ডায়মান হইল।

সর্দার সুগম্ভীরস্বরে বলিল,—

“আজ থেকে এই বালিকা আমাদের দেবী—দেবী জ্ঞানে সকলে পূজা করবে। আজ থেকে এই রাজপুত-বালা আমাদের রাণী—রাণী জ্ঞানে আনতশিরে আদেশ পালন করবে। আজ থেকে কই মহিমনয়ী সতী আমাদের জননী—জননী বোধে ভক্তি ভরে প্রণাম করবে। আমার আদেশ কণা-মাত্র অস্বীকৃতক্রম যে করবে, তার শির তদুণ্ডে ধূল্যবলুষ্ঠিত হবে। যাও সব”—

সর্দার আদেশে সেই শতাধিক সর্দার-অমুচর রাজপুত-বালার নিকট শিরানত পূর্বক নীরবে প্রস্থান করিল।

ভাবোচ্ছ্বাসপূর্ণ কণ্ঠে রাজপুত্র-বালা ডাকিল, —“সর্দার ?”

“জননী !”

“তুমি হাশীর্বাদের অতীত । তুমি মানবের উপমেষ্ট—মহা-মানব । তুমি জাতির ভূষণ—কীর্তি-কেতন ।”

“আমি কন্মের পূজক—কর্তব্যের সেবক—আর আজ থেকে তোমার আদেশ-পালক ।”

“আশ্রিতার আদেশ পালক ! একি সত্য সর্দার ?”

“জননী কখনও সন্তানের আশ্রিতা হয় ? সন্তানই যে জঠর থেকে জননীর আশ্রয়ে বদ্ধিত । জননী তুমি—রাণী তুমি—দেবী তুমি, তোমার আদেশ পালনই যে আমার প্রধানতম ধর্ম—শ্রেষ্ঠতম কর্ম ।”

“উত্তম ! তা যদি হয়, তাহলে সর্দার, আদেশ আমার, এই মুহূর্ত্তে তোমার সমগ্র অন্ত্চর সহ সশস্ত্রে সজ্জিত হও ।”

“কোন প্রয়োজনে ?”

“নবাব-প্রাসাদ আক্রমণে—বৈরী-নির্ধাতনে—আমার প্রতিজ্ঞা পালনে ।”

“কিন্তু মা, আমার সমগ্র অন্ত্চর-সংখ্যা সহস্রাধিক মাত্র । এই সহজ গণনীয় সৈন্য সহায়ে অসংখ্য সৈন্য-পরিবেষ্টিত বাংলার রাজধানী মধ্যে প্রবেশে—ততোপিক সুরক্ষিত নবাব-প্রাসাদ আক্রমণে অভিযান, আর স্বেচ্ছায় মরণ-বক্ষে বক্ষ-প্রদান একই কথা ।”

“আমি কি পিশাচিনী যে, সন্তানকে স্থির মৃত্যু-বক্ষে প্রেরণ

করছি ! তা নয় সর্দার, যখন গভীর নৈশ নিস্তরতার মধ্যে সমগ্র বিশ্ব নিদ্রায় অচেতন থাকবে, তখন প্রকৃতির সে অন্ধকার-বস্ত্রে দেহাবরণের মধ্যে সহসা বাঘের মত নবাব-প্রাসাদে ঝাঁপিয়ে পড়ে চূর্ণ করতে হবে অত্যাচারীর প্রাসাদ—পাপাচারীর মস্তক । যদি সত্যিই আমি তোমাদের রাণী হই—তবে এই মুহূর্তে বাহিনী সুসজ্জিত কর । আমি স্বয়ং বাহিনী পরিচালনা করবো । পরাজিত হলেও কেউ জানবে না—কেউ বুঝবে না কে এই বাহিনীর নেতা- কে এই অভিযানের হোতা ।”

“কেউ না বুঝলেও আমি বুঝেছি—আমি জেনেছি রাজপুত্র-বালা ।”

বসিতে বলিতে এক তেজস্বী শ্বেত অশ্বপৃষ্ঠাক্রম রক্তবর্ণ বালক বৃক্ষাশ্রয়িত হইতে আবিভূত হইল । কনাৎসবে সর্দারের কণ্ঠস্বর করবাল পলকে পিধান-মুক্ত হইল । কিন্তু আগন্তকের ধরসের ও আকৃতির অতি নবীনতা দর্শনে—পুনঃ পিধানবদ্ধ হইল । বিপুল বিস্ময়-তরঙ্গোচ্ছ্বাসে রাজপুত্র-বালা বসিয়া উঠিলেন,—“এ কি, তুমি ! তুমি সেই ?”

“হাঁ রাজপুত্র-বালা, আমি সেই !”

“তুমি হিংস্রক নবাব-গ্রাম মুক্তে এখনও জীবিত !”

“শুধু জীবিত নই—আমিই এখন বঙ্গ-বিহার-উড়িষ্যার মহাকারী সেনাপতি ।”

“আর তোমার পিতা ?”

“প্রধান সেনা-নায়ক ।”

“অসম্ভাবিত—অপ্রত্যাশিত ভাবে সহসা এ ভাগ্যোন্নতির কারণ ?”

“কারণ—তোমার রক্ষার জন্য আত্মত্যাগের পুরস্কার ।”

“আমি বিকৃত-মস্তিষ্কা—জ্ঞানহারা উন্মাদিনী নই বালক ।”

“আমিও মিথাবাদী নই, বালিকা ।”

“কিন্তু এ অসম্ভব কথায় বিশ্বাস হয় না যে বালক ?”

“না হলে তাতে আমার কোন ক্ষতি বৃদ্ধি নাই । বিশ্বাস করা না করা সেটা তোমার ইচ্ছাধীন ।”

“বিশ্বাস করলুম—ধর্ম-বিনিময়ে তুমি এ পদে উন্নীত হয়েছ ।”

“তুমি বালিকা—তাই এ বাক্যের উত্তর অস্ত্রে প্রদান করতে নিরস্ত হলুম ।”

“কিন্তু একদিন আমার জন্য পিতাপুত্রে জীবনোৎসর্গে উদ্বৃত্ত হয়েছিলে ।”

“সেটা তখন কর্তব্যের জন্য প্রয়োজন হয়েছিল । কিন্তু আজ আবার তোমার বিরুদ্ধে অস্ত্র উত্তোলনের প্রয়োজন হয়েছে ।”

“কেন ?”

“তুমি রাজ-বিদ্রোহিনী ।”

“আর তুমি সয়তান পদ-সেবক ।”

“আশ্রয়দাতা, অন্নদাতা সয়তান হলেও মানব ধর্ম—টার নিকট কৃতজ্ঞ থাকা—টার মঙ্গলার্থে জীবনপাত করা ।”

“তুমি কি সেই বালক—যে বালক একদিন নারী-অসম্মান-

নার অণু অকুতোভয়ে—ক্ষীত বক্ষে—মুক্ত অস্ত্রে নবাব সকাশে
নিভীকচিত্তে দাঁড়িয়েছিল—তুমি সেই বালক ?

তুমি কি সেই বালক—যার কণ্ঠে একদিন নহান্ উক্তি
নির্নাদিত হয়ে আমার হৃদয়ে হিন্দুর ভবিষ্যত জীবনের একটা
প্রোচ্ছল কল্পনা—উজ্জ্বল জাগরণের দৃশ্য অঙ্কিত করে দিয়েছিল
—তুমি কি সেই উদার অতু্যদার দেব-বালক ?”

“হাঁ বালিকা—সেই বালকই এই।”

“তবে তোমায় তো আর ত্যাগ করতে পারি মা। তুমি
উপকারী হলেও আজ আমার সে উপকার বিস্মরণে তোমায়
আদর করতে হবে। নতুবা আমাদের অস্তিত্ব—আমাদের
উল্লেখ সব প্রকাশ হয়ে পড়বে। সর্দার, বন্দী কর এই
বালককে।”

“বালক, অস্ত্র ত্যাগ কর।”

“প্রভু-আজ্ঞা ব্যতীত রাজপুত-বালক কখনও অস্ত্র ত্যাগ
করে না, সর্দার।”

“কিন্তু আক্রমণে আমার—জীবনাশঙ্কা তোমার।”

“পর-প্রাণ যাদের ক্রীড়নক, তাদের মুখে এ মহৎ উক্তি বড়
অশোভনীয়।”

“উত্তম, তবে আত্ম-রক্ষা কর।” সর্দার অবহেলায় বালককে
আলমণ করিল। আক্রমণে—সর্দারের অবহেলা দূরীভূত হইল।
ক্রম উচ্চম উদয় হইল—তারপর আশঙ্কা ধীরে সর্দার-চিত্তে
অবিভূত হইল। সর্দার বাম-করে শঙ্খ ধারণে নির্নাদিত

করিল। সর্দারের শত সার্থী আসিয়া বালককে পরিবেষ্টনে উন্মুক্ত করবাল-করে দণ্ডায়মান হইল।

সর্দার সবিস্ময়ে দেখিল—বালক তখনও নির্ভীক নিঃশব্দ—
তখনও তার ক্ষুদ্র অসি চক্রবৎ বিঘূর্ণিত। মেঘ-গুরুগন্তীর কণ্ঠে
সর্দার ডাকিল—“বালক ?”

“দস্যু !”

“এখনও অস্ত্র ত্যাগ কর, নতুবা দেখেছো, ঐ শত সু-শাণ্ডিত
শায়ক ?”

“অস্ত্র দেখে রাজপুত্র-বালক শঙ্কিত হয় না।”

“কিন্তু বালক-বধে ইচ্ছা নাই। এখনও অস্ত্র ত্যাগ কর।

“এখনও বক্ষস্পন্দন নিস্পন্দিত হয় নাই আমার।”

“তার আর বিলম্বও নাই।”

“বাক্য দ্বার কার্য্য এক কর সর্দার।

“এই দেখ এক হয়েছে—অস্ত্র তোমার দ্বিখণ্ডিত।”

“পুনঃ অস্ত্র দাও।”

“তোমার অভিভাষণেই প্রকাশ, দস্যু আমরা—হীন আমরা,
সুতরাং দস্যুর অলঙ্কার আশা অনর্থক তোমার। ভূমি, বালক-
কের হস্তপদ রজ্জু-আবদ্ধ করে ঐ অরণ্যে বন্দী করে রাখ।”

“আর শোন ভূমি—তানাদের রাণীর আদেশ, এই বালককে
জীবননাশের কোন চেষ্টা বা বালকের পানাহারের কোন
কষ্ট না হয়। আমাদের উদ্দেশ্য সম্পূর্ণে বালককে সহমানে মৃত্যু
করে দেবে।” যাও—আদেশ আমার মনে রেখো।”

ষষ্ঠ পরিচ্ছেদ

“একি হোলো ! একি করলে দেবতা ! আমার উদার প্রভু—
—আমার মহৎ আশ্রয়দাতা—আমার দয়াল রাজার ঘনীভূত
বিপদ, অথচ আমি জীবিত ! এর চেয়ে মৃত্যু কেন দিলে না
ঈশ্বর ! হে পবন, সক্ষত্র তোমার গমন ! এ দীন আজ আর্ন্তস্বরে
তোমার করুণা-কণা প্রার্থী । যাও পবন, রাজধানীতে—যাও
রাজপ্রাসাদে । শোনাও—জানাও রাজাকে আমার বিপদ
বার্তা ।

হে দ্রবনয়ী গঙ্গা, তুমি জগৎজননী—ভক্ত-হৃদি-বিহারিণী,
তোমার নিকট আশ্রিতভেদ নাই । তবে—তবে যাও মা, একবার
লামানয়ী—মুষ্টিমতী হয়ে প্রভুকে আমার জানাও তাঁর ভীষণ
“বপদ কাহিনী ।”

দীর্ঘ অরগ্যানীর প্রান্তে এক বৃহৎ বটবৃক্ষমূলে রাজপুত-
বালাক ভূ-পতিত । বালাকের হস্তপদ একত্রে একই রজ্জুতে
দৃঢ়ভাবে আবদ্ধ । বালাক মাথাটা কঠে উচ্ছে উত্তোলনে
দেখিল,—কেহ কোথাও নাই । বালাক ভাবিল,—

“এ রজ্জু-বন্ধনী কি ভাঙে ! পারবো না ! প্রভুর মঙ্গলার্থে
এই রজ্জু ছিন্ন করলে যদি আমার হস্তপদ অথবা দশন-পংক্তিও
যাও—যাক, তবুও যদি পার আমার প্রভুকে বিপদাবর্ত হতে
উদ্ধার করতে ।”

বালাক দেহের সমস্ত শক্তি বিনিয়োগে রজ্জু আকষণ বিকষণ

করিল। উৎপীড়িত রজ্জু তাগাতে আরও দৃঢ়তায় পরস্পর আবদ্ধ হইল।

বালক তখন সে চেষ্টা পরিহারে দশনে রজ্জু দংশনে রজ্জুপাশ ছিন্ন করিতে বেষ্টিত হইল। সে চেষ্টায় বালকের দু-একটা দন্ত উৎপাটিত হইল। শোণিতধারা প্রবাহিত হইল। নিরাশায়—
—গর্ষবেদনায় জ্বালা-জর্জরিত অস্থরে বালক বলিয়া উঠিল,—

“না, হলো না। ব্যর্থ হলো সব চেষ্টা—বিফল হলো দেব আরাধনা। কিন্তু রাজপুত্র-বাল্য, অজ্ঞানতার নবাবের অধঃকরণের মধ্যে কি মহামূল্য উপাদানরাজি স্তরে স্তরে সজ্জিত, তার সন্ধান না জেনে যদি সে অমূল্য অতুল্য দেহাধার চূর্ণ কর, তাহলে জেনো বালিকা, যদি আমি মুক্তি পাই, যদি জীবিত থাকি, তাহলে তুমি যারই আশ্রয় নাও—তথাপি আমার প্রতিশোধানল থেকে তোমার নিস্তার নাই—উদ্ধার নাই। তখন তোমায় পিশাচিনী জ্ঞানে তোমার বক্ষ-রুধিরে আমার তরবারী রঞ্জিত করতে কোন ধিধা—কিছুমাত্র সঙ্কোচ করবো না—এ স্তির জেনো।”

সহসা অশ্বপদধ্বনি শ্রুত হইল। দম্বা-আগমন-আশঙ্কায় ক্রোধে বালক অশ্বপদোখিত পথপ্রতি চাহিল। দেখিল—
আরোহী-হীন অথচ আরোহীর সজ্জায়ুক্ত একটা শ্বেত অশ্ব সেই দিকেই আসিতেছে। বালক চিনিল—সে অশ্ব তারই। বালক বুঝিল—তারই সন্ধানে অশ্ব ভ্রাম্যমান। বালক ডাকিল—
“শ্বেতা? শ্বেতা?”

সে আস্থানে অশ্ব বিজলীবৎ বালক-সম্মিধানে আসিয়া সহযে হ্রেষা ধ্বনি করিয়া উঠিল। বালক অশ্ব লক্ষ্যে বলিল,—

“শ্বেতা, শ্বেতা, তুই পারিস শ্বেতা? একবার নক্ষত্রের গতিতে ছুটে গিয়ে আমার প্রভুকে তাঁর বিপদবার্তা শোনাতে পারিস, শ্বেতা? চৈতক রাণা প্রতাপসিংহের জীবন রক্ষা করে ছিল। সেও অশ্ব ছিল তুইও অশ্ব—তুইও রাজপুতের বাহক। তুই আজ তেমনি তোর প্রভুর প্রভুকে রক্ষা কর—উদ্ধার কর শ্বেতা।”

শ্বেতা দক্ষিণ পদ মৃত্তিকায় আঘাত করিল, বুঝি প্রভুকে অভিবাদন করিল। তারপর শ্বেতা স্বীয় দশনে বালকের বন্ধিত রজুর সন্ধি স্থান সবলে আকর্ষণে বালককে মৃত্তিকা হইতে তুলিয়া উদ্ধাশ্বাসে রাজধানী অভিমুখে ছুটিল।

সে এক অভূতপূর্ব-অপূর্ব দৃশ্য। সে অ-দেখা অ-ভাবা দৃশ্য দশনে পথিক ব্যাপার না বুঝিলেও বিস্মিত—চমকিত হইল।

পবনবেগে অশ্ব সেই অবস্থায় বালককে লইয়া, নবাব-প্রাসাদ সম্মুখে উপনীত হইয়া গতি নিরুদ্ধে অতি সন্তর্পণে বালককে মৃত্তিকায় রক্ষা করিল। বালক তখন মুচ্ছিত! নবাব-দ্বারক্ষীগণ বালককে চিনিল—চিনিয়া বিস্ময়াভূত হইল। ত্র্যস্তে ব্যস্তে তাহারা সেই রজু-আবদ্ধ মুচ্ছিত অবস্থাতেই বালককে নবাব-সকাশে উপনীত করিল।

সপ্তম পরিচ্ছেদ

“সত্য করে বল—কে বালককে মুক্ত করেছ?”

“আমরা কেউ মুক্ত করিনি।”

“এখনও সত্য কথা বল—নতুবা ভবিষ্যতে অপরাধ প্রকাশ পেলো অতি নিশ্চয়তায় তাকে বধ করবো।”

“আমরা সকলেই নিরপরাধ।”

“ভাগীরথী-নীর স্পর্শে বল।”

“ভাগীরথী-বারিস্পর্শে বলছি—আমরা কেহই বালককে মুক্ত করিনি।”

“ভীমা?”

“সর্দার!”

“সত্য বল, তুমি কিছুই জান না?”

“না সর্দার, আমি কিছুই জানি না।”

“বালককে কি দিয়ে আবদ্ধ করেছিলে?”

“দৃঢ় রজ্জুতে বালকের হস্তপদ আবদ্ধ করেছিলুম। সে রজ্জু ছিন্ন করা বারণ শক্তিরও অতীত।”

“তবে কি বোঝাতে চাও আমায়—বালক মস্তবলে অহুঙ্কান হলো?”

“ভীমা?”

“মা!”

“কোন ব্যক্তিকে অরণ্যে প্রবেশ করতে দেখেছো?”

“না, মা।”

“সদার ?”

“জননী !”

“চল দেখে আসি, বালক যেখানে আবদ্ধ ছিল। যদি কোন তথ্য আবিষ্কৃত হয়।”

“জল মা। কিন্তু এ বড় আশ্চর্য্য ! বালকের শক্তি সাহস যেমন অদ্ভুত, তেমনি তার পলায়নও অদ্ভুত।”

“ভীমা ?”

“রাণী !”

“বালক কোন স্থানে আবদ্ধ ছিল ?”

“এই যে, এই বটবৃক্ষ মূলে।”

“সদার ?”

“দেবী !”

“দেখেছ সদার ?”

“কি ?”

“ভীমার নির্দেশিত বালকের অবস্থিতি-স্থান শোণিত-সিক্ত।”

“তাইতো! রাণী। আবার আর এক মহা বিশ্বয়-তরঙ্গে হৃদয় প্রাবিত হয়ে উঠলো ! এ শোণিতধারা কেমন করে কি ভাবে এলো ? তবে কি—তবে কি বালককে কোন হিংস্র পশু হনন করেছে ? তাইই দশন-বিদ্ধ ক্ষতে বুঝি বালকের এ শোণিত পতিত হয়েছে ?”

“তাই সম্ভব .—সম্ভব কেন, তাই। সর্দার, আমি পিশা-
চিনী। মহত্ত্ব মণ্ডিত—সারল্য-সৌন্দর্য্য-শোভিত—নিষ্পাপ-চিত্ত
বালক; আমার পরোপকারী ভ্রাতৃসম বালক আমারই
নিষ্ঠুরতায় চলে গেল পরপার। সেই পুত্র-পবিত্র দেহাধার
আজ হীন হয়ে ভাবে পশুর উদবসৎ হলো !

হে বালক, হে পুণ্য-পুত্র স্বর্গ-শ্রী, প্রতিহিংসাপরায়ণা এ
অভাগিনী—এ পাতকিনী আজ অন্ততপ্ত অন্তরে মুক্তকরে
নয়নাশ্রুসেকে তোমার করুণা—তোমার মার্জনা ভিখারিণী।
হে স্বর্গীয় বালক, মার্জনা কর এ দীনা হীনা ভগিনীকে
তোমার !”

“রাণী, নয়নাশ্রুতে কি ভাসিয়ে দিতে চাও তোমার
শপথ—তোমার উদ্দেশ্য? শোকাবেগে কি ভুলে যাচ্ছ আজ
কেন তুমি ধনকুবেরের গৃহলক্ষ্মী হয়েও ভিখারিণী—অনাথিনী?

রাণী তুমি, তোমার কাতরতা দর্শনে ঐ দেখ মা, আমার
সমস্ত অনুচরদের নয়ন অশ্রু-ভারাক্রান্ত বদন বিযাদাচ্ছন্ন। ওঠ
মা, জাগ্ মা, প্রলয়ঙ্করী ভীমা ভয়ঙ্করী মহাশক্তিশালিনী
ক্রোধের তেজে—আত্মার শক্তিতে। তোমার আদেশ শিরে
ধারণে মাতৃ-অবমাননার প্রতিশোধ গ্রহণে দস্যু-জীবন সন্তান
জন্ম-গ্রহণ সফল করি মা সতীরাণী?”

“ঠিক—ঠিক—ঠিক বলেছ সর্দার। এখনও সেই নারী-
অপমানকারী অরাতি জীবিত। এখনও সেই পামরের
বক্ষরক্ত দর্শন করি নাই। এখনও অপূর্ণ প্রতিজ্ঞা আমার।

তবে তবে যাও অক্ষ ফিরে যাও। যতদিন অরাতি পতন—
প্রতিজ্ঞা পূরণ না হয়, ততদিন জল জলরে অনল, জল রক্তরাগে
নয়নে আমার। যতদিন রাজপুত্র-বালার ভীষণ প্রতিশোধানে
বঙ্গ-বক্ষ বিক্ষোভিত না হয়, ততদিন—পিশাচ-পিশাচিনী, আমি
সেবিকা তোমাদের। তবে—তবে সাজাও সন্তান, মহাশক্তি দাপে
অস্ত্র-ভূষণে—রক্ত-বসনে সাজাও তোমার দুর্গদ দুর্গধ দস্যু-
বাহিনী। হয় প্রতিজ্ঞা পালন—না হয় জীবন পতন, যা হয় হবে।

যদি পতন হয় ক্ষতি নাও। ক্ষুদ্র এক রাজপুত্র-বালার জন্ত
অনন্ত শক্তির সমগ্র বাংলার রাজদণ্ডের নবাবের প্রতি এই
প্রতিশোধ গ্রহণের জলন্ত আদর্শে—বিদেশী আর কখনও হিন্দু-
নারীর প্রতি কু-দৃষ্টিপাত করবে না। হিন্দুবালার নামে আতঙ্কে
নয়নাবৃত করবে।

আর—যদি পূর্ণ হয় প্রতিজ্ঞা আমার—তাহলে ঐ স্বর্গ-দ্বার
মুক্তে—অমরার অমর আশীর্বাদ অঝোরে ঝরে পড়বে তোমাদের
শিরে। মহাকীর্তির কনক-কীরিটে শির তোমাদের শুভ্রোজ্জল
হয়ে উঠবে। তোমাদের যশোভানে গৌবব-গানে সুরধুনী
তটভূমি মূহমূহ ধ্বনিত—মুখরিত হয়ে উঠবে।

চল চল সন্তান! পীড়ক দলনে—মাতৃ সম্মান রক্ষণে—নবাব-
নিপাতনে—দেশের গৌরব বন্ধনে।”

অষ্টম পরিচ্ছেদ

“আমি কোথায় ?”

“তুমি নবাব-প্রাসাদে—নবাবের শয়নাগারে—নবাব-শয্যা—
নবাব-ক্রোড়ে শায়িত ।”

“এখানে ! এখানে কেমন করে এলুম আমি ?”

“তুমি অশ্বদশন বাহিত হয়ে আমার প্রাসাদ-দ্বারে নীত হও ।
তোমার রজ্জু-আবদ্ধ অবস্থায় রক্তাক্ত কলেবরে দেখে তোমার
মূর্ছিত দেহ—রক্ষীরা আমার নিকট আনয়ন করে—এই মাত্র
আমি জানি ।”

“ওহো-হো—মনে পড়েছে, মনে পড়েছে নবাব ।”

“ওঁক ! অমনভাবে ক্ষিপ্ত লক্ষনে শয্যাভাগ করলে কেন
বালক ? এখনও তুমি দুর্বল—এখনও তোমার বিশ্রামের—
তোমার শয়নের—তোমার শুশ্রূষার প্রয়োজন ।”

“কিছুরই আর প্রয়োজন নাই নবাব—আমি সুস্থ হয়েছি ।
আমার দেবতুল্য প্রভুর আসন্ন বিপদ- আর প্রভুর সুখশয্যায় প্রভুর
করদ্বয়ে ব্যথা দিয়ে আমি বিশ্রাম করবো ! অগ্রে প্রভুর শত্রুনাশ
কবি, তারপর—তারপর হে দয়াল দেবতা ! হে মহান প্রভু !
তারপর তোমার ঐ কোমল করদ্বয় আমায় মাথায় স্থাপনা করে
এ দীন ভৃত্যকে আশীষ ক’রো—করুণা ধাবা বর্ষণ ক’রো ।”

“প্রহেলিকার মত একি কথা বল্ছো বালক ? শমন যার
নামে শঙ্কিত—সেই নবাবের আবার বিপদ কি ?”

“সত্যই নবাব, ঘনীভূত জড়ীভূত বিপদরাশি অলক্ষ্যে—অজ্ঞাতে আপনাকে গ্রাস করতে অণু নিশার অন্ধকারে—অন্ধকারেরই ন্যায় ভীষণ মূর্তিতে ছুটে আসছে।

যুগ-শিকারে আমি রাজধানী-উপান্তে গিরিয়ার সন্নিকটবর্তী অবস্থিত, সুরধুনী তটোপরি বিরাজিত অগ্ন্যের উদ্দেশ্যে গমন কালীন, আপনার বিরুদ্ধে ষড়যন্ত্রকারীগণের কথা কর্ণে আমার প্রবিষ্ট হলো। আমি থাকতে পারলুম না। আমি ষড়যন্ত্র-সম্মুখে সতেজে উন্মত্ত অস্ত্রে উপনীত হলুম। রাজ-প্রাণ হননে ব্রতী সেই বলিষ্ঠ পুরুষ আমায় অস্ত্রত্যাগে বন্দীত্ব স্বীকারের জন্ত আদেশ করলেন। আমি শুভলুম না সে আদেশ—গর্বে দর্পে সে পাপাচারকে আক্রমণ করলুম। সহসা সেই দুর্ভুক্ত শঙ্খধ্বনি করলে—সহসা কোথা থেকে শত শত রক্তবস্ত্রপরিহিত অস্ত্রধারী ব্যক্তি আবির্ভূত হয়ে আমায় পরিবেষ্টন করলে! তথাপি সেই শঙ্খবাদককে আক্রমণে আমি নিরস্ত্র হলুম না। অচিরে আমার অস্ত্র দ্বিগুণিত হলো—আমি পুনঃ অস্ত্র চাইলুম, অনুদার তারা দিলে না—আমায় নিরস্ত্র অবস্থাতেই বন্দী করলে, হীন পশুর ন্যায় আমায় রজ্জুবদ্ধ করে এক বৃক্ষমূলে ভূতলে ফেলে রেখে দিলে।—আমি আর্তি-নাদে বিধাতাকে ডাকলুম—নিজের জীবনের জন্ত নয়, আপনার জন্য! প্রাণপণে রজ্জু মোচনের চেষ্টা করলুম কিন্তু পারলুম না। তাঁক্ষ দন্তে রজ্জুচ্ছেদনের চেষ্টা করলুম—দশন উৎপাটিত হলো—শোণিতে বস্ত্র—ভূ-পৃষ্ঠ রঞ্জিত হলো—কিন্তু রজ্জু ছিন্ন হলো না। তখন ঈশ্বরে অভক্তি—অবিশ্বাস জেগে উঠলো। এমন সময়ে

আমার ঘোটক খেতা উপস্থিত হয়ে তার দন্তে রজু ধারণে আমায় নিয়ে পবন-বন্ধ বিদারণে পবন প্রতিদ্বন্দ্বিতায় ছুটলো! পথে আমি মূর্ছিত হয়ে পড়ি!”

“বাঃ! তোমার কার্য, বাক্য যেমন বৈচিত্র্যায় সৃষ্টিত—গঠিত, তেমনি তোমার এই মুক্তিও মহা বিস্ময়ে উদ্ভাবিত। কিন্তু আমি যে কিছুই বুঝতে পারছি না, সহকারী সেনাপতি।”

“কি বুঝতে পারছেন না, রাজা?”

“আমি বুঝতে পারছি না, কে সে শমন-শক্তি উপেক্ষাকারী মহাশক্তিমান—যে বাংলার নবাবের প্রতিদ্বন্দ্বিতায় অবতীর্ণ।”

“বুঝতে পারছেন না নবাব, কে আপনার প্রতিদ্বন্দ্বিতায় সহসা অতর্কিত সম্ভাবিতরূপে অবতীর্ণা?”

“না বালক, বুঝতে পারছি না।”

“এ সেই পদাহতা সপিনী—স্বামী-পরিত্যক্তা সতী-শিরোমণি রাজপুত-বালা—আজ নবাব-প্রতিদ্বন্দ্বিনী!”

“এক বালিকা নবাব প্রতিদ্বন্দ্বিনী, একি কুহক কথা!”

“কুহকের মত হলেও এ সত্য।”

“কোথা থেকে, কেমন করে নবাব-বিরুদ্ধে অস্ত্রোত্তলনের শক্তি সংগ্রহ করলে সে রাজপুত-বালা?”

“তা জানি না। তবে সেই রাজপুত-বালার আদেশবাহী সম্প্রদায় দেখে অনুমিত হয়—তাণা দস্যু। বঙ্গেশ্বর, আমার আর বিলম্বের অবসর নাই—আমি চলুম।”

“কোথায়?”

“প্রাসাদ-প্রাচীরোপরি আগ্নেয়াস্ত্র সজ্জিত করতে—প্রাকার নিয়ে সৈন্য শ্রেণী সন্নিবেশিত করতে।”

“কেন ?”

“একি প্রশ্ন আপনার ! প্রাসাদ রক্ষা—প্রভুর সম্মান রক্ষায় সৈন্য-সজ্জা—এ ত’ স্বাভাবিক। এতে আর কোন প্রশ্নের ঠিক হতে পারে না !”

“হতে পারে না—কিন্তু হচ্ছে। আমি বাংলার নবাব। সাধারণের প্রকৃতি ও প্রবৃত্তির উপাদানে নবাবের হৃদয় বিধাতা গঠিত করেন না, তাই এ প্রশ্ন বীর বালক। সেই রাজপুত্র-বালাকে জননী বলে সম্বোধন করেছি—দেবীর আসনে বসিয়েছি। তখন আজ আবার সন্তান হ’বে—পিশাচের ন্যায় জননীবধে অস্ত্র ধারণ করবো কোন করে—কোন প্রাণে বালক ? জননী—জননী ! জননী শক্তিকে প্রতিহত প্রতিরোধ করে মাতৃ অপমাননা—মাতৃ-শক্তির হীনতার পরিচয় প্রদান করা—সন্তানের কৰ্ম নয়। তাই বলি, বাধা দেবার প্রয়োজন নাই। আশু—সেই রাজপুত্র-বালা, স্বেচ্ছায় হৃদয়-শোণিত তেলে পূজা করবো তার রক্তকমল-নিন্দিত চরণ সরোজ দু’টী।”

“নবাব, নবাব, একি ভাগের মহৎ ধ্বনি—ভক্তির প্রণব বাণী শোনালে নবাব ! মুগ্ধ অন্তর—তৃপ্ত কর্ণ-কুহর—প্রীতি ইন্দ্রিয়-নিচয়। কিন্তু ভূপেশ, এক প্রতিহিংসাপরাযণা বালিকার জলিত ক্রোধানলে অথবা এমন মহামূল্য স্বর্গ-অবদান—আমি রক্ষক হয়ে সেবক হয়ে উপাসক হয়ে অর্পণ করতে পারি না। যে তোমার

না চিনেছে—তোমার অন্তর না দেখেছে, সে নিশ্চেষ্ট থাকতে পারে। কিন্তু আমি যে তোমার স্বর্গলোক-পরিপ্লবিত অন্তর দেখেছি—দেবতার প্রতিনিধিরূপে তোমায় জেনেছি! আমার অন্তর-কন্দরে অতিযত্নে তোমার ঐ দেবমূর্তি অঙ্কিত করেছি। আজ এক উন্মাদিনী প্রতিহিংসা-পাগলিনীর রক্ত-লোল-রসনায় সেই আমার আরাধ্য প্রভুকে নিক্ষেপ করতে পারবো না। আমি আমার নিজের পদবীর গুরু দায়ীত্বে—ভৃত্যের কর্তব্যে—সেবকের সেবা-ধর্ম্যে বাধা দেব, সেই রাজপুত্র-বাল্যকে! আমার ধর্ম্য কার্যে—আমার কর্তব্য কর্ম্যে বাধাদানে পুত্র-তুল্য দাসকে নিরয়-নিবর্ত্তে নিক্ষেপ করবেন না বঙ্গেশ্বর ?”

“বেশ, আমি আদেশ-হীন অবস্থায় নিরপেক্ষ রইলুম। ইচ্ছা যদি হয় কর রণ—বালক বালিকার বাধুক রণ। দেখুক সকলে অকল্পনীয় আশ্চর্য্যে গঠিত এই রণ-আয়োজনে—এই আদর্শ মহান্।

তোমরা দুটি বালক-বালিকা নিত্য নব নব বিচিত্র বৈচিত্র্যময় স্বর্গ-দৃশ্য মর্ত্ত্য বক্ষে প্রতিফলিত করে তুলে।

তোমরা দুটি অমরার পুষ্প দেব-দেবেশের করচ্যুত হয়ে বৃষ্টি করে পড়েছে বঙ্গ-বক্ষে—শোভায় জগত মাতাতে—আলোকে ভাসাতে—বিপুল বিশ্বয় জাগাতে বিশ্ব-বক্ষে ?

যাও দেব-বালক, আদেশের অতীত তুমি—তোমার ইচ্ছার গতি-পথ কখনও কোনদিন আর বাংলায় নবাব রুদ্ধ করবে না।

নবম পরিচ্ছেদ

“রাণী, আমার প্রেরিত সৈনিক মিথ্যা কহে নাই—ভুল দেখে নাই। সত্যই নবাব-প্রাসাদোপরি আগ্নেয়াস্ত্র সজ্জিত—সত্যই প্রাকার-মূলে শত শত সৈন্য রণ-বেশে আগ্রত। আমি স্বয়ং অলক্ষ্যে দেখে এলাম। এ ভুল নয়—মিথ্যা নয়। বিশ্বাস না হয়, দেখে এস রাণী তুমি নিজের চক্ষে।”

“নিঃস্পয়োদন সর্দার, তোমায় এতটা হীন জ্ঞান করলে, আজ তোমায় সন্তান সন্তায়ণে তোমার আবেষ্টনী মধ্যে নিঃশঙ্কচিত্তে অবস্থান করতুম না! কিন্তু পূর্বাহে কেমন করে নবাব আমাদের আগমন সংবাদ জ্ঞাত হলো পুত্র?”

“আমি তাই ভাবছি মা। ভীমা?”

“সর্দার!”

“তুমি আবাল্য লালিত পালিত হয়েছ আমারই স্নেহ-কোমল বক্ষে। পুত্রগৌন সর্দারের তুমিই পুত্র স্থান অধিকার করেছ। তোমায় পুত্রতুল্য দেখি, ভালবাসি, স্নেহ করি। তোমার উন্মুক্ত হৃদয়ে সর্ব-অস্ত্রে শিক্ষিত করেছি আমি। বীরত্বে—শক্তি সাহস সামর্থ্যে নিজের প্রতিবিকল্পে তোমার হৃদয়কে গঠিত করেছি। আমিই তোমার একাধারে পিতা মাতা, আমিই তোমার আশ্রয়দাতা—অন্নদাতা। আমিই তোমার প্রভু—গুরু।

আমার সম্মুখে মিথ্যা কথা বলবে না বলেই আমার বিশ্বাস। বল দেখি ভীমা, সত্য করে বল দেখি, এ রহস্যের তুমি কি কোন কিছু অবগত নও ?”

“না সর্দার !”

“আমার দলস্থ কোন অনুচর কি অনুপস্থিত ছিল ?”

“না প্রভু।”

“সত্য ?”

“সত্য। শুরু আপনি—প্রভু আপনি—পিতা আপনি। আপনার সমক্ষে মিথ্যাবাণী উচ্চারণ করবো, এ হীনতা যেদিন অন্তরে আমার উদয় হবে সেদিন যেন বজ্র নিপাতত হয় আমার মস্তকে।”

“বিশ্বাস করলুম তোমার কথা। কিন্তু আমি যে কিছুই ধারণায় আনতে পারছি না—ভীমা।”

ভীমাকে নির্ঝাঁক নতশিরে অবস্থান করিতে দেখিয়া রাণী বলিলেন—“এখন উপায় পুত্র ?”

“বল জননী—আদেশ কর রাণী—ঐ সাক্ষাৎ শমনরূপী কালানল-বক্ষে হাস্তে হাস্তে ঝাঁপিয়ে পড়ি। কিন্তু তোর আশা তোর পিপাসা তাতে তৃপ্ত—প্রীত হবে না। লাঠি শড়কি, সোঁটা, বল্লম, বর্শা, ভল্ল, কুঠার, টাঙ্কি বা তরবারি—আগ্নেয়াস্ত্রের অনল উদ্গারে লহমায় ভস্ম হবে।”

“তবে প্রয়োজন নাই। অপ্রয়োজনে অযথা এতগুলি সম্ভান-জীবন হেলায় অনল-মুখে সমর্পন করবার আদেশ জননী-

কণ্ঠে উচ্চারিত হলে, মা নামে মানব-বক্ষ আর উল্লসিত ভক্তি-প্রাবিত হ'য়ে উঠবে না :

তবে এত ক্লেশ সহনে—এত বাধাবিঘ্ন দলনে এত আয়োজনে এসেছি যখন, তখন শুধু শুধু ফিরে যাব না সন্তান !”

“তবে কি করবে মা ?”

“আমার আগমনের একটা মহা বিস্ময়কর নিদর্শন নবাবকে জানিয়ে যেতে হবে। যাতে সে বুঝবে—রাজপুত্র-বালার শক্তি কি মহামেদে গঠিত। শোন সর্দার ! যে আগ্নেয়াস্ত্রই আজ আমার বুকভরা তৃষা পরিতৃপ্তির পথ রুদ্ধ-করলে—সেই নবাবের আগ্নেয়াস্ত্র অস্ত্রাগার লুণ্ঠন করে নিয়ে চল সব। এই আগ্নেয়াস্ত্র ভবিষ্যতে আমার সহায় হবে—প্রতিজ্ঞা আমার পূর্ণ করবে।

আজ না হয় কাল, কোন দিন না কোনদিন, কোন না কোন সুযোগে নবাবেরই আগ্নেয়াস্ত্রই নবাব-বক্ষ শতধা দীর্ণ করবে। চালাও বাহিনী নিঃশব্দে অস্ত্রাগারাভিমুখে !”

“কিন্তু যখন নবাব আমাদের আগমন অবগত, তখন আমাদের অবস্থান আবাস যে অনবগত একরূপ অনুমিত হয় না। হয়তো প্রত্যাবর্তনে দেখবো, আমাদের অরণ্য-আবাস নবাব সৈন্য পরিবেষ্টিত।”

“বাংলায় অরণ্যের অভাব নাই সর্দার।”

“কিন্তু শত রাজ্যের ঐশ্বর্য্য যে সেই অরণ্যে সমাহিত।”

ভবিষ্যত কল্পনা পরিহারে বর্তমান পথে অগ্রসর হও

সর্দার ! যদি নবাব-অস্ত্রাগার লুণ্ঠন করতে পার, তাহলে আমিই তোমাদের বিপুল বৈভব প্রদান করবো ।”

“তুমি—তুমি কোথায় পাবে ?”

“তোমার জননী দরিদ্র-নন্দিনী—দীনের ঘরণী নয় । গৃহ নিষ্কান্তা হলেও আমি নিরাভরণা ছিলাম না । কেশ হতে পদাঙ্গুলী পর্য্যন্ত হীরকালঙ্কারে শোভিত ছিল । এক একখানা আভরণে—এক এক ভূখণ্ড ক্রয় হতে পারে ।”

“কোথায় আছে সে দুর্লভ রত্নরাজি-আবরিত আভরণ ?”

“সুরধুনীর তট-নীরে ।”

“তোমার আভরণ তুমি পর মা, জননীর অলঙ্কারে সন্তান হস্তক্ষেপ করবে না ।”

“ভিখারিণীর অঙ্গে অলঙ্কার শোভা পায় না !”

“এই শত সহস্র সন্তান যার আজ্ঞাবাহী, সে নয় ভিখারিণী । বলেছি তো মা, ঐশ্বৰ্য্যের কাঙ্গাল নয় তোমার এ হতভাগা সন্তান । আমি কাঙ্গাল শুধু তোমার আশীর্ব্বাদের । তোমার বিশুদ্ধ বদনে হস্ত ফুটিয়ে তুলতে যদি পারি, তবেই আমার জীবন—আমার অস্ত্রধারণ সার্থক—সফল জ্ঞান করবো ।

চল সহচরগণ, বজ্রের ভীষণতায়—বিদ্যুতের ক্ষিপ্ততায়—সাগরোর্ষ্মির ভীষণতায় ছুটে চল নবাব-অস্ত্রাগার লুণ্ঠনে—মাতৃ-নয়নাশ্রমোচনে—দেবী আজ্ঞাপালনে ।”

দশম পরিচ্ছেদ

“দিন্—আদেশ দিন্ নবাব, দস্যুর দর্প চূর্ণ—সেই রাজপুত্র-বালার গর্ভ দীর্ণ করি ! সমস্ত দস্যুসহ সেই অরণ্য ভাগীরথী-গর্ভে ডুবিয়ে দিই । দিন্—আদেশ দিন নবাব ?”

“তোমার ক্রোধানলে তস্ম হতে—নবাব-শক্তির সংঘাত আশায় দস্যু সেই অরণ্যে আর অপেক্ষায় নাই । মানুষের দস্যু, অন্ত অরণ্যের আশ্রয় নিয়েছে !”

“যেখানে—যে কোন গভীর অরণ্যের অথবা দৈত্যকুলের মত জলধি-জলতলে যে কোন স্থানেই আশ্রয় নিকু—তথাপি—তথাপি তার নিস্তার নাই ।”

“সে এখন আগ্নেয়াস্ত্রে বলশালী ।”

“হোক, তথাপি সঙ্কল্পচ্যুত হবে না রাজপুত্র-বালক ।”

“কিন্তু সে আগ্নেয়াস্ত্র লুণ্ঠনকারী—নবাব-প্রতিদ্বন্দ্বী-বাহিনীর অধিপতিনী—সেই রাজপুত্র-বালা ।”

“হোক, সে এখন রাজ-বিদ্রোহিনী । সেই দস্যু গর্ভে গর্ভিতাকে বন্দি করে রাজপদে উপহার দেব, তবে—তবে এ ক্রোধানল নির্ঝাপিত হবে আমার ।”

“তোমার ইচ্ছা হচ্ছে ক্রোধে তাকে ভস্মীভূত করতে, কিন্তু আমার তা ইচ্ছা হচ্ছে না বালক ।”

“তবে আপনার কি ইচ্ছে হচ্ছে নবাব, সেই রাজপুত্র-বালার বক্ষ-রক্ত পানের ? তা হবার কথা—কিন্তু সে নারী ।”

“আমার সে ইচ্ছাও হচ্ছে না ।”

“তবে কি তার মুণ্ড ছিন্ন করে পদতলে নিষ্পেষিত করবার ইচ্ছা হচ্ছে ? হতে পারে এ ইচ্ছা—কিন্তু নারী বধ !”

“না বীর-বালক, আমার সে ইচ্ছাও হচ্ছে না ।”

“তবে কল্পনা আমার পরাস্ত ।”

“কল্পনা আমারও পরাস্ত । সেই রাজপুত্র-বালার এই অসম্ভব বীরপণায়—এই বীরহৃদয়-ভয়কারী দুর্দম শমন সাহসের—এই নারী-শক্তির জীবন্ত জলন্ত প্রদীপ্ত আদর্শের কি ভাবে পূজা করবো—কোন উপহারে উপহৃত করবো—কোন পুরস্কারে পুরস্কৃত করবো—কল্পনার তা আনতে পারছি না বালক । সেই তেজস্বিনী, তীক্ষ্ণ অস্ত্রধারিণী অসম সাতসিনী রাজপুত্র-নন্দিনীর প্রত্যেক কার্যটি আমি ভাবছি—আনন্দের আবেগে হৃদয় আমার ভরপুর হয়ে উঠেছে ।

বাহবা রাজপুত্র-বালা, বাহবা ! বঙ্গ-বিহা—উড়িষ্যার রাজধানীর মধ্যে সিংহিনীর স্নায় পতিত হয়ে—বীর বিক্রমে নবাবের অস্ত্রাগার লঙ্ঘনায় লুণ্ঠিত করে চলে গেল ! ধন্য ধন্য তোমার শক্তি সাহস ।”

“শত্রু শত্রু । তা সে পুরুষ বা নারী—হীন বা মহান্ যাই হোক ; অযথা শত্রু গুণগান পরাজিতের মুখে শোভা পায় না ।”

“কি জান বালক, একটা বিরাট বিষয় কিছু দেখলে ; একটা

অভিনব নৃতনত্ব কিছু দেখলে মন পুলকে পূর্ণ হয়ে ওঠে, তাই মহা-বীর্য-শালিনী, শমন-সাহসি রাজপুত-বালীর এই অভিনবত্বে ভরা—নৃতনত্বে গড়া কার্যকলাপে আমার হৃদয় মুগ্ধ। অজ্ঞাতে অজানিতভাবে শ্রদ্ধায় নত হয়ে পড়েছে আমার চিত্ত। তাই ইচ্ছা আমার—এই ভুলোক-আদর্শময়ী, মর্ত্য-আলোকময়ী, নারী-রাজার জলন্ত বীর্য-বহ্নি নির্বাপিত না করে—দীপ্ত শিখায় কার জগৎ-বক্ষ আলোকোজ্জ্বল করি।”

“আর্যাবর্তের পুণ্য-কাহিনী অনবগত বঙ্গেশ্বর, তাই হিন্দু বীররাজনার এই কার্য দর্শনে বিস্মিত হচ্ছেন। কিন্তু হিন্দু আমি, এ বিস্ময় ভাব—এ শ্রদ্ধার ভাব অন্তরে আমার জাগে নাই।”

“এমন বীররাজনা আরও আবিভূতা হয়েছিল আর্যভূমে?”

“শত শত।”

“তাহলে এই আর্যভূমিই বেহেন্স! তাহলে ধন্য আমার জীবন, এই বেহেন্স-সম অর্ধ আর্যাবর্তের অধীশ্বর হয়ে!”

“রাজার কর্তব্য—বিদ্রোহের প্রশয় দেওয়া নয়—দমন করা। প্রশয়ে শত্রু-শক্তি বৃদ্ধি হয়—লোকের অন্তরে রাজ-শক্তির হীনতার সন্দেহ জাগে—রাজ-শ্রদ্ধায় অল্পতা আসে।”

“আর যদি এক অবলা অনাশ্রয়া বালিকার শক্তি-শঙ্কায় শঙ্কিত হয়ে বাংলার নবাবের মহাশক্তি তার পশ্চাতে পশ্চাতে দেশে দেশে—দেশান্তরে মহা উন্মাদনায় রুদ্র তেজে প্রধাবিত হয়, তাহলে সে কি নয় রাজশক্তির হীনতা? সে কি নয় রাজার অমুদারতা?”

“শোন বালক ! সেদিন তোমায় বলেছিলুম, তোমার ইচ্ছার গতিপথ বাংলার নবাব কখনও রুদ্ধ করবে না। আজও আমি তোমার ইচ্ছার পথ রুদ্ধ করব না। ইচ্ছা হয়, যাও তুমি তোমার বাহিনী নিয়ে অবলা সরলা ললনা বিধ্বংসে—কিন্তু জয় পরাজয়ে তোমার, সমভাবে নবাব-জলাট কলঙ্ক লেপিত করবে। ‘বালিকা-বিরোধী—নারী-প্রতিদ্বন্দ্বী নবাব সরকারাজ’ এ কলঙ্কবাণী উপহাসে প্রজাকণ্ঠে নিনাদিত হবে। তাই বলি ক্ষান্ত হও এ রণ-আয়োজনে—প্রতিনিবৃত্ত হও এ হীন প্রতিশোধ পথ হতে, এই আমার অনুরোধ!”

“অনুরোধ ! অনুরোধ !! অনুরোধ !!! বাংলার দৌর্দণ্ড প্রতাপবান রাজাধিশাজের অনুরোধ। এক দীন হীন বালকের নিকট মহামান্ত্র কোটী কোটী নরেশ্বরের শাসন নয়—অনুরোধ ! এ সামান্ত নগ্ন ভূত্যের কাছে বাংলার নবাবের আদেশ নয়—অনুরোধ !!

নবাব ! নবাব ! তুমি শুদ্ধ কল্পনার—শুদ্ধ ধারণার—তুমিই তোমার তুলনা। তোমার পদে দিয়েছি আমার অস্ত্রবল বাহুবল—উৎসর্গ করেছি আমার জীবন। আর কিছু নাই, কি দিয়ে অভিবাদন আজ করবো তোমায় ? না না, আজ আর কুর্ণিশ নয়—সেলাম নয়—অভিবাদন নয়—আজ তোমায় ভক্তি-ভাবনাত অন্তরে প্রণাম করছি।”

এমন সময়ে সহসা দ্বার-প্রান্ত হইতে অস্ত্র বনাৎকার শব্দ সমুখিত হইল। উচ্চে নবাব জিজ্ঞাসা করিলেন,—

“কোন ছায় ?”

“আমি বিজয়সিংহ !”

“বিজয়সিংহ ! এস এস, কক্ষ-মধ্যে এস বন্ধু । অপেক্ষার ক প্রয়োজন ? আমাদের প্রাসাদের সর্বত্র, এমন কি আমার গয়নমন্দিরেও তোমাদের পিতা-পুত্রের অবাধ অপ্রতিহত গতি । তবে কেন এ আদেশ অপেক্ষায় অপেক্ষা করছিলে বন্ধু ?”

“মহানুভব বদ্বেশ্বরের এই অকৃত্রিম অন্তরের অনাবিল-করণার জন্তই আজ পিতাপুত্রের ঐ পদে বিক্রীত ।”

“আর আমি তোমার অন্তরের উদারতায়—মহত্বের অত্যাচ্ছ অফুরন্ত উচ্ছ্বাস-নীলার—তোমার স্বর্গীয় প্রেম প্রীতির বিনিময়ে তোমার নিকট বিক্রীত । স্মরণ্য ক্রেতা বিক্রেতা নির্ণীত হয় না বন্ধু !”

“হয় বৈ কি নবাব । আপনি রাজা—আমি প্রজা ; আপনি প্রভু — আমি ভূতা । ভূত্য চির বিক্রীতই থাকে প্রভুর পাশে ।”

“ও প্রভু-ভূত্য সম্বন্ধ রাজা-প্রজা বিচার নবাব-বাদশা বুণী এখানে কেন সখা ? এখানে শুধু আমরা দুটি অন্তরঙ্গ বন্ধু— দুটি প্রীতি-প্রেমাবন্ধু ভাই ।”

বাংলার নবাবকে সামান্ত প্রজা হয়ে কেমন করে ‘ভাই’ সম্বোধন করবো ?”

“দেখ বিজয়সিংহ, প্রত্যেক জিনিষটারই দু’টি দিক থাকে । ঐ চন্দ্র সূর্য্য দেখতে অতি মনোহর—মনোরম—মধুর । কিন্তু অন্য দিক দেখ—কেবল ধূ ধূ অনল— ধূ ধূ বালুকাদাশি ! পুষ্ক-রিণী, *ত

শতদল শোভায় ; শত শত ক্ষুদ্রোশ্মি-মালায় শোভিতা । কিন্তু অন্তর দেখে তার—কেবল আবর্জনা—কেবল কর্দমে—পঙ্কে পরিপূর্ণ । মানুষেরও ঠিক তাই । কিন্তু অভাগা নবাব বাদশাহের সেই দু'টা দিকও নাই । অন্তর বাহির—অন্দর বাহির তাদের সমান ! বাহিরেও তাদের অশান্তি কোলাহল, অন্তরেও তাদের তাই ! বাহিরেও সেই এক-ঘেয়ে বাঁধাবুলি—সাহান-সা, জাঁহাপনা, মেহেরবানু, খোদাবন্দ, অন্দরে আত্মীয়-মধ্যেও সেই বাঁধাবুলীর সম্ভাষণ । এই সব সাধা বুলী শুনে শুনে কর্ণ-কুহর বিরক্তিতে—অন্তর অতৃপ্তিতে ভরে উঠেছে । তাই বলি, যখন দরবারে বসবো, তখন ঐ সাধা বাঁধা বুলী বলো । কিন্তু এ আমার দরবার নয়—নির্জন আগার । এখানে ঐ গণ্ডীর বুলী ত্যাগে অন্তরের মুক্ত বুলী 'বন্ধু' বলে—ভাই বলে ডাক—জুড়াক কান—শীতল হোক প্রাণ !”

“নবাব, নবাব, যে মহাপ্রাণতা কখনও কোথাও দেখি নাই, যে উদারতা দেব-চিত্তে স্ফুরিত হয় নাই, সেই উদারতার মূর্তি মূর্তি আজ প্রত্যক্ষ দর্শনে আমার মনপ্রাণ—আমার ধ্যান ধারণা সব বিপুল পুলকোচ্ছ্বাসে উন্নত হোয়ে উঠেছে । কোন সজ্জিত ভাষার অভিভাষণে এ হৃদয়ের বিমল বিরাট উচ্ছ্বাস-ধারা ঐ পদে নিষ্কাশন করবো নবাব, তা বুঝে উঠতে পারছি না ।”

“অভিভাষণের ভাষা তো বলে দিয়েছি বন্ধু ।”

“ভাই—ভাই—ভাই !”

“আবার আবার ঐ মধু-বর্ষিত অমির-সিক্ত অন্তরজাত ভাষায়
ঐ অকৃত্রিম মধুরতা মিশ্রিত সম্বোধনে—আবার ডাক।”

“ভাই—ভাই—ভাই !”

“আঃ। আঃ। এতদিনে তৃপ্ত চিত্ত আমার—প্রীত কণ্ঠকূহর
আমার। এতদিনে আমি ভাই লাভে ধন্য হলাম।”

“আর আমিও আপনার স্তায় দেব-গুণবান মহৎ-মহান্
প্রাণ বন্ধাধিপকে ভ্রাতৃ সম্বোধনে বরণ্য হলাম। কিন্তু দুর্ভাগ্য
আমার, আজ ভ্রাতৃ-প্রীতিলাভের দিনে এ অন্তর—এই মন্দির
আনন্দ-প্লাবনে অভিসিক্ত করতে পারলাম না।”

“বাংলার প্রধান সেনাপতি তুমি, তোমার আশাপথ-ভঙ্গের
কারণ ?”

“কারণ—মসীময় বিপদরাশি আপনাকে গ্রাস করতে ছুটে
আসছে।”

“এ বিপদ-বাহী কে ?”

“আলিবর্দী !”

“বিপদ যে অচিরে আমার গ্রাস করতে আসবে, তা আমি
জানি। কিন্তু আমার আজ্ঞাধীন নফর আলিবর্দী যে বিপদ-মূর্তি
ধারণে প্রভুর বিরুদ্ধে অগ্রসর হবে, তা বুঝি নাই। শোন
বিজয়সিংহ ! স্বর্ণ-মণি-মালা-মণ্ডিতা—শত সহস্র নদ নদী পর্বত-
শোভিতা—লক্ষ শত কীর্তি-কিরীটিনী, বীর-বীরাকনা-প্রসবিনী—
স্বর্গ-স্বরূপিণী সুবিশাল-অঙ্গ ভারত-ভূমির অর্ধ-অধিপতি
আমি। এ হতে আর সাধনার—প্রার্থনার মানবের আর

কিছুই থাকতে পারে না—আমরও কিছুই নাই। এখন শুধু ইচ্ছা আমার বীর-ব্রতের সাধনা—রণ-মৃত্যুর বাসনা—ইতিহাস-বক্ষে বীরনাম রক্ষণের প্রার্থনা। সে আশাও আজ আমার অদূরাগত। তবে বীর আমি—কম্পী আমি—রাজা আমি। শুধু শুধু নিষ্ক্রিয় দেব-নির্ভরশীল অকর্মণ্যের বৃত্ত—পশুর মত মরবো না। পুরুষাকারে জলে উঠে—বীরের গর্বে মেতে উঠে—নবাবের তেজে তেতে উঠে—যুদ্ধ করতে করতে নবাবের মহিমায় ডুববো।”

“সহকারী সেনাপতি?”

“নবাব!”

“তুমি যাও, সারা রাজ্যে এই মুহূর্তে অল্পচর প্রেরণ কর—আগ্নেয়াস্ত্র নির্মিতাগণের আহ্বানে। গুরু পারিশ্রমিক দানে তাদের অস্ত্র নির্মাণ কাধ্যে নিয়োগ কর। অচিরে শূন্য অস্ত্রাগার পূর্ণ করা চাই।”

নীরব অভিবাদনে সহকারী সেনাপতি বালক-বীর কক্ষত্যাগ করিল। নত নেত্রে নম্র স্বরে বিজয়সিংহ বলিলেন,—

“কিন্তু অস্ত্র নির্মাণে বিপুল অর্থের আবশ্যক। রাজকোষাগার এ বিপুল অস্ত্র-নির্মাণ ও সৈন্য ব্যয়ভার বহনে সক্ষম হবে না।”

“এ অর্থের অনাটন পূর্ণ করবে শেঠ-ধনাগার। তুমি এই মুহূর্তে স্বয়ং আমার দূতরূপে শেঠ-সদনে গমন করে, দ্বাদশ কোটি স্বর্ণ-মুদ্রা আমার নামে প্রার্থনা করবে।”

“সে কি! এ অত্যাচার।”

“এ ন্যায় আচার। জগৎশেঠের নিকট আমার পিতার সাত-

কোটি স্বর্ণ-মুদ্রা গচ্ছিত আছে। সেই সাত কোটি টাকা আর কর্জ স্বরূপ পাঁচ কোটি টাকা চাইবে।

“যদি অর্থ প্রদানে অসম্মত হন, জগৎশেঠ ?”

“আনার নায্য প্রাপ্য অর্থ প্রদানে অসম্মত হলে বুঝবে, তিনিই আলিবর্দীর নিমন্ত্রণকারী। যদি রাজার বিপদে মহা-ধনবান জগৎশেঠ পাঁচ কোটি অর্থ প্রদানে অপারগ হন—তাহলে বুঝবে—আলিবর্দার শত্রু বর্ধনে তার অর্থ ব্যয়িত। তাহলে সেই দণ্ডেই তাকে বন্দী করে দরবারে হাজির করবে। জেনো—জগৎশেঠ বাংলার শাদুল। সুযোগ বা সময় দিলে তাকে আর সহজে বন্দী করতে সম্মত হবেন না। তড়িতে—চকিতে বঙ্গকুবের বঙ্গেশ্বরকে বন্দী করা চাই-ই।

জেনো বীর, এই জগৎশেঠ-ই এ চক্রান্তের একমাত্র চক্রী।”

* সূজাউদ্দৌলা কেন যে শেঠ-ধনাগারে সাত কোটি টাকা গচ্ছিত রাখেন, তাহার হেতু ইতিহাসে উল্লেখ নাই। তবে সাধারণ জ্ঞানে অনুমিত হয়, পুত্রের নাবালকত্বে জগৎশেঠ-করেই এই বিপুল অর্থ গচ্ছিত রাখেন। কারণ, সরফরাজ ব্যতীত পূর্ববর্তী নবাবগণ জগৎশেঠকে বিশ্বাস করিতেন—মাগু করিতেন,—এমন কি অভিশব্দকস্বরূপ জ্ঞান করিতেন। সেই সূত্রে এই অর্থ জগৎশেঠেরই নিকট তীক্ষ্ণবুদ্ধিশালী নবাব সূজাউদ্দৌলার পুত্রের ভবিষ্যৎ প্রলভে গচ্ছিত রাখা অবিদ্যাত্ত বা অসম্মত কল্পনা নয়।

একাদশ পরিচ্ছেদ

ঐ—ঐ—ঐ—ঐ যে আকাশে - ঐ যে বাতাসে মিশিয়ে
 আলোক-অঙ্গে—রূপ তরঙ্গে—লহর-রঙ্গে ঐ যে ছুটে চলেছে
 সতী। এস—এস সতী, যেও না যেও না! তোমার পাপী
 ভাগী স্বামীকে ত্যাগ করে যেও না সতী। ওকি! ওকি
 ভ্রমণী! ওকি রোষাঘ্নি নয়নে বদনে তোমার! ওকি অগ্নি-
 বলক বলসিত সারা অঙ্গে তোমার! সম্বরণ কর সম্বরণ কর
 সতী ও রোযানল। একবার সদয়া হয়ে অভয়া মূর্তিতে দেখা দাও!
 আর তোমায় বিধবা বলবো না—আর তোমায় অনাদর করবো
 না গৃহলক্ষ্মী! একবার মার্জনা কর—একবার এস—সোহাগে
 আদরে তোমায় হৃদয়ে ধরে রাখবো—এস—এস সতীরানী।”

“ভিষকরাজ। ঐ শুনুন, ঐ শুনুন, আবার সেই প্রলাপ উক্তি।
 দিনান্তেও তার সহজ সংজ্ঞা নাই, সদাই অচেতন—সদাই এ
 প্রলাপ বচন। হে বৈষ্ণরাজ, যদি আমার সম্ভানকে সুস্থ
 প্রকৃতিস্থ করিতে পারেন, তাহলে আপনার ইষ্টক-হর্ম্য, স্বর্ণ-
 রৌপ্যে মণ্ডিত করে দেব!”

“কিন্তু শেঠজী, আপনার পুত্রকে আরোগ্য করতে এক
 দেবতা, আর, না হয় সেই দেবী-তুল্যা আপনার পুত্রবধূই
 পারেন। আমার শক্তির বহির্ভূত। সতীর কোমল-করস্পর্শে—
 সতীর চিত্ত শান্তিতে—এ ব্যাধির শান্তি হতে পারে—নতুবা নয়।”

“আমিও তা বুঝেছি বৈষ্ণৱরাজ। বুঝে চতুর্দিকে বহু চর, বহু দূত, বহু বন্ধু বান্ধব প্রেরণ করেছি—সেই সতীর সন্ধানে। কিন্তু দিনের পর দিন গত, আজও তার সন্ধান নিয়ে কেউ প্রত্যাবর্তন করলে না। আজ বুঝেছি—সতীর তপ্ত দীর্ঘশ্বাস—সতীর অশ্রুপাত যুগে যুগে ব্যর্থ হয় নাই—ব্যর্থ হবেও না। সতীর অভিশাপে দেবতা রামচন্দ্রও আত্ম-বিস্মরণ হয়েছিলেন। আমি তো তুচ্ছাদপি তুচ্ছ মানব—আমি কেমন করে সেই সতীর প্রবল রোষানল ধারণ করবো।”

“সত্য বলেছেন শেঠজী। কিন্তু এ জ্ঞান পূর্বে প্রাপ্ত হলে আজ পুত্র-প্রাণনাশঙ্কায় আর্তনাদ করতে হতো না। এখন আকুল প্রাণে দেবতার স্মরণ করুন। দেব-করুণা ব্যতীত অথবা সতী-প্রীতি ব্যতীত অন্য ঔষধ আর নাই।”

এমন সময়ে জনৈক পরিচারিকা চঞ্চলপদে ব্যাকুলভাবে কক্ষে প্রবেশ করিল। তাহাকে দেখিয়া বিরক্তিভরে জগৎশেঠ জিজ্ঞাসা করিলেন,—

“কি চাও তুমি?”

“প্রভুর সাক্ষাতে—নবাবের দূতরূপে প্রধান সেনাপতি স্বসৈন্তে প্রাসাদ-দ্বারে আপনার আগমন অপেক্ষা করছেন।”

“সে কি! স্বসৈন্তে নবাব দূত! এ আবার কি ব্যাপার! বিষকরাজ, আপনি রোগী-পার্শ্বে আমার অনাগমন পর্য্যন্ত অপেক্ষা করুন।—দেখে আসি, অস্থিরচিত্ত অত্যাচারী নবাব কি উদ্দেশ্যে কোন প্রয়োজনে সৈন্তসহ দূত প্রেরণ করেছে।”

শকা-শক্তি বক্ষে কম্পন-কম্পিত পদে শেঠজী দ্রুত কক্ষ-
ত্যাগে বহির্বাটীতে পদার্পণে দেখিলেন,—সত্যই প্রায় পঞ্চশত
সশস্ত্র অশ্বারোহী সৈন্যসহ নবাবের নবনিয়োজিত প্রধান
সেনাপতি দণ্ডায়মান। শকা সংগোপনে বিস্ময় দমনে শেঠজী
বলিয়া উঠিলেন,—

“এ কি শুভ সূর্য্যোদয় আজ শেঠের ললাটভাগে ! একি
গৌরব আজ শেঠ-ভবনের ! বাংলার দ্বিতীয় নবাবতুলা পদাসীন,
সর্বপ্রধান সেনাপতির আজ কোন মহাপ্রয়োজনে—দীনের
কুটীরে পদার্পণ ?”

“আনি আমার নিজের কোন প্রয়োজনে আসি নাই,
শেঠজী ।”

“তবে ?”

“এসেছি—নবাব-বার্তা বহনে ।”

“কি সে বার্তা ?”

“ভূতপূর্ব নবাব সুজাউদ্দৌলার গচ্ছিত সপ্ত-কোটি স্বর্ণমুদ্রা
তার পুত্র বর্তমান নবাব সরফরাজ—পিতার গচ্ছিত-অর্থ প্রত্যর্পণের
প্রার্থনা জানিয়েছেন—আর—”

“আরও আছে !”

“হাঁ। আর তিনি কর্জস্বরূপ পাঁচকোটি মুদ্রা চান। এই
ছাদশ কোটি স্বর্ণমুদ্রা এই মুহূর্তে আপনাকে প্রদান করতে হবে—
এই নবাবের আদেশ ।”

‘সহসা এ বিপুল অর্থ কেমন করে সংগ্রহ করবো ?’

“আপনার ধনাগার অফুরন্তু ।”

“সহসা এককালীন এ বিপুল অর্থের প্রয়োজন ?”

“প্রয়োজন আপনি কি অদগত নন, শেঠজী ?”

“শুনেছি, আলীবর্দী বঙ্গ-আক্রমণে অভিযান সজ্জিত করছে ; অনুমান, রণ-ব্যয়ে এ অর্থ প্রয়োজন ।”

“আপনার অনুমান ষণ্ডার্থ ।”

“কিন্তু নবাব-কোষাগার কি শূন্য ?”

“নবাব-কোষাগার শূন্য না হলেও—নবাব-অস্ত্রাগার শূন্য । শূন্য অস্ত্রাগার পূর্ণ করতে বিপুল অর্থের অচিরে আবশ্যক । চতুর্দিক হতে প্রায় লক্ষাধিক অস্ত্র-নির্মাতা এসেছে । নবাব-কোষাগারে যে অর্থ আছে, সে অর্থ অস্ত্রনির্মাণ কার্যেই নিঃশেষিত হবে । বন্দ-সংগ্রহ—সৈন্য-বেতন হয়, হস্তী ক্রয়ের জন্য আরও অর্থের প্রয়োজন ।”

“নবাবের অনন্ত আশ্বেয়াস্ত্রময় অস্ত্রাগার শূন্য হলে কিরূপ ?”

“লুণ্ঠনে ।”

“লুণ্ঠনে ! একি বিস্ময়কর কথা ? কে এমন অসীম সাহসী যত্নপ্রয়াসী—নবাব আশ্বেয়াস্ত্র-অস্ত্রাগার লুণ্ঠন করলে ?”

“আপনারই পুত্রবধু !”

“আমার পুত্রবধু ! সেনাপতি, আপনি অসীম রাজশক্তির অধিপতি । আপনি অসংখ্য সৈন্যের ভাগ্য-পতি । এরূপ রহস্য আপনার মুখে শোভা পায় না ।”

“রহস্যের অন্য আমি আসি নাই শেঠজী।”

“আমায় পুত্রবধু স্বীকৃতি ?”

“হ্যাঁ।”

“শুনেছেন, না দেখেছেন ?”

“আমার পুত্র দেখেছে।”

“কোথায় ?”

“ভাগীরথী-তীরে।”

“তার এ অস্ত্রাগার লুণ্ঠনের উদ্দেশ্য ?”

“আপনাদের অপদার্থ—হীনশক্তি জ্ঞানে নিজেই প্রতিশোধ গ্রহণ করেছে।”

“নবাবের অস্ত্রাগার একাকিনী লুণ্ঠন করতে পারে নাই। নিশ্চয়ই লোকবল তার পশ্চাতে তার সহায়ে ছিল। সে এই সহায় কোথা থেকে পেল ?”

“তা জানি না।”

“বাঃ—বাঃ। সার্থক আমি দেবী-শক্তি-সঞ্চারিনী কুললক্ষ্মী লাভ করেছিলুম।”

“আমার বিলম্বের অবসর নাই শেঠজী, উত্তর দিন।”

“অর্থ-প্রদানে বর্তমানে আমি অক্ষম।”*

* সত্যই অগণ্যশেঠ এই গচ্ছিত অর্থ সরফরাজকে প্রত্যর্পণ করেন নাই। তাহাব হেতু বোধ হয় সরফরাজের প্রতি ক্রোধ ও সরফরাজের অর্থাভাবে শক্তি হ্রাস।

“তবে আপনাকে দরবারে যেতে হবে শেঠজী।”

“সে কি বন্দীরূপে?”

“স্বৈচ্ছায় না গেলে—তাই!”

“কিন্তু অর্থ আমার নাই!”

“আমি বিচার করতে আসি নাই।”

“আমার পুত্র মরণোন্মুখ।”

“আপনার প্রায়শ্চিত্ত!”

“কিসের প্রায়শ্চিত্ত?”

“সতী নির্যাতনের!”

“আমি পুত্রকে একবার দেখে আসি।”

“সে আদেশ নাই। মাক করবেন শেঠজী।”

“তুমি সয়তান!”

“যে এক কুসুম-কোমলা কমল-কলিকাতুল্যা বালিকাকে পদ-
দলিত করে নিষ্ফেপ করতে পারে—সে কি শেঠজী?”

“তুমি দবনের গোলাম।”

“হলেও—তোমার মত পিশাচের গোলাম নই।”

“স্তব্ধ হও সেনাপতি।”

“সতী-পীড়কের রক্ত চক্ষু দর্শনে মানুষের বক্ষে শঙ্কার সঞ্চার
হবে না শেঠজী। আমি তর্ক চাই না—বাক্যও চাই না। আমি
শুধু শূন্যে চাই, সহমানে আপনি আমার অনুজ্ঞাবর্তী হবেন; না,
শৃঙ্খলাবদ্ধ করে পশুসম অশ্বপৃষ্ঠে বাহিত করে নিয়ে যেতে
হবে, তাই জানতে চাই।

“উত্তম, চল। কিন্তু জেনো সেনাপতি, জগৎশেঠ শৃগাল নয়, কেশরী! দিল্লীশরের অভভেদী শিরও এই জগৎশেঠের নিকট আনত। একদিন না একদিন এই বৃদ্ধ কেশরীর হুকুম নিনাতে মূচ্ছিত হবে— যখন গোলাম।”

দ্বাদশ পরিচ্ছেদ

“কাজটা ন্যায়সঙ্গত হয় নাই, জাঁহাপনা।”

“ন্যায় অন্তায় বিচারকর্তা প্রজা নয়—রাজা। এ কথাটা বৃদ্ধকে স্মরণ করিয়ে দেওয়া অন্তায় হলেও অনুপায়ে এই অন্যায় করতে হচ্ছে উজীর!”

“কিন্তু আমি উজীর—মন্ত্রণা দানই আমার কর্তব্য কর্ম।”

“তোমার মন্ত্রণার প্রার্থী তো আমি হই নাই উজীর!”

“না হলেও, রাজ্যের শ্রেষ্ঠ ব্যক্তি হিসাবে—রাজার শুভা প্রজা হিসাবে—রাজ্যের মঙ্গলামঙ্গলে—রাজার কর্তব্য-অকর্তব্য কর্মের আলোচনা বা মন্ত্রণাদানের অধিকারও কি আমার নাই বঙ্গেশ্বর?”

“আছে। কিন্তু সে আলোচনা সে মন্ত্রণা গূঢ় গভীরতময় হ'লে।”

“সেই গূঢ় উদ্দেশ্যে—সেই গভীর চিন্তাতেই বলছি, দিল্লীশ্বর-

মানিত—বঙ্গ-বিহার-উড়িষ্যার পূজিত—লোকমান্য ধন-পতি
জগৎশেঠকে অপमानে দরবারে আনয়নের আদেশ দান—সসৈন্তে
সেনাপতিকে প্রেরণ আপনার অনুচিত হয়েছে।”

“তবে কি তুমি বলতে চাও—শঙ্কায় সেই ধনপতির পূজা
করতে? প্রজার পূজা রাজা যদি করে, তার চেয়ে রাজদণ্ড
পরিত্যাগ করাই শ্রেয়ঃ।”

“মানীর মান্য বর্ধন—রাজারই কর্তব্য। গুণীর পূজা—রাজারই
নীতি। বিচার সন্মান-দান—রাজ-বিধান।”

“আমি তো সে মান্য-দানে কৃপণতা করি নাই। আমি
কেবলমাত্র আমার ন্যায়তঃ ধন্যতঃ প্রাপ্য পিতৃ-গচ্ছিত সাতকোটি
স্বর্ণমুদ্রা ও কর্জস্বরূপ পাঁচকোটি—এই দ্বাদশ কোটি স্বর্ণ-অর্থ
প্রার্থনায় প্রেরণ করেছি, বিজয়সিংহকে। অর্থ-প্রদানে অসম্মত
হলে, তখন দরবারে আনয়নের আদেশ আছে।”

“এককালীন এ বিপুল অর্থ প্রদানে শেঠজী অপারক হতে
পারেন।”

“এই অনুমান—এই ধারণা—এই কল্পনা নিয়ে তুমি বঙ্গ-
বিহার উড়িষ্যার উজীর হয়েছ? তুমি উজীর, সে শুধু একটা
দরবারের সজ্জিত গচল শোভা মাত্র। নদী গর্ভ হতে শতকোটি
মানব অবিরাম করছে বারি পান—অবিশ্রান্ত বহন করছে তার
নীর—তবুও বারি-বাহিনীর বক্ষ পূর্ণ—তবুও তার অঙ্গ-পরি-
পূর্ণায়ত। সেইরূপ জগৎশেঠের ধনাগার অনন্ত ঐশ্বৰ্য্যে সদা
পূর্ণ। দ্বাদশ-কোটি অর্থে তার ধনাগার শূন্য হবে না—হতে

পারে না। এই যে—এই যে শেঠজীকে নিয়ে এসেছ বিজয় সিংহ। আসুন শেঠজী, আসুন। শৃঙ্খলহীন অবস্থায় আপনার আগমনে বড় প্রীত হলাম।”

“আমায় এ ভাবে অপমান করবার হেতু কি বঙ্গেশ্বর ?”

“অপমান! অপমান কে করেছে শেঠজী? আপনি ধনপতি—এ জগতে ধন আছে যার, সবইতো তারই আজ্ঞাধীন।”

“এ শ্লেষ উক্তি বুদ্ধের প্রতি প্রযোজ্য—বড় নিন্দনীয় নবাব!”

“সহজ সরল সত্য বাক্য শ্লেষরূপে গ্রহণ করাও বুদ্ধের নিকট বড় নিন্দনীয়।”

“এ শ্লেষ নয়তো কি নবাব? জগৎশেঠ জগৎপূজা—যার সম্মান আপনার পূর্ববর্তী বঙ্গাধিপতিগণ সর্ব সময়ে সর্বতোভাবে করে এসেছেন, সেই জগৎশেঠকে আপনি বন্দী করে হীন অপরাধীর ন্যায় দরবারে আনয়নের আদেশ করেছেন।”

“আপনি ভুল বুঝছেন শেঠজী। আমি কেবল মাত্র আমার প্রাপ্য অর্থ প্রার্থনা করেছি। কর্জের অর্থ দেওয়া না দেওয়া অবশ্য আপনার ইচ্ছাধীন! দেওয়ার রাজপ্রীতির পরিচয়—না, দেওয়ার রাজ-অপ্রীতির প্রকাশ হলেও অপরাধী হ’তে পারেন না। কিন্তু আপনি আমার ন্যায়তঃ প্রাপ্য অর্থ প্রদানে বাধা। সেই অর্থ প্রদানে অসমর্থ হ’লে তখন আপনাতে অপরাধ স্পর্শাবে—তখন অপরাধীরূপে আপনাকে বিচারার্থে, অপরাধীরূপে দরবারে আনয়নে আদেশ করেছি। আপনি আমার প্রাপ্য অর্থ প্রদান সত্ত্বেও—যদি আপনার ন্যায় মহা অর্থ-পতিকে অসম্মাননায়

দরবারে সেনাপতি আনয়ন করে থাকেন—তবে মানীর অযথা
মাগনাশে সেনাপতি অবশ্য অভিযুক্ত হবেন।”

“আপনার পূর্ববর্তী নবাব আমার নিকট সাত-কোটি টাকা
গচ্ছিত রেখেছিলেন—এ কথা সর্বজন বিদিত। কিন্তু এ বিপুল
অর্থ সহসা সংগ্রহ করা সময় সাপেক্ষ।”

গচ্ছিত দ্রব্যাদি বা ধনসম্পত্তি ব্যয়িত করার অধিকার কারও
থাকে না। সে হিসাবেও আপনি নিরপরাধী। আমি রাজা—
সেই অপরাধ বিচারে অপরাধীর আহ্বান বা অররাধীর দণ্ড
বিধান—অত্যাচারের নামান্তর হয় না শেঠজী। সুতরাং আপনি
অর্থ প্রদান না করলে আমায় অপরাধের বিচার করতে হবে—
অপরাধ অনুযায়ী অনুশাসন করতে হবে—অর্থপ্রাপ্তির উপায়
উদ্ভাবন করতে হবে।”

“আমার পুত্রের জীবন-নাশক ব্যাধির জন্ত বহু অর্থ ব্যয়িত
হওয়ায় ধনাগার আমার শূন্য।”

“আপনারা সভাস্থ সকলে শুনুন। শেঠজী স্বয়ং সুস্থচিত্তে
স্বীকার করছেন—তার ধনাগার শূন্য। উত্তম, ধনাগারে
আমার প্রয়োজন নাই। বিজয়সিংহ, শেঠজীর ধনাগার যখন
অর্থহীন, তখন তুমি শেঠ-বাস-ভবনের দ্রব্য-সত্তার বিক্রয়ে সপ্ত
ক্রেড় টাকা সংগ্রহ কর।”

“নবাব, আমার শুভ্রোজ্জল যশোশ্রীর অঙ্গ অপমাননায়
কালিমা-মণ্ডিত, দীপ্তি-হীন, জ্যোতিহীন করবেন না।”

“ইচ্ছা না থাকলেও আজ করতে হচ্ছে শেঠজী। নতুবা

উপায় নাই। আসন্ন সময়—বিপুল অর্থের প্রয়োজন—তাই এইরূপ পন্থা গ্রহণ। আর এ পন্থা অবলম্বনে আমার কোন নিন্দা নাই।”

“তাই যদি হয় নবাব, আমার রত্ন-সম মূল্যবান বিলাস দ্রব্যাদি বিক্রয়ে অর্থ সংগ্রহের সঙ্কল্প যদি করে থাকেন—তাহলে প্রাসাদ-শোভা-বর্জক দ্রব্যাদি বিক্রয়ের প্রয়োজন নাই। তাহলে আমি স্বয়ং আমার নিজ ব্যবহার্য্য বহুমূল্য রত্ন আভরণ—মুক্তা-ভূষণ—কনক-কেতন প্রভৃতি বিক্রয়ে অর্থ প্রেরণ করছি।”

“তা’হলে আপনার অন্তঃপুরললনাগণের আভরণ—আপনার প্রাসাদের অঙ্গ-ভূষণ—আপনার হেম-হর্ম্যের হেম-পুতলি প্রভৃতিব মূল্য এমন শত ত্রি-সপ্ত কোটি হতে পারে শেঠজী?”

“পারে।”

“তাই বলুন। আর আপনিও এই কথা শুনুন সচৌক। তা’হলে বিজয়সিংহ, শেঠজীর সমুদয় দ্রব্য-সম্ভার আভরণ-রতন-ভূষণ সংগ্রহে বিক্রয় কর। তাহলে আপনার আর অর্থের জ্ঞা চিন্তা নাই।”

“একি অন্তায় আদেশ নবাব!”

“রাজার বিপদে প্রজা অর্থ দেবে, এর আর অন্তায় কি?”

“রাজার বিপদে সাহায্য করা না করা প্রজার ইচ্ছাধীন। প্রজার স্বাধীন ইচ্ছায় রাজার হস্তক্ষেপের অধিকার নাই।”

“রাজার বিপদে প্রজা হাশ্র-লাশ্রের লহর তুলবে—উচ্ছাস উল্লাসের উৎস ছোটাবে—আর রাজা তাদের দণ্ড-মুণ্ডের কর্তা

হয়ে শ্লানমুখে তাদের সেই উল্লাস বন্ধনের জন্ত সুযোগ সুবিধা অর্পণ করবে, শেঠজীর এই বিধান—কেমন ?”

“ভক্তি প্রীতি প্রেম ;—শক্তিতে আহরিত হয় না।”

“মানুষের কাছে হয় না! কিন্তু সয়তানকে বশীভূত করতে গেলে চাই নিশ্চয়তা—চাই নিষ্করতা—চাই কঠোরতা।”

“সয়তান কে ?”

“আপনি !”

“আমি ?”

“হ্যাঁ, আপনি !”

“এ অপমান-বাণী আর কখনও ঐ সিংহাসন থেকে উচ্চারিত হর নাই।”

তখন সয়তানেরও আবির্ভাব হয় নাই। আজ সয়তানের উৎপত্তি হয়েছে—তাই এ বাণী ধ্বনিত হচ্ছে। বলতে পারেন শেঠজী, সামান্য ভৃত্য হয়ে—নগণ্য ব্যক্তি হয়ে, ধনহীন সৈন্যহীন বলহীন আলিবর্দী এ অর্থবল—সৈন্যবল কোথা থেকে সংগ্রহ করলে ?—এ অসম্ভব সম্ভবের ইচ্ছা কেমন করে সহসা উদ্ভিত হলো ?”

“পুরুষকারে সবই সম্ভব হয়।”

“তাই আমিও পুরুষকার অবলম্বনে চেষ্টা করে দেখি—হৃদি আলিবর্দী-আক্রমণ প্রতিহতে রাখতে পারি বঙ্গ-সিংহাসন।

যাও বিজয়-সিংহ, অবিলম্বে শেঠ-ভবনে যাও। যাবতীয় বিলাস দ্রব্য—মণিময় মণ্ডিত আভরণ আভরণে বিক্রয় কর। তবে

পুর মধ্যে প্রবেশ করে না। তর্জন গর্জনে পুরনারীদের অন্ধ-আভরণ উন্মোচন ও আধার ভূষণ নিকাসনে প্রদান করতে বলবে। যাও, বিলম্ব করে না।”

“নবাব, আমার বাটীতে পুরুষ অভিভাবক কেহ নাই।”

“কেন, তোমার পুত্র?”

“মৃত্যু-শয্যাশায়ী।”

“আর - আর তুমি আমার বন্দী।”

“নবাব, একবার—শুধু একবার আমায় পুত্রকে শেষ দেখা দেখে আসতে দাও।”

“হা—হা—হা! শেঠজী, রাজদ্রোহীতাও একটা মহাপাপ। সেই পাপের তোমার এই আরম্ভ। শোণিত-পিপাসী পিঞ্জরাবদ্ধ কেশরীকে নিজের সংহারার্থে কেউ পিঞ্জর-মুক্ত করে দেয় না—আমিও দিলুম না।”

ত্রয়োদশ পরিচ্ছেদ

“জননী।”

“এই যে এসেছ পুত্র! আমি তোমারই আগমন আশায় আকুল অন্তরে অপেক্ষা করছিলুম। কখন এলে সর্দার?”

“এইমাত্র।”

“সংবাদ সব সংগ্রহ হয়েছে?”

“হাঁ, মা।”

“শুভ না অশুভ?”

“শুভ।”

“রাজধানীতে প্রবেশ করেছিলে?”

শুধু রাজধানীতে নয়—দরবারে পর্যন্ত প্রবেশ করেছিলুম।”

“ছঃসাহসিকের কার্য্য করেছিলে। মুর্শিদাবাদের সংবাদ কি?”

“মা, সতীর অভিশাপ দীর্ঘকাল কি কখনও বিফল—নিফল হয়? সতীর সহায় স্বয়ং শিবানী। তাই আজ তোমার স্বশুরের অর্থ-সাহায্যে পরিপুষ্ট আলিবর্দী, নবাব সরফরাজকে আক্রমণে বিপুল, বিশাল, অগণন সৈন্য সহ বঙ্গে আগত।”

“তারপর?”

“আর তোমার স্বশুর ঠাকুর—নবাবের বন্দী।”

“বন্দী! মহামান্য, সর্বজনবরণ্য, কমলার প্রিয়তম সন্তান জগৎশেঠ, নবাবের বন্দী! কোন অপরাধে পুত্র?”

“ষড়ষষ্ঠ প্রকাশে। শুধু তাই নয় মা—তার প্রাসাদও লুণ্ঠিত।”

“মর্ত্যের ইন্দ্র-ভবন তুল্য শেঠ-প্রাসাদ লুণ্ঠিত! কে এই লুণ্ঠনকারী?”

“স্বয়ং নবাব।”

“এ লুণ্ঠনও কি ষড়ষষ্ঠের অপরাধে?”

“না। আমরা অস্মাগার লুণ্ঠন করি। অর্থাভাবে সে শূন্য

অস্ত্রাগার পূর্ণ হ'ছিল না। তাই অখাশায় নবাব-আজ্জায়
প্রাসাদ তাঁর লুণ্ঠিত।”

“ওঃ, কবে—কবে হিন্দু—নবাবের অত্যাচার-কবল মুক্ত হবে
সদ্য ?”

“যেদিন হিন্দু নিজের অনন্ত শক্তির স্বরূপ বুঝবে—যেদিন
নিজের শক্তিকে বিরাট বিপুল ভাবে।”

“কবে সেই শুভ সূদিন আবার উদয় হবে ?”

“যেদিন নবাবের অত্যাচার চরম সীমা উত্তীর্ণ করবে—যেদিন
হিন্দু অন্নভাবে জীর্ণ—বস্ত্রভাবে বঙ্কল পরিধান করবে—যেদিন
তাদের নয়ন-সম্মুখে জননী, ভগিনী সহধর্মিণী ধষিতা হবে—দেব-
স্থান পদাঘাতে চূর্ণিত হবে—সেই দিন এ জাতি ক্ষিপ্ত—তপ্ত
হবে !”

“সে কলঙ্ক আর্ঘ্য-সস্থানের ললাটে আপতিত হবার পূর্বে
অতল জলধিজলতলে যেন এ হিন্দুস্থান নিমজ্জিত হয় এই
বধাতাপদে প্রার্থনা করি। তারপর আর কি সংবাদ ?”

“আর কি সংবাদ চাও না ?”

“তারপর আমার.....আমি সধবা না বিধবা ?”

“সধবা।”

“দেখা পেয়েছিলে ?”

“না।”

“তবে ?”

“শুনেছি।”

“পুত্র, ভিখারিণী জননী আমি তোমার পুরস্কার আর কি দেব, শুধু অন্তরের আশীর্বাদ গ্রহণ কর।”

“তোমার আশীর্বাদই যে আমার ত্রিদিবের ঐশ্বর্য। তোমার আশীর্বাদ ভিন্ন এ দীন সন্তান আর কিছুই চায় না।

তারপর শোন মা, প্রত্যাবর্তনকালীন—কোতূহলে গেলুম আমাদের পরিত্যক্ত সেই অরণ্যগাণী মধ্যে। কিন্তু সে অরণ্য দর্শনে বুঝলুম—নবাব-সৈন্য সেখানে পদার্পণ করে নাই। করলে—নবাব-সৈন্য-পদ-চাপে অরণ্য দলিত মথিত, লতা-গুল্ম ভূ-লুপ্তিত হতো। দেখলুম, ধনরত্নও পূর্বস্থানেই—পূর্ববৎ ভাবেই আছে। তারপর তোমার নির্দেশিত স্থান খননে, তোমার আভরণ-রাজি নিয়ে এলুম—তোমারে আজ জগৎ-জননী সাজে সাজাতে। আজ এই হেম আভরণরাজিতে একবার সাজ মা, হরমোহিনী মূর্তিতে ; আজ দেখি একবার মূর্তিকা নির্মিত প্রতিমা সুন্দর—কি আমার এই সজীব মা সুন্দর !”

“বৃক্ষতলবাসিনীর অলঙ্কার কণ্টক, লতা! প্রতিহিংসা-পরারণা রমণীর আনন্দ—অরাতি রুধির দর্শনে ; নথাধাতে হৃৎপিণ্ড উৎপাটনে। পতি-পরিত্যক্তার শোভা সৌন্দর্য্য—বন্ধল পরিধানে ; ভঙ্গ বিলেপনে। যেদিন প্রতিহিংসা-ব্রত উদ্যাপন হবে, সেদিন তৃপ্ত প্রতিহিংসায় উল্লাসে অটুহাশ্র করবো—আনন্দে ঘোর রোলে করতালি দেব। সেইদিন—সেইদিন তোমার মণিময় আভরণ অঙ্গে পরে স্বামীর উদ্দেশ্যে শেষ প্রণাম করবো। এখনও আভরণে অঙ্গ শোভিত করবার শুভ সময় আসে নাই পুত্র। এখন আমাদের

সম্মুখে কঠোর কর্তব্য দণ্ডায়মান। এখন আমাদের উদ্দেশ্য-পথ
কণ্টক-বিস্তীর্ণ। এখনও আমাদের প্রতিজ্ঞা অপূর্ণ।

শোন পুত্র, এইবার মহানুযোগ দেব-কৃপায় আমাদের
সম্মুখে সমাগত। এ সুযোগ দুর্বলতায়—অলসতায়—অবসাদে
অবহেলায় হারালে, সারা জীবনে আর তার পূরণ হবে না। যদি
সতীর মঙ্গল প্রার্থনার মূল্য থাকে—যদি জননীর আশীর্বাদ
গ্রহণের আন্তরিক অভিলাষ থাকে—তবে শোন পুত্র আদেশ
আমার, ঐ অরণ্যস্থিত অতুল অর্থে চতুর্দিক হতে রসদ সংগ্রহ কবে
এক স্থানে সঞ্চিত কর। আগ্নেয়াস্ত্রে তোমার সহচরদের সু-শিক্ষিত
কর—আয়ুধ-সংখ্যা বার্কিত কর। তোমার শমন-সম অল্পচরদের
মরণে নিঃশব্দ—যুদ্ধে নির্ভীক কর; তাদের উৎসাহিত উত্তেজিত
উদ্দীপিত কর; যেন তারা অচল অটল পর্বতের স্থায় স্থির থেকে
শত্রুর অস্ত্রঘাত ব্যর্থ করতে সক্ষম হয়—যেন তারা জননীর
প্রতিজ্ঞা পালনে—জীবন দানে কাতরতায়, বেদনার স্ত হয়ে না
পড়ে—এই আমার আদেশ।”

চতুর্দশ পরিচ্ছেদ

“সৈন্যগণ, ছুটে চল সাগর-তরঙ্গের মত - মেতে ওঠো বিপুল
পুলকোচ্ছাসের মত—দীপ্ত হয়ে ওঠো অনলের মত। কর
আক্রমণ তোমাদের নবাব-অরি—কর রক্ষা তোমাদের উদার
প্রতুর মহান্ মান—মহৎ প্রাণ।

এ কি ! কেন হেন ভাব ! কেন হেরি ত্রিয়মাণ—! কণ্ঠে কেন নাই কেশরী-হুকার ! অস্ত্রে কেন নাই উচ্চ-ঝকার ! একি বিপরীত ভাব দেখি নয়নে বদনে তোমাদের ?”

“হে বীর, আপনি আমাদের বর্তমান আদেশদাতা হলেও আপনি আমাদের শিক্ষাদাতা গুরু নন। আমাদের শিক্ষাদাতা গুরু ঐ দেখুন,—বিপক্ষ বাহিনী সম্মুখে ক্ষীণবক্ষে—উন্মুক্ত করাল করবাল-করে—মধ্যাহ্ন-তপন-তুল্য দগ্ধায়মান। সেই গুরুর বিরুদ্ধে—সেই শিক্ষাদাতার জীবন হননে কাতর অন্তর—কম্পিত কর আমাদের।”

“এই যদি হয় এ নিরুৎসাহের কারণ—তবে অবিলম্বে সে কারণ দূরে অপসারিত করছি। দ্বৈরথ সমরে সংহার করবো—ঐ কৰ্ম-চ্যুত প্রভুদ্রোহী সেনাপতি ওমরআলিকে—দূর করবো তোমাদের নিষ্প্রাণতার হেতুকে !”

বীরেন্দ্র-কুল-ভূষণ, নরকুল-কেতন নবাব-সেনাপতি বিজয় সিংহ, কৰ্মচ্যুত নবাব-সেনাপতি—বর্তমান বিপক্ষের প্রধান সেনানায়ক ওমরআলির বধাশায় হতাশন ভেজে, প্রভঞ্জন বেগে অঙ্ক ছুটাইলেন।

ভঙ্কারোচ্ছ্বসিত কণ্ঠে বিজয়সিংহ ডাকিলেন,—

“প্রভুদ্রোহী ওমর আলি, আজ তোমার অন্তিম দিন। ঈশ্বর আহ্বানের ইচ্ছা যদি থাকে—ডেকে নাও। দেবতার ভৃত্য আমি—অনুদার নই—সময় দিচ্ছি।”

শ্লেষ-তীব্র হাঙ্গে, তাচ্ছিল্য নিৰ্ঝরিত স্বরে ওমর বলিলেন,—

“যারা পর-পদানত, যারা বেতনভোগী ভৃত্য, তাদের মুখে উদার বাক্য—শিশুর মুখে ধর্মকথার মত। মৃত্যুর পূর্বক্ষণে, মানব-বুদ্ধি এমনিই বিকৃত হয়। তোমারও তাই হয়েছে।”

“এ রাজ্যের প্রতিষ্ঠা এই হিন্দুরই বাহুবলে। প্রথম ভারতবর্ষে মাড়বার পতি জয়চাঁদ করেছিলেন মুসলমানের আহ্বান—প্রতিষ্ঠা পরিস্থাপন। আর বাংলার লক্ষ্মণসেন-সেনাপতি পশুপতি করে ছিলেন—মুসলমান-বীজ বপন। সেই বীজ আজ ফলে ফুলে মহা মহীকুহে ব্যোমস্পর্শে মাথা তুলে দাঁড়িয়েছে—সে শুধু হিন্দুর বক্ষ রুধিরে পরিবর্দ্ধিত—পরিপুষ্ট হয়ে। আর আলিবর্দীর এই বঙ্গে আগমন—এই রণ-আয়োজন—তোমায় সেনাপতি পদে বরণ—এই হিন্দুই করেছে তার ভিত্তি গঠন! সেই হিন্দুর নিন্দাবাণী উচ্চারণে—মানুষের হৃদয় যদি হতো, তাহলে বক্ষ বিকোম্বিত হয়ে উঠতো। হিন্দু-নিন্দক, তোমার অযথা নিন্দার ফল গ্রহণ—আর হিন্দুর বাহুবল প্রত্যক্ষ দর্শন কর।”

উভয় বীরে দ্বৈরথ সমর বাধিল। উভয়ের অস্ত্র ঠনঠনির ঝঙ্কার—উভয় বীরের বজ্র-আরাব তুল্য ভঙ্কারে রণস্থল বিকম্পিত হইয়া উঠিল। উভয় পক্ষই নিরুদ্ধ গতিতে—নিরুদ্ধ অস্ত্রে সে অপূর্ব রণ দেখিতে লাগিল। আলিবর্দী স্বয়ং দূর হইতে সে দৃশ্য দেখিতে লাগিলেন।

দাণ্ডিক, আত্মসুরী পাঠান সেনাপতি, শুধু গর্কে দর্পে বিজয়-সিংহের বক্ষ-বিদারণেই সতত চেষ্টিত, কিন্তু আত্ম-প্রাণ রক্ষণে নিশ্চেষ্ট। এই নিশ্চেষ্টতাই তাঁর কাল হইল। অচিন্ত্য যুদ্ধ-

প্রারম্ভেই বিপক্ষের প্রধান সেনাপতি ওমর আলির পতন হইল। তৎদৃষ্টে উভয় পক্ষই সরোষে সতেজে সবেগে অস্ত্র নিষ্কাশন করিল।

বিজয়সিংহের বাহিনী ছিল পশ্চাতে—তিনি ছিলেন অগ্রে। ওমর-আক্রমণে ভবিষ্যৎ চিন্তা বিরহিত হইয়া আরও অগ্রবর্তী হইয়াছিলেন।

স্বীয় সেনাপতি হস্তারক বিজয়সিংহকে আক্রমণে এক-কালীন বহু তরবার বন্ বন্ শব্দে পিধান মুক্তে শূণ্ডে উত্থিত হইল। তথাপিও বীর বিজয়সিংহ পলায়নে স্বীয় বাহিনীর মধ্যে আশ্রয় গ্রহণ করিলেন না। সম-সাহসে, সমদাঢ্যে নিষ্কাশিত অস্ত্র করে দণ্ডায়মান রহিলেন। আলিবর্দীর বাহিনী এই সুযোগে বিজয়সিংহকে জালাবদ্ধ কেশরীর স্তায় পরিবেষ্টনে, স্বীয় প্রভুর প্রতিশোধ—বিজয়সিংহের বক্ষদীর্ঘে গ্রহণ করিল। যুদ্ধ প্রাক্কালেই উভয় পক্ষের প্রধান সেনাপতিদ্বয়ের পতন হইল। বিপক্ষ বাহিনীর সেনাপতি ওমর ভূ-লুপ্তিত হইলেও সৈন্তদল নিরুৎসাহিত হইল না। সেই মুহূর্ত্তেই মহা বিচক্ষণ আলিবর্দী নূতন সেনাপতি নিয়োগ করিলেন। স্বয়ং উত্তেজনা উৎসাহদানে সৈন্ত-হৃদয় আশান্তিত অনুপ্রাণিত করিয়া তুলিলেন।

কিন্তু কাণ্ডারীহীন নবাব-বাহিনীর অধিকাংশ সৈন্তই উৎসাহ-বিহীন, নিরাশা-নির্পাড়িত হইল

পঞ্চদশ পরিচ্ছেদ

“এখন আর এ অশ্রু কেন বঙ্গেশ্বর ? তবে হাঁ, এখনও উপায় আছে, যদি সন্ধি করেন। যদি আলিবর্দীর স্বাধীনতা ঘোষণা করেন যদি তাঁর ব্যয় বহন করেন।”

“কি বললে উজীর ! জীবনাশঙ্কায়, প্রাণ-প্রিয় পশুর মত, আত্মবাহী ভৃত্য আলিবর্দীর নিকট দীনভাবে—নতশিরে যুক্ত হুই করে করুণা-কণা ভিক্ষা চাইবো ! এত হীন নয় বাংলার নবাব। আমি সেই সতীর—আমার মাতার অভিশাপ সফল করবো। সমরাস্রগে—প্রহরণ-উপাধানে—নর-বক্ষ-রক্তসিক্ত যুদ্ধিকায় শয়নে ইতিহাস পৃষ্ঠায় বীরনাম খোদিত করবো। রাজ্য সিংহাসনের জন্য এ অশ্রু নয়—নিজের জীবনের জন্যও এ অশ্রু ঝরে নাই উজীর।”

“তবে ?”

“তবে, কেমন করে—কি ভাবে—কোন ভাষায় এ অশ্রু নিদারুণ বাণী—মাতৃহীন, পিতৃভক্ত বিজয়সিংহের কোমল কমল কোরকতুল্য বালক পুত্রকে শোনাব—কি করে তার শিশু সরল হৃদয়ে শেলাঘাত করবো, এই চিন্তায়—এই কল্পনায়—এই বেদনায় কাতর আমার চিত্ত—নেত্র আমার সিক্ত।”

“তাহলে জ্বলন্ত অনল প্রজ্বলনে ও নয়ন-নীল শুষ্ক করে ফেলুন বঙ্গেশ্বর,—আমি শুনেছি।”

“এই যে এসেছ ! এসেছ প্রিয় আমার—ভক্ত আমার—বন্ধু আমার ! নিষ্ঠুর নবাবের নিষ্ঠুরতা বিস্মরণে—অপরাধ মার্জনে এসেছ তুমি স্বর্গের সৌরভ-বাসিত, অমর-সেবিত, অমিয় অমর-পরাগ ? হে উদারতার মূর্ত্ত-মূর্ত্তি, আমিই তোমার পিতৃ-হত্যার উপলক্ষ ; অপরাধীকে অভিশাপ অনলে আর দগ্ধ করো না—তার জীবন আর জালাময় করে তুলো না।”

“কোন মধুর ভাষায় এ অপরাধের মার্জনা-বাণী উচ্চারণ করবো, কল্পনা যে তা আঁকড়ে উঠতে পারছে না নবাব। কোন ভক্তের মহিমায় এ অপরাধের পূজা করবো—ধারণা যে তা ধরতে পারছে না প্রভু ! আপনার ক্রায় মহান অপরাধীই ;—অনামা, অজানা ব্যক্তির পুত্র আমি,—আমায় করেছে আজ সর্বজন সমাদৃত—বঙ্গ-বিখ্যাত ইতিহাস-প্রসিদ্ধ কীর্ত্তিমান, প্রতিষ্ঠাবান পুরুষ-সিংহের পুত্র। আপনার এই অপরাধ—আমায় আজ করেছে, দ্বিতীয় বঙ্গেশ্বরতুল্য সম্পূজিত সম্মানিত . বঙ্গ-বিহার-উড়িষ্যার সর্বশ্রেষ্ঠ সেনাপতির তনয়। আজ আপনার এই অপরাধ আমায় করেছে বীরের সন্তান। এ মন, প্রাণ, শক্তি, শৌর্য্য, বক্ষ-শোণিত দেহের সামর্থ্য সবই তো আপনার পদে পূর্বেই উৎসর্গীকৃত, তাই ভাবছি—আজ কি দিয়ে কোন ভাবে আপনার অপরাধের পূজা-উপচার অর্পণ করবো ! আজ পিতার মণা-কীর্ত্তি-কাহিনী, মার্ত্তণ্ডতুল্য যশোপ্রভা, সাগর-শক্তি-সংঘাতিত বীরত্ববাণী শুন্ছি—আর আনন্দে গর্বে আমার ক্ষুদ্র বক্ষ—প্রভঞ্জন-আঘাতিত বারিধির ক্রায় মুহঃমূর্ছঃ স্ফীত

হয়ে উঠছে। ইচ্ছা হচ্ছে, এই আনন্দদাতা—গৌরবদাতা; নবাব-পদে লুণ্ঠিত হয়ে পড়ি। ইচ্ছা হচ্ছে, অবিরাম দেব নামের স্তায় উচ্চৈঃস্বরে বলি,—আমি বীর বিজয়সিংহের পুত্র—আমি বঙ্গ-বিহার-উড়িষ্যার প্রধান সেনাপতি বিজয়সিংহের পুত্র—আমি প্রভুভক্ত, রণ-মৃত, রাজ্যচ্যুত বিজয়সিংহের পুত্র।”

“আমিও যে দিশেহারা হয়ে পড়লুম। আমিও যে বুঝতে পারছি না—স্বর্গ ঐ উল্কে না এই মর্ন্ত্যে। বুঝতে পারছি না, কোন ভাষায় তোমায় অভিভাষিত, অভিব্যক্ত করবো—কোন আনন্দ অবদানে তোমায় অভিবাদিত অভিনন্দিত করবো—কোন কল্পনার তোমার অনুমেয় চরিত্রের উপমা দেব! অদ্ভুত! অদ্ভুত! খোদার সব মহিমায় গঠিত অন্তর তোমার—সব বিশ্বয়ে সৃষ্টিত কার্য তোমার—সব উদারতায় ভূষিত বাক্য তোমার—সব প্রহেলিকায় নিশ্চিত জীবন তোমার। তাহলে হে সেনাপতি-পুত্র, বীর-নন্দন, পিতার শূন্য স্থান পূর্ণ করে বঙ্গ-বাহিনীর প্রধান কাণ্ডারীরূপে অবতীর্ণ হও রণাঙ্গণে? পিতৃপদ—পুত্রেরই প্রাপ্য। তাই আমি আজ তোমায়, তোমার পিতৃপদে—বঙ্গ-বিহার-উড়িষ্যার প্রধান সেনাপতিপদে অভিবরণ করলুম।”

“এ বান্দার একটা নিবেদন আছে জাঁহাপনা।”

“নিবেদন থাকে—বল; বাধা তো দিচ্ছি না উজীর।”

“সাহান-সার আদেশ প্রতিরোধের অধিকার এ গোলনের না থাকতে পারে, কিন্তু সদ্যুক্তি প্রদানের অধিকার আছে।”

“বল, কি তোমার সদ্যুক্তি?”

রাজপুত্র-বালা

“এই বালক, আপনার যতই ভক্ত, যতই প্রিয় হোক না, কিন্তু নবাব-কটকের প্রিয় নয়—সৈয়দল বালকের ভক্ত নয়। বালক, আপনার চক্ষে উচ্চ উদার হলেও নিরক্ষর নির্যোধ সৈন্তের চক্ষে বালক—বালক নাত্র। বালককে যারা রক্তনেত্রে তর্জনী হেলনে—কণ্ঠ গর্জনে শাসন করে এসেছে—তারা আজ বালকের অশুশাসন কখনই পালন করবে না।”

“তারা না করে, তাদের প্রভু—বাংলার নবাব সর্দারজন সনক্ষে পালন করবে। আদেশ আমার অনড়—অভঙ্গ! এই বালকই এ ইতিহাসখ্যাত সময়-যজ্ঞের প্রধান সেনাপতি—আর আমি এই বালকের সহকারী।”

ষোড়শ পরিচ্ছেদ

“নবাব গৌরববাহী সৈন্তগণ, কেশরী-সাহস বক্ষে আবদ্ধ করে—ইরানদের তেজ বাহুতে আকর্ষণ করে—অরাতি কর দলন। তোমাদের আয়ুধ-ঝঞ্ঝারে শত্রু-কর্ণ হোক বধির। অস্ত্রের উজ্জ্বলতায় বিপক্ষ-নেত্র হোক নিশ্চল। অস্ত্র নিপাতনে লুপ্ত হোক শত্রুশির ভূতলে। ছোট—ছোট শিকার-দৃষ্ট সিংহ-জন—ছোট উল্লাসন যুক্তিকা মন্থনে—অরাতি নাশনে। আর সহকারী সেনাপতি নবাব সরফরাজ, তুমি ছোট ঐ বিপক্ষ-তপন আলিবর্দীর শক্তি দলনে—বক্ষ বিদারণে।”

“সেনাপতির আদেশ, সহকারী সরফরাজ সসম্মানে শিরে ধারণ করলো।”

স্বরং বঙ্গ-বিহার-উড়িষ্যার অধীশ্বর, কোটি কোটি নর-নারীর ভাগ্যা-দেবতা নবাব সরফরাজ সতাই এক ক্ষুদ্র বালক-আদেশে স্বীয় সৈন্যসহ আলিবর্দীর প্রতি ধাবিত হইলেন।

বালক-আদেশ পালনে ইতস্ততঃ চিন্তিত সৈন্যগণ, সে দৃশ্যে সে আদর্শে—বালক আদেশে বিপক্ষ-বাহিনী আক্রমণে আণ্ডয়ান হইল।

বালকের রণ-ক্ষিপ্ততা, যুদ্ধ-দক্ষতা, রণ-নিপুণতা, সৈন্য ব্যূহ রচনা দর্শনে স্বপক্ষ বিপক্ষ স্তম্ভিত হইল! স্বপক্ষ ভাবিল,— বালক বিধি-প্রেরিত—উল্লাসে তারা রণোন্মাদনায় মাতিল।

ক্রতগতি অশ্ব ছুটাইয়া আলিবর্দীর নব নিয়োগযুক্ত সেনাপতি—বালক-আক্রমণকারী সৈন্যদল সন্নিধানে আসিয়া তাহাদের লক্ষ্যে উচ্চৈঃস্বরে বলিলেন,—

“সৈন্যগণ, বালককে নিরস্ত কর—বন্দী কর ; কিন্তু বালক অঙ্গে কেহ অস্ত্রাঘাত করো না—নবাব আলিবর্দীর আদেশ।”

সু-উচ্চ সূতীর স্বরে বালক বলিয়া উঠিল,...

“তোমার প্রভু, নবাব সরফরাজের ভৃত্য আলিবর্দীকে এ ছুরাশা পরিত্যাগ করতে বল। যেচ্ছার সিংহশাবক শৃগালের করে আত্মসমর্পণ করবে না।”

“আত্মসমর্পণ না করলে প্রাণ দিতে হবে।”

“তাতে প্রাণ-প্রিয় পশু-প্রাণে কাতরতা জাগলেও, বীর হৃদয়

রণ-মৃত্যু অবশ্যে কাতর হয় না—বরং উল্লাসে অধীরে নৃত্য করে উঠে।”

“কিন্তু তুমি একটা জগতের দুর্লভ রত্ন—একটা গৌরবময় আদর্শ। তাই এ মহোচ্চ আদর্শ অস্বাঘাতে চূর্ণিত করতে, আমার দয়াল প্রভু আলিবর্দী কাতর—কুণ্ঠিত।”

“যে প্রভুর বক্ষ-শোণিত-পানাশায়—অস্ত্র উত্তোলনে—সুদূর দেশ থেকে আসতে পারে—তার এ কুণ্ঠা, এ কাতরতা মেষ-শাবকের জন্তু ব্যাঘ্রের শোকবৎ।”

নবাব যেনিকে যুদ্ধ-নিরত, সহসা সেই দিক হইতে এক সঙ্গে, এককালীন জলহুল দ্যোম বিকম্পনে আগ্নেয়াস্ত্রের ভীম রোল সঘনে গর্জিয়া উঠিল।

বালক দেখিল, সকলে দেখিল, প্রায় সহস্রাধিক রক্তবেশ পরিহিত, রক্তটীকা-বিশোভিত সৈন্য আগ্নেয়-আয়ুধ-ধারা জল-ধারার তার অবিরাম বষণ করিতেছে। বিস্ময়ে বালক দেখিল, বিপক্ষ সপক্ষ দেখিল—তাহারা হিন্দু। অবাক-অপলকে বালক দেখিল, সকলে দেখিল—তাহারা কেবলমাত্র নবাব-সৈন্য প্রতি অগ্নিগোলক-ধারা বষণ করিতেছে। সে ধারার নবাব-নৈস্ত্র শোণিত-পানায় ঝাণ্ডিত—লুণ্ঠিত হইল। বিপুল বিস্ময়-তরঙ্গে বালক দেখিল—সেই সৈন্যদল সম্মুখে এক কৃষ্ণবর্ণ অশ্বপৃষ্ঠোপরি আলু-লারিত-কুন্তলা—ভীষণ-দর্শনা—লোল-রক্ত-বসনা—অস্ত্র-শস্ত্র-শোভনা বংশীরী রমণী মূর্তি বিরাজমানা। বালক স্তম্ভিত, বিস্মিত—যুদ্ধমুতি বিরহিত হইয়া সেই রণরঞ্জিনী বীরাজনার প্রতি চাহিয়া রহিল—

সহসা আগ্নেয়াস্ত্র-মুখ-নিঃসৃত একটা তপ্ত লাল গোলক ছুটিয়া আসিয়া বাংলার নবাব মহীয়ান—গরীয়ান নবাব-বক্ষ বিদ্ধ করিল। আর্তনাদে নবাব দীর্ঘ-বক্ষে ধরণীবক্ষে পতিত হইলেন। উন্মাদের ন্যায় উচ্চনিম্নাদে বালক চীৎকার করিয়া উঠিল। এই সময়ে আত্মবিশ্বস্ত বালক-কর হইতে আলিবর্দীর সেনাপতি অসু আকর্ষণ করিলেন। শিথিল-মুষ্টি-ধৃত করবাল সহসা আকর্ষণে বালকের করচ্যুত হইল।

তীব্র ঝঙ্কারে বালক বলিল,—

“এ বীর ধর্ম নয়—শৃগাল ধর্ম।”

“একটা মহৎ অবদান—মহান কীর্তি সংরক্ষণে কোন ধর্মই নিন্দিত নয়। তোমার ন্যায় মহৎ মহান প্রাণ রক্ষণে—তোমার পুত্র অঙ্গ স্পর্শনে আজ আমার সৈনিক-জীবন ধন্য হলো।”

সেনাপতির কর্ণস্বর নিঃশব্দিত না হইতেই মহা মহোৎসাহে মহা হর্ষোচ্ছ্বাসে আলিবর্দীর সৈন্যবৃন্দ বালককে শিরে ও স্বন্ধে উত্তোলনে মহোল্লাসে নৃত্য করিতে করিতে শিবিরান্তিমুখে ছুটিল। তারপর সেই বীর বালককে তাহার স্বীয় প্রভু আলিবর্দীর সকাশে উপস্থিত করিল।

বালককে সৈন্যবৃন্দ স্বন্ধে বাহিত করতঃ আলিবর্দী-সমীপে আনয়ন, এবং আলিবর্দী কর্তৃক বীর বালকের পিতা বিজয়সিংহের হিন্দু দ্বারা বীরযোগ্য সংকার ও বালকের দ্বারা শ্রাদ্ধাদি মহা মহারোহে সমাপন করার ঘটনা পর্য্যন্ত উল্লেখ করিয়াই ইতিহাস এই বীর বালকের কাহিনীর অবসান করেছেন। স্মরণ্য

আনিও এইখানে এই অকল্পনীয় অভিমত্য়সম বীর বালকের মহান চরিত্রের পটক্ষেপণ করনুম ।

সপ্তদশ পরিচ্ছেদ

“নবাব !”

“এই যে এসেছ । বড় শুভ মুহূর্ত্তে—বড় সু-সময়ে এসেছ তুমি রণ-দেবী, আবধ ধারণে—রক্ত বসনে । এস আমার নয়ন-সম্মুখে—তোমার জগজ্জ্যাতিশয়ী মহা মাতৃ-মূর্ত্তি অন্তিমে একবার শেষ দেখা দেখে নিই । দাঁড়াও মহিমার আলোখা অঙ্কিত করে শির শীর্ষে—দাঁড়াও একবার স্নিত-স্নাত-শুভহাস্তে । অভিশাপ ছেড়ে একবার এ প্রয়াণপথ-যাত্রীকে মুক্ত-চিত্তে—মুক্ত-ভাষে কর আশীর্বাদ । তোমার পুণ্য মুখ-নিঃসৃত—মঙ্গল-নিষিক্ত আশীষ-বাণী শুন্তে শুন্তে মহা পুলকে—মহা আলোকের দেশে প্রস্থান করি ।”

“এ কি অদ্ভুত জটিল গা-জাল-আবদ্ধ ধ্বনি শোনাও নবাব ! অল্পর আকুল—বিবেক ব্যাকুল হয়ে উঠেছে । একি শ্রবণ-ভ্রান্তি, না কপটের কপটবাণী ?

“দীর্ঘ জীবনে বহু পাপ—বহু অক্কার কাঁদা প্রতি পদক্ষেপে করেছি । আজ এই খোদার বিচারালয়ে গমন সময়ে কপটতার আশ্রয়ে বর্ধিত করবো আমার পাপ কর্মের অঙ্গ ?”

পুত-পবিত্র, শুদ্ধ স্বচ্ছ অকৃত্রিমতার মানব এই পুণ্য-মুহূর্তে—
 এই জীবন-যবনিকার পতন সময়ে ভক্তিভরে ঈশ্বরের নামোচ্চারণ
 —ঈশ্বর-রূপ ধ্যান করে, আর আমি কপট বাক্য উচ্চারণ
 করবো ! মানব, কল্পিত দেব-দেবীর ধ্যান করে—আর আমি সেই
 দেবী মূর্তি—সজীব মূর্তিতে প্রত্যক্ষ করছি, সেই দেবীর সম্মুখে
 মিথ্যা বলবো ! সতী তুই—দেবী তুই, তাই আজ তোর
 অভিশাপে বাংলার এক মহা বিস্ময়কর পরিবর্তন সংসাধিত হলো !
 বঙ্গ-ইতিহাস-পৃষ্ঠা আজ তোরই জন্ম মহা আলোকে—মহা কলেবরে
 পরিপুষ্ট হয়ে উঠলো । ইতিহাস-পৃষ্ঠাবন্ধিণী, আলিবন্দীর ভাগ্য-
 প্রদায়িণী, ভবিষ্যৎ বঙ্গ-ইতিহাস-বন্ধ-বিহারিণী মূর্ত-দেবী, তোর
 অভিশাপ যেমন আজ আলিবন্দীকে মহাভাগ্যপ্রদানে বাংলার
 সিংহাসন অর্পণ করলো—তেমনি আমাকেও আজ মহা-গৌরব-
 মাল্যে—সৌভাগ্য-টীকায় শোভিত ভূষিত বরিত করলো । ধন্য—
 ধন্য—সত ধন্য তুমি রাজপুত-বালা । তোমারই জন্ম আজ
 সরকারাজের পতন—আলিবন্দীর উত্থান ! এ কাহিনী যত দিন
 ইতিহাস থাকবে, ততদিন চির-খোদিত—চির-জাজ্জ্বল্য—চির-
 জাগ্রত হয়ে তোমার স্মৃতি—তোমার কীর্তি তোমার মূর্তি—
 মানব-চিত্তে মহা বিস্ময় জাগিয়ে তুলবে ।”

“আমি তোমার জননী !”

“এখনও কি বুঝতে পার নাই মা ? জননী জ্ঞান না করলে—
 তোমার পদে কি পুষ্পগুচ্ছ পুষ্পাঞ্জলীস্বরূপ প্রদান করি ?
 সতী না ভাবলে কি তোমার পদধূলি গ্রহণে উত্তম হই ?”

“প্রহেলিকা ! প্রহেলিকা ! এখনও প্রহেলিকায় আচ্ছন্ন অন্তর আমার । এখনও সন্দেহে ব্যাকুল বক্ষ আমার । আবার— আবার বল নবাব,—সত্য সত্য কি এ বাণী ! সত্যই কি আমি তোমার জননী ?”

“সত্য—সত্য—সত্য । সত্যই তুই আমার জননী । ঐ আশমানে দীপ্ত-তপ্ত রবি দেদীপমান ! ঐ আরও উর্দ্ধে—মহা উর্দ্ধে বিশ্বপিতা খোদা বিদ্যমান ; এই মর্ত্যে বীরের দেবতা ‘অশ্ব’ আমার অঙ্গে শোভমান ; এই অশ্বস্পর্শে—ঐ সৃষ্টি সাক্ষ্যে— এই প্রয়াণ-শয্যা-শয়নে—ঐ খোদার নাম স্মরণে বলছি তুই আমার জননী—জননী—জননী ।”

অষ্টাদশ পরিচ্ছেদ

“এ চিতা-সজ্জা হতে ক্ষান্ত হও না—এ ইচ্ছা রুদ্ধ কর সতী ! সন্তানের প্রতি সদয়া হয়ে আজ আবার কেন নিদয়া হও জননী ? পুত্র-হৃদয় নিদারুণ শেলাঘাতে চূর্ণ করো না—সন্তানকে শোকাবর্ত্তে প্রক্ষেপ করো না গো করুণাময়ী ।”

“না—না, বাধা দিও না সর্দার । কাতরতায় করুণায় আমার পুণ্য-কর্ম্মে—কর্তব্য কর্ম্মে বিঘ্ন এনো না । এ আমার ব্রত উদ্যাপন—প্রতিজ্ঞা পূরণ । এ আমার জ্বালাবসান—

তাপদগ্ধে অন্তরের শান্তি-সরোবর। নারী হয়ে রমণীর স্বভাব-জাত স্নেহ মমতা, প্রীতি, প্রেম, করুণা কোমলতা বিসর্জনে; হিংসা, ঘেব, ঈর্ষা, কপটতা, নীচতায় হৃদয় পরিপূর্ণ করেছি; করুণা-কোমল করে পিশাচিনীর ন্যায় মানব-হৃদয়-নাশী তীক্ষ্ণ অস্ত্র ধরেছি। স্বকরে সন্তান সরকারাজকে হত্যা করেছি। পর্বত-শিখর-নিঃসৃত প্রবাহিনীর ন্যায় প্রতিহিংসায় ক্ষিপ্তা হয়ে অবাধে এক প্রান্ত হতে প্রান্তান্তরে ভীষণা ভৈরবী রাক্ষসী মূর্তিতে ছুটে বেড়িয়েছি। দিক্কার জন্মেছে জীবনে। অনল অপেক্ষা উত্তাপিত আজ আমার অন্তর। এ নয় আমার মরণ—এ আমার জীবন। তাই আজ এ ঘৃণিত জীবনের অবসানে—শান্তি-জীবন অর্জনে এই চিতা রচনা। এ সুখ শয্যা রচনার বাধা দিও না।”

“মা হয়ে, মা—সন্তানে কাঁদাবি?”

“চুপ—চুপ, মা নামে আর ডেকো না। মা নই—মা নই! আমি—আমি রাক্ষসী—আমি সৃষ্টি-বিনাশী। সন্তান সরকারাজের মৃত্যুর উপলক্ষ হয়েছি, আবার তোমাদের সংহার করবো। এ রাক্ষসীর জীবন জগতের হয়তো আরও অনেক অনিষ্ট সাধন করবে—আরও অনেক অমূল্য প্রাণ অকালে হনন করবে। তাই বলি, মরণেই আমার মঙ্গল—জগতের মঙ্গল।”

সহসা এক বিপুল জনতা শ্মশানস্থিত সকলের দৃষ্টিগোচরী-ভূত হইল। স্বীয় চিতা সজ্জাকারিণী রাজপুত-বালাও তাহা দেখিতে পাইলেন। চিতা-সজ্জা বিস্মরণে রাজপুত-বালা সেই শ্মশান-আগত জনতার প্রতি অবাক্কে অপলকে চাহিয়া রহিলেন।

জনতা সন্নিকটবর্তী হইলে সান্নিধ্যের সর্দার বিষয়ে দেখিল,—জনতা শবদেহবাহী । দেখিল,—এক মহার্ঘ্য পালঙ্কোপরি, স্বর্ণ-বিজড়িত মথমল বস্ত্রাবৃত, পুষ্প-বিশাভিত শবদেহ—সুদৃশ্য বেশধারী কতিপয় সম্মান ব্যক্তি দ্বারা বাহিত । শব-যাত্রীর সর্বাঙ্গে ম্লান বদনে, সিন্ধু নয়নে, এক সুসৌম্য সুপ্রিয়দর্শন প্রবীণ ব্যক্তি, আর পশ্চাতে বিপুল জনবাহিনী । বাহিনীর সকলেরই নগ্নপদ, মুক্তশির, বিষাদ বদন, নত আনন । যেন একটা সচল শোকোচ্ছ্বাস ধীরে—গম্ভীরে আগত । সেই সম্মুখবর্তী প্রবীণ ব্যক্তির প্রতি স্থির দৃষ্টি নিক্ষেপে সর্দার ভরাট গম্ভীর কর্ণে ডাকিল,—

“মা ?”

উত্তর নাই ।

পুনঃ সর্দার ডাকিল,—

“মা ?”

উত্তর নাই ।

উত্তর না পাইয়া সর্দার রাজপুত্র-বাল্যের প্রতি চাহিল, দেখিল, সে মূর্তি যেন প্রস্তর মূর্তিতে পরিণত হইয়াছে । ভয়-বাকুলিত কর্ণে সর্দার আবার ডাকিল,—

“মা ! মা ! মা ?”

দূরে সেই বৃদ্ধের কর্ণেও আর্ত ব্যাকুলতায় ধ্বনিত হইল,—

“মা ! মা ! মা ?”

সর্দার-সহচরেরা ব্যাপার কি, না বুঝিলেও তাহারাও উর্চৈঃস্বরে ডাকিল,—

“মা ? মা ? মা ?”

‘মা’ কিন্তু নীরব—নিশ্চল ।

শব-বাহিনীর অগ্রগামী প্রবীণ ব্যক্তির গতি দ্রুত হইতে দ্রুততর হইল—ক্রমে তাঁহার গতি পবনবৎ হইল। উদ্ভ্রান্ত তরঙ্গের মত বৃদ্ধ রাজপুত-বালার সম্মুখে আসিয়া আর্ত ব্যথিত কণ্ঠে ডাকিলেন,—

“মা ! মা ! মা !”

এবার মায়ের চোখের পলক একবার স্পন্দিত—বক্ষ একবার বিক্ষীত হইয়া উঠিল। উন্মাদের ন্যায় বিভ্রান্ত কণ্ঠে বৃদ্ধ বলিয়া উঠিলেন,—

“মা ! মা ! মা ! এতদিন পরে হতভাগাকে দেখা দিলি মা ! তোকে ডাক্তে দীর্ঘনাদে আকাশ কাঁপিয়ে তুলেছি। নয়নে অশ্রুর প্রবাহ ছুটিয়ে অবিরাম তোরেই কেবল এতদিন ডেকেছি। তাই আজ এ অসময়ে সদয়া হয়ে দেখা দিলি মা ? এতদিন পরে বৃদ্ধের আর্ত আহ্বান হৃদয়ে আঘাত করলো জননী ! আর—আর কিছুদিন পূর্বে কেন কৃপা করলিনি মা ? তাহলে— তাহলে আজ আমার প্রাসাদ শ্মশান—হৃদয় মরুভূমি হতো না ; তাহলে আজ আমার অনুতাপানে দক্ষ হতে হতো না। আজ এই মুক্ত আকাশতলে দাঁড়িয়ে মুক্তভাবে উচ্চকণ্ঠে বলছি—

তুই সতী—সতী—সতী ! তোর প্রত্যেক অভিশাপটি আজ সজীবতায় বৃদ্ধের সম্মুখে—জগৎ সম্মুখে ফুটে উঠেছে। দলিত হয়েছে আমার মান অভিমান—পাঠান-পদে। চূর্ণিত হয়েছে—

আমার জাত্যাভিমান বংশাভিমান—যবন কোপে । লুণ্ঠিত হয়েছে ভারতপূজা স্বর্গ-ভবন-সম শেঠ-প্রাসাদ—যবন-হস্তে ! শুধু তাই নয় মা, মহামান্য দিল্লীশ্বর সম্পূজিত, জগৎবরেণ্য ; যার ধন দৌলত বিশ্বয়-তরণে দেশ দেশান্তরে বিঘোষিত—যার যশ-সৌরভ পবন-বাহনে বাহিত, সেই বিশ্বধন্য, মানবগণাশ্রয়, নৃপতিবরেণ্য জগৎশেঠ দীনহীন, সামান্য নগণ্য তস্করের নাথ বন্দী হয়েছিল যবন-কারাগারে ! নবীন নবাব আলিবন্দী আমায় মুক্ত করে দেন । অপমানে আমার বক্ষ-পঞ্জর দীর্ণ—চূর্ণ । শোকাঘাতে অন্তর আমার জ্বালা-জর্জরিত । আর নয়, যথেষ্ট শিক্ষা—যথেষ্ট শান্তি দিয়েছি । এবার আমায় দয়া কর—এবার আমায় ক্ষমা কর মা ।”

“পিতা, অগ্রে বল—ঐ পালকে পুষ্পভূষণে কে করেছে শয়ন ?”

“সতীর পতি ।”

“আর ঐ পতির সেবিকা, তার শয্যা স্ব-করে ঐ করেছে রচনা । সতী যদি হই পিতা, তবে এই সতী-কর-সজ্জিত শয্যায়—আমার বক্ষ উপাধানে—সতীর পতিকে শয়ন করিও—এই তোমার পদে অন্তিম প্রার্থনা ।”

“কোথায় যাও মা ?”

“সতী আমি—পতি পূজনে ।”

“ক্ষান্ত হও সতী—ঘরে চল মা ।”

“পতি পদতলই সতীর ঘর, সেই ঘরেই চলেছি তো পিতা । অভাগিনীর প্রতি সহানুভূতির উদ্রেক হয়ে থাকে যদি, তবে অন্তিম প্রার্থনা আমার পূর্ণ করো পিতা ।”

সতী স্বীয় রচিত চিতায় স্বকরে অগ্নি প্রদানে, স্বামীর পদধূলি শিরে ধারণে, স্বশুর-পদে প্রণত হইয়া হস্ত আননে, উজ্জ্বল নয়নে স্বীয় সজ্জিত চিতাশয্যায় শয়ন করিলেন।

জগৎশেঠের আদেশে সেই মুহূর্ত্তে সতীর পতিও পত্নী-শয্যায় নিক্ষেপিত হইলেন। সকলে কণ্টকিত গাত্ররূহে—বিপুল বিষ্ময়-পুলকোচ্ছ্বাসে দেখিল,—

সতীর দুটা মৃগাল বাহু—পতিকে আবেষ্টন করিল!

সেই অমর-কল্পিত, আত্মোৎসর্গময় মহতী-মহীয়ান দৃশ্য দর্শনে, অজানিত বিভোরতায় সকলের কণ্ঠে মহানাদে ধ্বনিত হইল,—

“সতী—সতী—সতী”

অবসান

খরশ্রোতা ধায় যবে মিশিতে সাগরে,
কার হেন সাধা যে, সে রোধে তার গতি ?
ভাঙ্গের ভরা-গাঙে—শ্রোতাধিনীর একটানা বেগ প্রতিরোধ করিবার জন্ত
'খাল' কাটরা যাহারা গতি হ্রাসের বিফল প্রয়াস পাইতেছিল,
'কমলিনী'র সুলভ সাহিত্য-প্রচার-প্লাবনে

ত্রি দেখুন, তাহারা—

শ্রোতে কুটার ম . ভাসিয়া যাইতেছে !

সাগর-প্রমাণ-সাহিত্য-ভক্তবৃন্দের চরণতলে ডালি দিতে সাজি ভরিয়া
শুচি-শুদ্ধ নির্মাল্য লইয়া শত বাধা বিঘ্ন অতিক্রম করিয়াও
কমলিনী যাইবেই ;

পার কি করিতে কেহ লক্ষ্যচ্যুত তারে ?
যদি না পার, তবে লোক হাসাইয়া লাভ কি ?

—এবারে—

নকরভোজী নকলনবীশদের আক্কেল সেলামী

—পাণ্ডিত—

নারায়ণচন্দ্র ভট্টাচার্য্য বিদ্যাভূষণ প্রণীত

—সোণার সাহিত্যে মীণের কাজ করা—

গিনির মালা

১১ এক টাকায়

বসুন দেখি এ 'গিনির মালা' কেমন নূতন ? না দেখিয়াই বা বলিবেন কেমন করিয়া ?
যে রূপ একটা কিছু 'নূতন' দেখিলে নকলিওয়ালাদের মুখ চুলকাইবে, 'গিনির মালা'
উপহাস-সাহিত্যে সেইরূপ একটা 'নূতন কিছু' । যেমন আশ্চর্য্য কিছু 'নূতন' দেখিলে
বালকে বাহন ভুলে, আনন্দে যুবকেও স্রবাব রহিত হয়, আর বৃদ্ধ গালে হাত দিয়া
ভাবেন, 'কালে কালে কতই হইতেছে'—এবারে কমলিনীর গিনির মালা তেমনই
'নূতনত্বে' পরিপূর্ণ আছে । 'গিনির মালা'র জন্ত প্রত্যেক পুস্তকালয়ে যাইয়া ভীষণ তাগিদ
আরম্ভ করুন । নাম ধরিয়া না চাহিলে পাওয়া দুষ্কর হইবে ।

কে গা তুমি লজ্জাবতী লতা ? তুমি কাদের কুলের বউ ?

এমন মাঠের পথে বাঁকে ; সাঁঝ-পহরে কলসী কাঁকে,
কদমচালে যাচ্ছে। একা ;—সঙ্গে নাহিকো কেউ, তুমি কে গা ?

পল্লীবধু !

পল্লীবধু !

পল্লী-সাহিত্য-সমাজের ঔপন্যাসিক-পঞ্চায়েৎ—পল্লীচিত্রাঙ্কণে সিদ্ধহস্ত

“রহস্যলহরী”-সম্পাদক—বাংলার ঔপন্যাসিক-ইন্দ্র

শ্রীযুক্ত দীনেন্দ্রকুমার রায় প্রণীত

হাজারের সেরা একখানি উপন্যাস

পল্লী-বধু

—

চিত্রে—নানা চরিত্রে

শ্রীযুক্ত ধীরেন্দ্রনাথ গাঙ্গুলীর ভাব বৈচিত্র্য ।

যে নিপুণ তুলিকায় “পল্লীচিত্র” “পল্লীবৈচিত্র্য” অঙ্কিত ;—

সেই মস্তঃপূত তুলিকাক্ষিত ‘নূতন কিছু’ দেখাইবার

জনাই “পল্লীবধু”র নবাবিষ্কার !!!

চিত্রশিল্পী—মিঃ এন্, দাস ও শ্রীনরেন্দ্রনাথ সরকার ইত্যাদি
রেশমী বাঁধাই, এটিকে ছাপা, চখানি চিত্রযুক্ত ১২ টাকা, ডাকে ১।০

নিম্নল-সাহিত্য-পীঠের নূতন গ্রন্থ

বেল ওয়ে গিরিজ

—প্রথম গ্রন্থ—

শ্রী মতী চারুশীলা মিত্রের

হিন্দু-নারী

আরুণ-যমুনার মত দু'টি চক্ষের প্রীতিপায় বইখানির লেখা শেষ হইয়াছে। আরম্ভের দিকের পরিচয়ে গ্রন্থকর্ত্রী সুলেখিকা শ্রীযুক্তা চারুশীলা মিত্র মহোদয়ার নামই, আডম্বরপূর্ণ অতিরঞ্জিত বিজ্ঞাপনের অপেক্ষা অধিক কাজ করিবে, আর এই গ্রন্থের মূল উদ্দেশ্য ও মধ্যভাগের রচনা-কৌশল পড়িয়া পাঠক পাঠিকা, বলুন ত, এই ধরণের উপন্যাস আপনি মোট ক'খানি পড়িবার সুযোগ জীবনে পাইয়াছেন? মহিলা-সাহিত্যের পর্দানসীন-আসরে এই গ্রন্থকর্ত্রীর আসন আপনারা কোথায় নির্দেশ করিলেন, পাঠাতে "হিন্দু-নারী"র প্রত্যেক পাঠক পাঠিকাকে সরল সত্য রূপায় "নিম্নল-সাহিত্য-পীঠে" জানাইতে হইবে, এইটুকুই আপনাদের নিকট প্রকাশকের বিনীত অনুরোধ! ইতিমধ্যেই হিমালয় হইতে কুমারীকা পর্যন্ত এই বইখানির নাম সকলের মুখস্থ হইয়া গিয়াছে—

হিন্দু-নারী!

হিন্দু-নারী !!

নিম্নল-সাহিত্য-পীঠ, ৯নং কর্ণওয়ালিস ষ্ট্রীট, কলিকাতা।

‘কমলিনী-সিরিজে’

পঞ্চম বর্ষের পাঠ্য-ন্য

‘ক্ষত বক্ষঃস্থল, কিন্তু পৃষ্ঠে নাহি অস্ত্রলে’

দীর্ঘ চারি বৎসরকাল নকল-নবীশ, হিংসা-দাগীশদের স
করিয়া বক্ষঃস্থলে কত বিক্ষত হইয়াছে, কিন্তু পৃষ্ঠে অস্ত্রাঘাত চিহ্ন নাই ;—
উপগ্রাস-সাহিত্য-সমরে ‘কমলিনী’ আজও পৃষ্ঠ প্রদর্শন করে নাই !

১ এক টাকা সংস্করণ বলিতে একমাত্র ‘কমলিনী’ বর্তমান

অনেক হইল, গেল—আরও অনেক হইবে, তবে টিকিবে, কতদিন ;—
টীকেস্ত্রজীৎ ভিন্ন সে কথা বলিবার সাধ্য কাহারও নাই। এবার
রণশ্রাস্ত ‘কমলিনী’র বিজয়োৎসবের জন্ম কমলিনী-সাহিত্য-মন্দিরে—

উপগ্রাসাচার্য্য পণ্ডিত

নারায়ণচন্দ্র ভট্টাচার্য্য বিদ্যাভূষণ প্রণীত

স্বামীর ঘর

অতি বড় ঘরনী, না পায় ঘর,

অতি বড় সুন্দরী, না পায় বর

প্রবান এইরূপ হইলেও অতি বড় দরের ঘরনী ‘পার্বতী’ কিন্তু জীবনের

অবেলায় স্বামীর ঘরেই সংসার পাতিল ! তার লক্ষ্মী !

লক্ষ্মী অতি বড় সুন্দরী হইয়া শিবের মত বর, অথবা রামের

মত স্বামী পাইল, সে বিচার আপনারা করুন।

৫ খানি বহুবর্ণরঞ্জিত চিত্র ও ১ খানি দ্বি-বর্ণরঞ্জিত চিত্র

‘তার উপর পেছদপটের অদৃষ্টপূর্ব-জীবন্ত-শ্রী দেগিলে’ চক্ষে আর পলক

পড়িবে না। আ-মরি-মরি ! উপগ্রাসের কি রূপ রে !

মূল্য ১ এক টাকা, ডাকে ১।০ পাঁচ সিকা।

কমলিনী-সাহিত্য-মন্দির, ১১৪ নং আশিরাটোল ষ্ট্রীট, কলিকাতা

